

萬 有 文 庫

第 二 集 七 百 種

王 雲 五 主 編

古 文 苑

(下)

章 樵 注
錢 杲 校

商 務 印 書 館 發 行

古 文 苑

(下)

章 樵 注
錢 熙 祚 校

國 學 基 本 叢 書

編主五雲王
庫文有萬
種百七集二第

古 文 苑
二 冊

中華民國二十六年三月初版

注 者	校 者	發 行 人	印 刷 所	發 行 所
章	錢 熙 祚	王 雲 五	商 務 印 書 館	商 務 印 書 館
		上 海 河 南 路	上 海 河 南 路	上 海 及 各 埠

古文苑卷十一

對

董仲舒郊祀對

雨雹對

酈炎對事

狀

樊毅乞復華山下十里以內民租田口算狀

郊祀對

董仲舒

漢書本傳仲舒相膠西王以病免居家以修學著書為事朝廷如有大議使使者及廷尉張湯就其家而問之其對皆有明法

廷尉臣湯昧死言臣湯承制以郊事問故膠西相仲舒臣仲舒對曰所聞古者天子之禮莫重於郊郊常以正月上辛日

者所以先百神而最居前

仲舒治春秋此對止據春秋所書魯郊言之未足以該天子之禮

助曰天子以冬至祭上帝又以夏之孟春祈穀于上帝禮曰於郊故謂之郊魯以周公之故特得以孟春祈穀于上帝亦謂之郊郊皆用辛日上辛不吉則卜中辛又不吉則卜下辛所謂吉事先日也若以冬至則不當卜此說為長

三年喪不祭其先而不敢廢郊郊重於宗廟天尊於人也

禮記

王制曰喪三年不祭唯祭天地社稷為越縋而行事鄭氏注不敢以卑廢尊

王制曰祭天地之牛

角繭栗宗廟之牛角握賓客之牛角尺此言德滋美而牲滋

微也

王制鄭氏注握謂長不出膚

春秋曰魯祭周公用白牡色白貴純也

公羊子曰魯祭周公用白牡魯公用駢駒羣公不毛注白牡殷牲也駢駒赤奇周牲也不毛不純色所以降於尊祖帝

牲在滌三月牲貴肥潔而不貪其大也

禮曰養牲必在滌三月滌者養牲之官名

也養之三

凡養牲之道務在肥潔而已

駒犢未能芻秣之食

莫如令食

音飼

其母便

秩謂日食粟料肴品以養牲之芻秣飼其母

臣湯謹問仲舒

魯祀周公用白牡非禮也臣仲舒對曰禮也臣湯問周天子
用騂剛羣公不毛周公諸公也何以得用純牲臣仲舒對曰
武王崩成王幼而在襁褓之中周公繼文武之業成二聖之
功德漸天地澤被四海故成王賢而貴之詩曰無德不報故
成王使祭周公以白牡上不得與天子同色下有異於諸侯
臣仲舒愚以爲報德之禮臣湯問仲舒天子祭天諸侯祭土
公羊子曰魯郊非禮也天子祭天諸侯祭土注土謂社也魯何緣以祭郊臣仲舒對曰周
公傳成王成王遂及聖功莫大於此周公聖人也有祭於天
道成王令魯郊也伊川程氏曰成王之賜伯禽之受皆非也臣湯問仲舒魯祭周
公用白牲其郊何用臣仲舒對曰魯郊用純騂剛周色尚赤
魯以天子命郊故以騂周禮陽祀用騂牲毛之注騂牲赤色毛之取純毛也陽祀祭天於南郊及

宗廟剛與桐同臣湯問仲舒祠宗廟或以鶩當鳧鶩非鳧可用否臣

仲舒對曰鶩非鳧鳧非鶩也臣聞孔子入太廟每事問慎之

至也陛下祭躬親齋戒沐浴以承宗廟甚敬謹柰何以鳧當

鶩鶩當鳧名實不相應以承太廟不亦不稱乎臣仲舒愚以

為不可臣犬馬齒衰賜骸骨伏陋巷陛下乃奉使九卿廷尉漢九

也卿問臣以朝廷之事臣愚陋曾不足以承明詔奉大對臣仲

舒冒死以聞

雨雹對

按漢書武帝本紀及五行志並不載元光元年雨雹豈史有闕文邪鮑敞以私問焉將以窮造化之

變也觀仲舒之對廣大精切豈漢儒拘拘災異者之比邪

元光元年二月京師雨雹鮑敞問董仲舒曰雹何物也何氣

而生之仲舒曰陰氣脅陽氣五行志電者陰脅陽也霰者陽脅陰也天地之氣

陰陽相半和氣周迴朝夕不息陽德用事則和氣皆陽建巳

之月是也故謂之正陽之月陰德用事則和氣皆陰建亥之

月是也故謂正陰之月十月陰雖用事而陰不孤立此月純

陰疑於無陽故謂之陽月詩人所謂日月陽止者也杜詩

止鄭氏箋曰十月爲陽四月陽雖用事而陽不獨存此月純陽疑於無

陰故亦謂之陰月自十月以後陽氣始生於地下漸冉流散

故言息也陰氣轉收故言消也日夜滋生遂至四月純陽用

事自四月以後陰氣始生於天上漸冉流散故云息也陽氣

轉收故言消也日夜滋生遂至十月純陰用事二月八月陰

陽正等無多少也以此推移無有差慝運動抑揚更相動薄

則薰蒿歆蒸而風雨雲霧電雷雪雹生焉氣上薄爲雨下薄
爲霧風其噫也雲其氣也雷其相擊之聲也電其相擊之光
也二氣之初蒸也若有若無若實若虛若方若圓攢聚相合
其體稍重故雨乘虛而墜風多則合速故雨大而疎風少則
合遲故雨細而密其寒月則雨凝於上體尚輕微而因風相
襲故成雪焉寒有高下上暖下寒則上合爲大雨下凝爲冰
霰雪是也雹霰之流也陰氣暴上雨則凝結成雹焉太平之
世則風不鳴條開甲散萌而已雨不破塊潤葉津莖而已雷
不驚人號令啓發而已電不眩目宣示光耀而已霧不塞望
浸淫被泊而已雪不封條凌殄毒害而已雲則五色而爲慶
三色而成喬露則結味而成甘結潤而成膏此聖人之在上

則陰陽和風雨時也政多紕繆則陰陽不調風發屋雨溢河
雪至牛目雹殺驢馬此皆陰陽相蕩而爲禳疹之妖也敞曰
四月無陰十月無陽何以明陰不孤立陽不獨存耶仲舒曰
陰陽雖異而所資一氣也陽用事此則氣爲陽陰用事此則
氣爲陰陽陰之時雖異二體常存猶如一鼎之水而未加火
純陰也加火極熱純陽也純陽則無陰氣息火水寒則更陰
矣純陰則無陽加水火熱則更陽矣然則建巳之月爲純陽
不容都無復陰也但是陽家用事陽氣之極耳薺麥枯由陰
殺也月令孟夏靡草死麥秋至注靡草薺亭歷之屬薺麥蓋二物也建亥之月爲純陰不容
都無復陽也但是陰家用事陰氣之極耳薺麥始生由陽升
也其尤者葶塵死於盛夏款冬花於嚴寒水極陰而有溫泉

火至陽而有涼焰

天一生水本屬陽以其至寒故爲極陰如北山易可罅狐兔所謂溫泉也地二生火

本屬陰以其極熱故爲至陽如南方有火林草木鳥獸皆生長其中所謂涼焰也

故知陰不得無陽

陽不容都無陰也敞曰冬雨必暖夏雨必涼何也曰冬氣多

寒陽氣自上躋故人得其暖而蒸成雪矣夏氣多暖陰氣自

下昇故人得其涼而上蒸成雨矣敞曰雨旣陰陽相蒸四月

純陽十月純陰斯則無二氣相薄則不雨乎曰然純陽純陰

雖在四月十月但月中之一日耳敞曰月中何日曰純陽用

事未夏至一日純陰用事未冬至一日朔旦夏至冬至其正

氣也敞曰然則未至一日其不雨乎曰然頗有之則妖也和

氣之中自生災沴能使陰陽改節暖涼失度敞曰災沴之氣

其常存耶曰無也時生耳猶乎人四支五臟中也有時及其

病也四支五臟皆病也做遷延負牆俛揖而退

對事

酈炎

春秋襄二十九年吳子使札來聘公羊子曰賢季子也何賢乎季子讓國也謂也餘祭也夷昧也與季子同母者四季子弱而才兄弟同欲立之以為君謁請兄弟送為君而致國乎季子故謁也死餘祭也立餘祭也死夷昧也立夷昧也死則國宜之季子者也季子使而亡焉僚者長庶也即之闔廬曰將從先君之命與則國宜之季子者也如不從先君之命與則我宜立者也僚烏得為君乎於是使專諸刺僚而致國乎季子季子不受曰爾弑吾君吾受爾國是吾與爾為篡也爾殺吾兄吾又殺爾是父子兄弟相殺終身無已也去之延陵終身不入吳國故君子以其不受為義以其不殺為仁桓譚東漢人以公羊之說為未然炎主譚議設客問以辨明之

客問酈炎曰吳王曷不傳子而傳兄弟四人傳者將以致國乎季札季札不受雖有僚立闔閭之弑春秋猶以不受為義

不煞為仁而桓譚以吳之篡弑滅亡釁由季札札不思上放

周公之攝位而下慕曹臧之謙讓史記諸樊讓位季札札謝曰曹宣公之卒也將立子

臧子臧去之君子曰能守節矣名已細矣春秋之趨豈謂尔

乎炎曰夫四王壽夢至夷昧之輕命致國乎季子公羊曰諸為君者皆輕死為勇

飲食必祝曰天苟有吳國尚速有悔於子身謂其能流慶百世也季子不受內有

篡殺之亂外致滅亡之禍雖知潔己之可為不惟宗廟之絕

祀其痛矣問曰周制諸侯父死子繼若札從先私志受非所

繼是浮行豈節義之謂與闔閭之欲國蓋緣札之雅意故曰

季子雖至不吾廢也史記王僚使季札於晉公子光告專諸曰我真王嗣當立吾欲求之季子雖至

不吾廢也按史記光即諸樊子後立為王號闔廬謁諸樊名也今如吾子之云則君子何稱

乎炎曰光知季子仁而無權故肆意焉季子不能討是則春

秋所譏仁而不武無能達也子之云公羊也公羊不以父命

辭王父命以王父命辭父命不以家事辭國政衛輒拒父猶

謂之可公羊曰靈公逐蒯聵而立輒輒之義可立乎曰可不

也不以家事辭王父事以王事辭家事是上之行乎子

弑之子乎祭仲行權公羊嘉之云君可以死易生國可以存

易亡春秋桓十一年宋人執祭仲公羊子曰祭仲者何鄭相

謂之曰為我出忽而立突祭仲不從其言則君必死國必亡

從其言則君可以生易死國可以存易亡按突宋甥也宋人

以仲為能行權季子不然猶可善乎此蓋公羊之失非義

之通者也周公誅二叔不為不仁宋穆受兄國不為不義

傳宋宣公謂繆公曰以吾愛與夷則不若愛女以為社稷宗
廟主則與夷不若女蓋終為君矣宣公死繆公立注與夷者
宣公之子繆公
者宣公之弟
君子急病而讓夷故踐明堂朝諸侯非榮其

位為時之急也

夷平也言國平則讓國病則急救之周公之攝蓋時之所當急也

以季子之

才君國子民行化四方與夫句踐相去幾何若令向時見國

危亂慕周公急時之義思先君致國之意攝政持統邁其威

德奚翅遷都瑯邪

越絕書曰勾踐伐吳霸關東徙瑯邪起觀臺以望東海漢地理志瑯邪縣越王勾踐

嘗治

尚征上國朝齊宋鄭魯衛執玉之君哉

國語越滅吳上征上國宋鄭魯

衛陳蔡執玉之君皆入朝炎言季子之才遠過勾踐若令當國不惟吳免滅亡之禍計其成功必在越上孔子稱

可與立道未可與權

見論語

權反經而善

公羊語

聖之達節者也

左傳云聖達節其次守節

季子守節之士

左傳吳子使屈狐庸聘于晉趙文子問曰延州來季子果立乎

對曰季子守節雖有國不立

故非其量度乎問者因又謂炎曰古者聖人

封建諸侯皆云百里取象於雷雷何取也炎曰易震為雷亦

為諸侯雷震驚百里曰何以知之炎曰以其數知之夫陽動

爲九其數卅六陰靜爲八其數卅二震一陽動二陰靜故曰

百里易揲著法三揲之餘得九是爲老陽其策卅六得八是爲少陰其策卅二震下一爻得九而變故云動上二爻

得八不變故云靜三爻之策數合而爲百故言百里問者稱善

掾臣條屬臣準書佐臣謀宏以太守上祠西岳乞差

一縣賦發復華下十里以內民租田口算狀

掾屬書佐皆尚書屬官條準謀其人名也並主通郡國書狀者

樊毅字仲德漢元舅射陽侯樊丹之後有修西岳廟記蔡邕文見後

光和二年漢靈帝年歲在己丑冬十二月庚午朔十三日壬午宏農太

守臣毅頓首死罪狀書郡國書狀先上尚書以達于上臣毅頓首頓首死罪

死罪謹案文書臣以去元年十一月到官其十二月奉祠西

岳華山省視廟舍及齋衣祭器率皆久遠有垢故魯不修大

室春秋示譏

春秋文十三年大室屋壞穀梁子曰太室魯公曰太廟魯公曰太室

臣以神岳

至尊宜加恭肅輒遣行事荀班與華陽令先讜以漸繕治成

就之後仍雨甘雪澱潤宿麥惠滋黎庶臣即日以詔書齋祀

雪未消釋時日清和神親民喜

親作歡

誠聖朝勞神日昃廣被

四表覆育之德神人被施遐邇大小莫下幸甚臣毅頓首頓

首死罪死罪讜書言

華陽令先讜有書言此殺條上

縣當孔道加奉尊岳一

歲四祠養牲百日常常充肥用穀藁三十餘斛或有請雨齋

禱役費兼倍每被詔書調發無差山高聽下恐近廟小民不

堪役賦有饑寒之窘違宗神之敬乞差諸賦役

謂以遠近差次一縣賦役

復華下十里以內民粗田口業

復者蠲除其賦役以優之也方六反口業卽口算令民計

口出錢歲百二十為一算始於漢初

以寵神靈廣祈多福降中興之祚臣輒聽

行盡力奉宣詔書思惟惠利增異復上臣毅誠惶誠恐頓首
頓首死罪死罪上尚書

古文苑卷十一

古文苑卷十二

頌

董仲舒山川頌

班固車騎將軍竇北征頌

黃香天子冠頌

傅咸皇太子釋奠頌

王粲太廟頌

述

邯鄲淳魏受命述

山川頌

春秋繁露有此篇與韓詩外傳解
仁者樂山知者樂水文意頗相類

董仲舒

山則龍從蟲摧鬼摧隸巍

龍力空反從卽空反隸力罪反摧
作罪反摧卽崔字音摧隸五回反

鼻才賄反魏嵬字同聲並高峻崇積貌司馬相如傳巖嵒崔巍摧萎崛崎久不崩陴似夫仁人志

士孔子曰山川神祇立寶藏殘中庸曰寶藏興焉貨財殖焉殘恐當作茈委積貌易束帛

二切繁露作殖器用資曲直合大者可以為官室臺榭小者

可以為舟輿浮漚漚書涉反浮漚桴筏之類大者無不中

斧則斫折鎌則艾漢書五行志國未艾也師古曰艾讀曰刈刈絕也生人立禽獸伏

死人入多其功而不言是以君子取辟也論語仁者樂山又譬如為山且

積土成山無損也成其高無害也成其大無虧也小其上泰

其下久長安後世無有去就儼然獨處唯山之意詩云節彼

南山惟石巖巖赫赫師尹民具爾瞻此之謂也水則源泉混

混泫泫晝夜不竭既似力者盈科後行既似持平者循微赴

下不遺小間既似察者循谿谷不迷或奏萬里而必至既似

知者鄣防止之能淨淨繁露作清淨既似知命者不清而入潔清

而出既似善化者赴千仞之壑而不疑既似勇者物皆困於

火而水獨勝之既似武者咸得之而生失之而死既似有德

者孔子在川上曰逝者如斯夫不舍晝夜此之謂也

車騎將軍竇北征頌 班固

漢和帝永元元年拜竇憲車騎將軍以執金吾耿秉為副發北軍五校黎陽雍營緣邊十二郡騎士及羌胡兵出塞六月將精騎萬餘與北單于戰於稽落山大破之斬名王以下萬三千級獲生口甚眾諸裨小王率眾降者八十一部二十餘萬人憲秉遂登燕然山去塞三千餘里刻石勒功紀漢威德命中護軍班固作銘固又為之頌銘載於本傳

車騎將軍應一作膺昭明之上德該文武之妙姿蹈佐歷握輔

揅扶歷謂佐世之臣名應歷數揅初責反翼肱聖上作主光

輝資天心謨神明規卓遠圖幽冥親率戎士巡撫疆城

一作城

勒邊御之永設奮輶

一作輔

櫓之遠徑

輶當作輶秋云反輶輶城上守禦望樓可藏兵

荒服指

器矢石自上而發所以望遠故云遠徑

閔遐黎之騷狄念荒服之不庭

謂此軍伍校緣及羌胡兵簡虎校勒部

征討諸侯之不直者

隊明誓號援謀夫於未言察武毅於俎豆取可杖於品象拔

所用於仄陋料資器使采用先務民儀響慕羣英影附

憲是

屬依司空又將諸郡二千石子弟從征軍司馬則吳汜梁諷

任尚趙博校尉則耿夔等及鄧疊郭璜班固傅毅之徒皆置

幕府民儀謂才猷羌戎相率東胡爭鶩不召而集未令而諭

於是雷震九原電曜高闕金光鏡野武旗胥蜺衝

一作衝

超黃磧

九原高闕皆師徒經由之地燕然銘曰陵高輕選四

縱所從莫敵馳颯疾踵蹊迹探梗莽揀嶰阨斷注禺分尸逐

闕下鷄鹿經磧鹵絕大漠鷄塵塞高闕山也

電激私渠

温禺尸逐皆匈奴君長名號左右温禺鞮王皆單于子弟為之異姓則有左右尸逐骨都侯或斷或

分即所謂斬名王以下私渠匈奴中海名本傳追擊諸部遂臨私渠北鞮海

星流霰落名王交手

一作

稽顙請服乃收其鋒鏃干鹵甲冑積象

一作

如邱阜陳

閱滿廣野載載連百兩散數累萬億放獲驅拏揣城拔邑禽

馘之倡九谷謠謗聒聒東夷埃塵戎域

憲所征北單于耳謹聲誼東夷埃氛至西

域言兵威所及者廣四夷皆震懼也諺千紱反相怒使也一作謀

然而唱呼鬱憤未逞厥願

甘平原之酣戰矜訊捷之累算

戰勝攻取軍士猶未肯止訊奉辭也捷奏凱也詩執訊獲

醜又一月三捷累算言算無遺策也

何則上將崇至仁行凱易宏濃恩降温澤

同庖廚之珍饌分裂室之織帛勞不御輿寒不施釋行無偏

勤止無兼役

上將指寶憲凱易樂易也言以恩意撫士卒凡衣食之珍細不敢私諸已必與其下分甘絕少

勞佚均之禱音亦衣襦也

怪蒙識而愎戾順貳者異而懦夫奮遂踰涿耶

跨祈連籍庭蹈就疆獨靖嶼一作溟性必迷切誤也言憲有

驍狼戾者順從攜貳者革心性懦者自奮兵威所向無前遂

踰逐邪祈連等山預集單于之庭竟蹈而就之言其不勞餘

力也以靖嶼為疆而田麟幽山趨凶河臨安候趨起過反幽

撤其中靖嶼音靖越軼焉居與虞衍顧衛霍之遺迹武漢

之安侯地名北單于所居帝時大將軍衛青將六將軍十餘萬人出朔方高闕驃騎將

軍霍去病將萬餘人出隴西過焉耆山千餘里又出隴西北

地過居延攻祈連山殺獲甚眾匈奴遁走職伊秩之所邈伊

驃騎封狼居胥山禮姑衍臨翰海而還佛憚以爭先人心齊也佛憚音峩回萬里而風騰劉一作殘寇於

訖王勸呼韓邪單于以屬於漢是以佛憚以爭先佛憚音峩回萬里而風騰劉一作殘寇於

匈奴為小而藐之也備軍行戎醜以禮教斫鴻校而昭仁斫音欣猶薰也文武炳

其並隆威德兼而兩信音清乾鈞之攸冒拓畿略之所順

猶乾造畿
略猶封略
橐弓鏃而戢戈回雙麾以東運於是封燕然以降

高禴一作禴廣韉以宏曠封謂登山封識其所燕然山在匈奴

之神如霍去病之禮姑衍漢將軍封之所以降其高祀其山川

以宏曠代之典廣韉未詳銘靈陶以勒崇欽皇祇之祐陶

石也皇天帝也祇后十也言皆天地之祐陶漢欽奉之宣惠氣盪殘風軻泰幽嘉凝陰

飛雪灑庶其雨洒淋榛枯一握興坎軻者泰幽閉者嘉凝陰轉為飛雪優渥之澤庶其

而興灑音懷按文恐脫誤嘉卉始農土膏含養四行分仕嘉

良苗也誅鋤凶惡扶佑善良如豐殖嘉穀以全造化之功於是三軍稱曰疊疊將軍克廣

德心魯頌克廣德光光神武宏昭德音超兮首天潛眇兮與

神參詩武夫廣備音光武勇貌易神武而不殺天潛神參言其妙於無形不可窺測

天子冠頌

黃香

和帝本紀永元三年正月甲子皇帝加元服賜諸侯王公將軍特進列侯宗室在京師奉朝請者黃

金賜民爵及粟帛有差
大酺五日帝時年十三

以三載之孟春建寅月之上旬皇帝將加元冠簡甲子之元

辰厥日王於大皞月令正月大皞厥時叶於百神既臻廟而成禮

後漢禮儀志正月甲子若丙子為吉日可加元服乘輿初繼

布進賢次爵弁次武弁次通天皆於高祖廟如禮謁博物志

漢孝昭冠辭有曰推遠童稚之幼志宏積文武乃迴軫而反

之就德肅歎高祖之清廟六合之內靡不蒙福宮正朝服以享宴撞太族之蕤鐘月令正月太族作蕃屏而鼎轉

既夷裔之君王咸進酌于金罍詩我姑酌獻萬年之玉觴前漢

兒寬傳臣寬奉觴
再拜上千萬歲壽

皇太子釋奠頌

傳咸字長虞北地泥陽人
舉孝廉拜太子先馬

晉書惠帝為太子及愍懷太子講經竟並親釋奠
于太學太子進爵於先師中庶子進於顏回愍懷

惠帝太子名適竟謂講一
經徹中庶子東宮官也

蒸蒸皇儲既膺且聰神而用之夫豈發蒙

蒸進也言太子務學進進於善易蒙

卦初六發蒙童幼之人當啓發於初今聰膺之德得於天性不待啓發之功

謙以制禮靡事不恭

企茲良辰卜近于中

禮以上丁釋奠于先師今卜而用之近于中旬

乃修嘉薦于國

之雍

嘉薦謂牲醴菹醢之屬雍太學天子曰辟雍

敬享先師以疇聖功疊疊皇儲

希心闕里

闕里夫子闡教之地所以成德達材故心慕之先師夫子也以顏子配享易蒙以養正聖功也

光

光興服穆穆容止祇奉聖靈躬承明祀

太子儀禮之盛濟濟在於敬享先師

儒生侸侸胄子清酒于觴匪宴斯喜欣道之宏自今以始

儒

學之諸生胄子公卿之子助祭禮成不以均宴為喜以宏大吾道為樂

太廟頌

王粲

粲集作顯廟魏公曹操之祖廟也是時未敢僭稱太廟故止曰顯廟此編目以太廟後人改之耳魏志建安十八年漢天子以十郡封操為魏公加九錫始建魏社稷宗廟蓋建廟之始令粲作頌以獻

尋以祭為侍中

思皇烈祖時邁其德皇大也詩周頌時邁其德遠也肇啓洪源貽

燕我則祖宗積德始開慶源以遺後人之法則我休厥成聿

先厥道休嘉也聿述也與適同言嘉後人之丕顯丕欽允時

祖考周書丕顯哉文王謨丕承哉武

綏庶邦和四字九功備彝樂序虞書六府三事允治建崇牙

設璧羽崇牙懸樂器之筍簾璧羽所執以舞也六佾奏八人

六八四十八人舞也春秋初獻八音舉昭大孝衍妣祖八人

念武功收純祐念不忘也收受也平定天

於穆清廟周頌清廟祀文王也翼翼休徵翼翼敬也敬以祁

祁髦士厥德允升祁祁衆也髦士相祀之臣懷想成位咸奔

在宮在宮在廟也周頌駿奔走在廟無思不若允觀厥崇四方無有弗順則功業信崇

魏受命述

邯鄲淳

三國魏人一名竺字于叔

漢建安二十二年魏王操以子丕為太子黃初元年王薨太子卽王位左中郎將李伏大史丞許芝

表言魏當代漢見於圖緯其事甚眾羣臣因上表

勸王順天人之望王不許十月漢帝使行御史大夫張音持節奉璽綬詔冊禪位于魏

王為壇受璽綬卽皇帝位改元黃初

臣聞雅頌作於盛德典謨興於茂功德盛功茂傳序弗忘是

故竹帛以載之書之簡冊金石以聲之播之樂章垂諸來世萬載彌光

陛下以聖德應期龍飛在位易曰飛龍在天大人造也其有天下也恭已

以受天子之籍無為而四海順風若乃天地顯應休徵祥瑞

以表聖德者不可勝載鑠乎煥顯真神明之所以祚命世之

令主也凡自能言之類莫不謳嘆於野執筆之徒咸竭文思

獻詩上頌臣抱疾伏蓐

藉草也薦席之屬

作書一篇欲謂之頌則不

能雍容盛懿列伸元妙欲謂之賦又不能敷演洪烈光揚緝

熙故思竭愚稱受命述曰

言述不敢當作者之名曹丕父子以智力篡漢正朔用天子禮明帝青龍二

盛德事焉獻帝降封山陽奉漢正朔用天子禮明帝青龍二

年以天年終傳國九十餘年五世至晉五胡之亂國除由後世論之此豈非盛德事邪

伊上天闡載自民主肇建歷聽風聲陶唐為盛虞夏受終

受書

終于文祖謂受禪也

殷周革命

易湯武革命謂征伐而代王也

有禪而帝有代而王禪

代雖殊大小繇同於是以漢歷在魏赤運歸黃也

漢火德火生土故魏

自以為土德

是故大魏之業皇耀震霆肅清宇內萬邦有截帥義

翼漢奉禮不越

言曹操統帥義師翼戴漢宗不失臣禮

旅力戮心茂亮洪烈樹

深根以厚基播醇澤以釀味含光而弗輝戢翼而弗發將俟

聖嗣是遂是達

言操功烈茂盛可取天下而不取所聖嗣承

統爰宣重光

操薨丕嗣位為魏王

陳錫裕下民悅無疆

詩陳錫哉周易損上益下民說

無疆三神宣釐四靈順方

三神天神地示人鬼並昭其福

元龜

介王應龍粹黃

黃初元年黃龍高四五丈出雲中又瑞石靈圖出於張掖之柳谷又黃龍見譙應龍有翼

而飛應平聲

若云魏德據茲以昌爾乃鳴玉陟壇三摺以俟既受

休命龍旋鳳峙煌煌厥耀穆穆容止臨下有赫允也天子既

受帝位納璽要紱太常司燎升炮告類

既受命後柴燎告類于上帝珪

璋峨峨髦士棣棣踰踰聖躬御策以莅巍巍乎崇功顯顯乎

德容信帝位之壯業天休之所鍾也于時天地交和日月光

精氣稜不作風塵弭清凡在壇場之位舉目乎廣庭莫不君

臣和德咸玉色而金聲

言告類之時天地昭格君臣和悅也屢省萬幾謀訪老

成治詠儒墨策納公卿昧且孜孜夕惕乾乾言勤政也務在諧萬

國敘彝倫而折不若不若謂不順命者指吳蜀也懷遠人混六合之風納

乎仁壽之門刑錯靡試偃伯伯與霸同靡軍然後乃勒功岱嶽升

中上立斯固我皇之大摹思心之所存也禮記因名山升中於天注升告也中

猶成也謂巡守至于方岳燔柴祭天告以諸侯之成功也時三國鼎峙言當混一天下偃兵錯刑而後登封泰山勒功告

成斯蓋秦漢之侈心魏文烏能及此哉

古文苑卷十二

古文苑卷十三

贊

王粲正考父贊

張超尼父贊

蔡邕焦君贊

銘

班固沛泗水亭碑銘

十八侯銘

馮衍車銘

傅毅車左銘

車右銘

車後銘

張衡綬笥銘

胡廣笥銘

印衣銘

崔駰仲山甫鼎銘

樽銘

韞銘

李尤孟津銘

洛銘

井銘

小車銘

漏刻銘

蔡邕警枕銘

樽銘

王粲無射鍾銘

刀銘

正考父贊

王粲

正考父孔子七世祖系出宋襄公佐戴武宣三君
三命茲益恭故其鼎銘曰一命而僂再命而僂三
命而俯循牆而走亦莫余敢侮僂
於是鬻於是以糊余口事見左傳

恂恂正父應德孔盛身為國卿族則公姓年在耆耄三葉聞

政誰能不忘申茲約敬饘粥予口僂僂受命名書金鼎祚及

後聖言恭儉惟德慶流
後人實生仲尼

尼父贊

張超道書洞天集云
留侯張良作

史記叔梁紇與顏氏禱于尼邱
山得孔子故因名某字仲尼

巖巖孔聖異代稱傑量合乾坤
中庸仲尼上律天時下襲大

覆燾明參日月
子貢曰仲尼日月也

焦君贊

蔡邕

鎮江焦山寺有焦徵君贊碑
僧了元跋云丹陽舊圖經言焦山以焦光所隱故以為名按皇甫謐逸土傳曰世莫知焦光所出或言生漢末無父母兄弟見漢衰乃不言常結草為庵冬夏袒露垢如泥居于海島之上三召不起飛陞洞中今錄蔡邕贊以附于石元祐四年己巳正月十三日按伯喈遇害於漢末魏志載焦光青龍問事兼不及徵召之說未知孰是

倚歟焦君常此元墨衡門之下
栖遲偃息泌之洋洋樂以忘

食也詩衡門之下可以棲遲泌之洋洋可以樂飢注泌泉水鶴也洋洋廣大也可以樂道忘飢魏志云光或數日不食鶴

鳴九臯音亮帝側

詩鶴鳴于九臯聲聞于天迺徵迺用將受

袞職

袞衣之職謂三公也

昊天不弔賢人遘慝

詩不弔昊天不宜空我師弔愍也言天不愍下

民而奪之賢人也

不惟一志并此四國如何穹蒼不詔斯或

再呼天以詰其

故非天詔之此豈適然乎反覆推究以見痛念之深焦山石刻作不照斯惑

惜哉朝廷喪茲舊德

恨以學士將何法則

言善人云亡士夫失其師式

高祖沛泗水亭碑銘

班固

高祖微時試吏為泗上亭長及平定天下為漢太祖後人欲顯揚帝績所基故為之碑銘後漢郡國志沛有泗水亭亭有高

祖碑班固為文見固集

皇皇聖漢兆自沛豐乾降著符精感赤龍

漢紀高祖沛豐邑中陽里人姓劉氏

母媼嘗息大澤之陂夢與神遇父太公往視則見承 魎一作

交龍其上已而有娠遂產高祖漢火德故稱赤龍

累作 流裔襲唐末風陶唐氏之後曰劉累學擾龍以事孔甲故

累作 流裔襲唐末風陶唐氏之後曰劉累學擾龍以事孔甲故

木系出自唐帝降及于周在秦作劉氏孝經
鈞命訣曰佳己感龍主帝魁黃帝子孫也
寸天尺土無埃

斯亭言漢之興自天降符上承
建號軍基維以沛公揚威斬

蛇金精摧傷高祖拔劍斬蛇有老嫗夜哭曰吾子白帝子也

公旗幟尚赤以應赤帝之識宣開也沛
涉關陵郊一本作係獲

秦王沛公西入關至霸上秦王子嬰作
應為門造勢斗璧納忠

沛公與項羽會鴻門從間走軍使
天期乘祚受爵漢中勒陳

東征剗擒三秦漢元年羽立沛公為漢王王巴蜀漢中韓信

立秦將章邯為雍王司馬欣為塞王董翳
靈威神佑鴻溝是

乘漢軍改歌楚泉易心西為漢以東為楚羽解而東歸漢王

欲西歸張良陳平諫曰楚兵罷食盡此天亡時也不如其

楚地與數誅項討羽諸夏以康灌嬰追斬羽東城天下遂定

羽之陳張畫策蕭勃翼終出爵褒賢列士封功陳平張良為謀主蕭何周

勃輔翼其終此漢所以定天下也六年定封功臣炎火之德

申以丹書之信重以白馬之盟又作十八侯位次敘

彌光以明源清流潔本盛末榮一作長言帝室隆盛則諸

將十八贊述股肱固自敘作休勛顯祚永永無疆國甯家安

國謂漢家謂我君是升根生葉茂舊邑是仍言功臣列土受

功臣之後後嗣承襲支葉當益茂案孟堅作碑銘時功臣子於皇舊亭

孫猶有存者如平陽侯十一世孫侯曠紹封是也苗嗣是承

長後嗣不可忘其本天之福祐萬年是興十八侯銘

漢書功臣表列侯百四十三人乃呂后時陳平所差次顏師古遂以第一至十八為十八侯位次未

審何所據張陳功並蕭曹不應不在十八侯之列當以此本為是

駢駢相國宏策不追駢駢威重貌易虎視眈眈並丁御國維

綱秉統樞機宰相之職文昌四友漢有蕭何文王名昌言周之所由昌盛也

以太公望闕天南宮造散宜生為四友事見孔叢子及陶靖節集四百八目又張華博物志文王四友南宮造散宜生闕

天太顛銘謂漢有蕭序功第一本傳漢五年上以何功最盛

何猶文王之有四友先封為鄴侯奏位次何第一

終諡文受封于鄴鄴屬南陽郡音鄴沛郡又有鄴縣才何反師

邑實同韻於義無爽然其封右鄴侯蕭何第一高紀云泗水亭碑以蕭相國所封與河

勲勲武勇貌音光將軍威蓋不當操盾千鈞拔主項堂沛公謝頃

羽戲下亞父謀欲殺之噲聞事急持盾漢興破楚矯矯忠良

卒為丞相帝室以康賜爵列侯食舞

右將軍舞陽侯樊噲第二舞陽屬潁川郡

赫赫光明將軍受兵黃石良得一編書於黃石老父視之迺

規圖勝負不出帷幄封功臣高帝曰運籌策帷幄中決勝千里外子房功也自擇齊三萬戶良曰始

臣與上會留願封留命惠瞻仰安全正朔高帝欲易太子良足矣迺封良為留侯

皓以自輔上於是易太子又手敕太子曰汝見蕭國師是曹張陳諸公年倍於汝者皆拜惠帝承統漢業以安

封光榮舊宅舊宅謂留良嘗稱以三寸舌為帝者師封萬戶位列侯

右將軍留侯張良第三諡文

懿懿太尉醇厚樸誠輔翼受命應節御營懿懿醇美貌高帝曰周勃重厚少文

然安劉氏者必勃也可令為太尉及諸呂欲為亂襄平侯紀通持節矯內勃北軍軍皆左袒為劉勃遂將北軍誅諸呂迎

立代歷位卿相土國兼并以大尉為右丞王見危致命社稷以

甯謂諸呂欲危劉氏勃能致命竭節立文帝社稷復安

右太尉絳侯周勃第四絳縣屬河東郡諡武

蹇蹇相國允忠克誠臨危處險安而匡傾蹇蹇忠節貌易王臣蹇蹇匪躬之故

參用兵處事當危險之際鎮以安靜
卒能正救傾敗言其有宰相之量
與代之際濟主立名
孝謂
惠嗣立參為相國能遵守法
度致主於寡過垂名於後世
身履國土秉御乾楨
謂封侯
國秉統國均楨幹
也詩維周之楨

右將軍平陽侯曹參第五
平陽屬河東郡參爵列侯食邑平陽萬六百三十戶定功

行封以蕭何為第一參次之功臣表次亦居二此居第五未詳諡懿

洋洋丞相
洋洋得意貌惠帝六年為左丞相
勢誦師旅擾攘楚魏為漢謀主

六奇解厄揚名于後
本傳平凡六出奇計計或頗祕世莫得聞也贊陳平傾側擾攘楚魏之間卒歸

於漢而為謀臣解厄謂以祕計說闕氏脫高祖於白登之圍

右丞相戶牖侯陳平第六
平武陽縣戶牖鄉人也因以封之後更封曲逆侯五千戶諡獻

堂堂
矜大貌
張敖耳之遺萌以誠佐國序跡建忠
敖張耳之子嗣立為趙王

質高等謀為逆敖齧指出血不肯背漢
功成德立襲封南宮
謂敖子偃襲父侯爵而封南宮
垂

號萬春

一作

永保無疆

謂甲以帶礪之 盟後言萬世同

右南宮侯張敖第七

按敖嗣立為趙王以貫高事降封 宣平侯諡武孝文卽位封敖子偃

為南宮侯

行行貌

衛尉德行循規遭兄食其隕歿於齊橫恥愧景劬

到自獻

而食其說齊罷歷下軍為韓信所襲齊以酈生賣已 而烹之高祖後赦田橫罪而召之橫謝曰臣烹陛下

之使食其今聞其弟酈商為漢將而賢臣恐懼不敢奉詔復 使使持節諭意橫曰烹人之兄與其弟併肩而事主獨不媿

於心乎遂自頸令奉其頭馳奏之銘言 商之賢名聞諸侯有以致橫深愧仰之 金紫褒表萬世不刊

列侯金章紫綬 刊叶韻去聲

右衛尉曲陽侯酈商第八

曲陽屬東海郡 傳作曲周諡景

煌煌將軍輔漢久長

煌煌明盛貌嬰初從高帝起 至文帝朝繼絳侯勃為丞相

威震呂氏

姦惡不揚寇攘殄盡躬迎代王

諸呂欲為亂以嬰為大將軍 往擊齊嬰屯兵滎陽風齊王

以誅呂氏事還與絳侯陳平共立文帝 功顯帝室萬世益章

右將軍潁陽侯灌嬰第九

本傳食潁陰五千戶文

斌斌將軍鷹武是揚

詩維師尚父時維鷹揚銘引之言嬰佐

陳豨英布威

武如鷹之揚 內康王室外鎮四方諸夏

又安流及要荒之代王

復為太僕卒輔文帝又安中國鎮撫四夷聲騁海內苗嗣紀

功

右將軍汝陰侯夏侯嬰第十

食汝陰六千九百戶屬汝南郡諡文

休休

樂易貌書其

將軍如虎如羆御師勒陳破敵以威靈金

曜楚火流烏飛

寬從高帝至灞上定三秦又從擊項羽靈金

見三輔黃圖曜楚謂仗劍蹙項以平天下也武王伐

將命仗

節功績永垂

寬為齊相國備齊時田橫未降故設屯備邊寇

寬為相國兼將此屯兵薨於代丞相

右將軍陽陵侯傅寬第十一二千六百戶諡景

斤斤爾雅明明斤斤察也音斬將軍忠信孔雅出身六師十二四旅謂斂

涓從起宛胸凡從高帝征伐十二別折衝扞難遂寧天下金

破軍十四所至有功也事具本傳

龜章德金印龜鈕書天命建號傳後信武非封邑

右將軍信武侯靳歙第十二剖符定食四千六百戶為

明明丞相天賦庭直惠帝六年為右丞相庭剛德正行不枉

不曲本傳陵為人少文任氣好直功業成著榮顯食邑距呂

奉主昭然不惑高后欲立諸呂為王陵

右丞相安國侯王陵第十三五千戶諡武

桓桓武將軍輔主克征奉使全璧身泔涉項營信將韓兵從

人漢中說漢王還定三秦立為韓王使序功差德履讓以平
守榮陽項羽拔之囚於羽軍得亡歸漢荆王劉賈等四人為
高紀六年正月丙午韓王信等奏請封臣表是日封留侯而
王以太原郡為韓國徙信都晉陽按功臣表是日封留侯而
下十人轉北而遊雲中以傾遊一治馬邑秋匈奴冒頓大入
三人信數使使胡求和解上疑信請治馬邑秋匈奴冒頓大入
圍信遂降胡雲中與太原接皆並塞郡已至孫嬰率眾歸漢孝
文時封襄城侯

右將軍襄平侯韓信第十四

考之史傳十八侯位次之
考之史傳十八侯位次之

張敖為趙王信為韓王王爵居列侯之上然時謂之
諸侯王其為人臣稱號等耳故通曰十八侯其後敖
子偃封南宮侯信孫嬰封襄城侯蓋子孫世襲之爵
也而漢制非劉氏不王故雖功臣舊嘗封王亦係以
子孫之侯爵孟堅因之信係以襄城又以嬰歸漢之
功蓋其降胡之罪也作襄平誤淮陰侯名居三傑然
不列於十八侯位次蓋是時
己有雲夢之縛高祖特黜之

巖巖

威稜貌

將軍帶武佩威御雄乘險難困不違仇滅主定

雄豪

吾御之險阻吾乘之或遇難困秉節四海是楨功成食土德
不違故能佐漢誅滅仇敵以定帝業
被遐邇按文邇當作昆後昆也傳寫誤之

右將軍棘津侯陳武第十五功臣表作棘蒲

晏晏安和貌曲成輿從龍騰輿衆也毅傳曰雲起龍襄化爲侯

三秦破項籍侯安危從主赤曜以升赤曜言漢以火德興達能夷險

升天衢赫赫皇皇道彌光明惟德御國流及後萌

右曲成侯蠡達第十六曲成屬東萊郡諡園

肅肅御史以武以文肅肅嚴重貌高祖四年昌爲御相趙距

吕志安君身徵詣行所如意不全戚姬于如意爲趙王高祖

伉直自吕后太子及大臣皆素嚴憚之於是徙昌爲趙相高

祖崩吕太后使使召趙王使者三反昌不奉詔太后怒召趙

相昌既至太后使使召趙王至長安月餘見鳩殺天秩邑土勛乃永存

右御史大夫汾陰侯周昌第十七

汾陰屬河東郡諡悼

邑邑將軍育養丞徒建謀正直行不匿邪

邑邑謙抑貌養民建議未究其詳

入軍討敵項定天都

功臣表吸以中涓從起豐至霸上為騎郎將入漢以將軍擊項籍侯二千二百

百佩雀雙印百里為家

後漢輿服志佩雙印長寸二分方六分王公列侯以白玉龜雀皆印鈕之

節六百石以下始用銅印鼻鈕不為蟲獸之形縣方百里

右將軍青陽侯王吸第十八

功臣表作清河諡定

車銘

馮衍

字敬通京兆杜陵人後漢書有傳

淮南子曰見飛蓬轉因為車蓋以類取之也古史考曰黃帝作車引重致遠少昊時畧加牛禹時奚仲加馬

乘車必護輪治國必愛民車無輪安處國無民誰與

車左銘

傅毅

一本作崔駰後同

夏書甘誓疏二人在一車之上左為車右為車右御者在左勇力之士在右

虞氏作車取象璣衡

虞書在旋璣玉衡璣衡北斗星也言車之制象北斗之運天官書斗為帝車

君子建左法天之陽

御車自左旋

正位受綏

車不內顧論語升

立執綏車中不內顧不疾言不親指

塵不出軌

曲禮驅塵不出軌穀梁傳

節步

大戴禮在衡為鸞在軾為和馬行而鸞鳴鸞鳴而和應此御之節也

彼言不疾彼指不躬

元覽于道永思厥中

車右銘

曲禮車右就車注車右勇力之士備制非常者君行則陪乘君弋則下步行公羊傳逢丑父者頃公之車右也

擇御卜右採德用良

晉語卜右慶鄭吉漢書袁盎曰天子所與共六尺輿者皆天下英豪

耆老于我是匡惟賢是師惟道是式箴闕旅賁

楚語在輿有旅賁之規周

禮旅賁氏夾
王車而趨
內顧自勅匪望其度匪愆其則越戒敦約禮以
華國周官典路注以其餘
路從行亦以華國

車後銘

禮記天子祈穀于上帝親載耒耜措之于參保介
之御問鄭注以為車右御者及參乘如此則左一

右又有在
車後者矣

敬其在路路亦車也周體貌思恭望衡顧轂允慎茲容前衡車

木轂者輻之所轄無或好失音逸匪盤于遊周書無逸不顧省厥遺虎

尾斯求易履虎尾昭德塞違左傳昭德塞違抑盈以無雖有

三晉欲然若虛孟子附之以韓魏之家自視欲然淮南子智

韓魏之甲以攻趙氏魏桓子御韓康子參乘桓子肘康子康

子履桓子之跗欲共圖智氏智伯不悟遂為三晉所滅此足
為驕盈者之戒
事具戰國策

綬笥銘

張衡

字平子南陽西鄂人後漢書有傳

笥竹器商書惟衣裳在笥漢百官皆有印章組綬以貫印之鼻鈕笥所以承印綬也

南陽太守鮑得有詔所賜先公綬笥傳世用之得更理笥衡

時為得主簿作銘曰

此笥祖上奉天子詔命所賜子孫保用以君賜為重平子時為南陽太守時更緝之敝而不改為

日信

寶珍謂印綬金纓上飾皇用我賜俾作帝臣服其令服

鸞封艾緡

鸞封謂印刻為鳥象之文艾緡謂盤草染絲綠色以為綬所謂青緡二千石綬也 天祚明

德大賚福人垂光厥世子孫克神

福人指其祖上後世厥器傳此器寶而神之

惟舊中實維新

笥中之實謂 周公惟事七涓有鄰

官周公事未詳

涓潔也漢

笥銘

胡廣

字伯始南郡華容人官至太傅後漢書有傳

承印紱之笥
紱亦綬也

休矣斯笥凡器為式受相君子承此印紱

頌有曰赫赫三帝命所吝用襄令德

自修服以自勅忠肅恭懿鮮不為則

人之法則詩曰不靡悔吝神人致福

獲神之福

印衣銘

印與服也漢官儀印有金銀銅之殊而服亦異其色所以別尊卑等貴賤也此銘伯始以自警

明明上皇旌以命服

朱懷金為光為飾

四國書阜陶邁種德邁遠也四國猶四方宣慈惠和柔嘉維則克厭帝心膺茲

多福登位歷壽子孫千億

八元之美宣慈惠和仲山甫之德柔嘉維則人臣能體此可上答天

心踐祿位膺壽祉矣

仲山父鼎銘

崔駰

字亭伯涿郡安平人後漢書有傳

古者功臣勒勳彝鼎仲山父佐周宣中興宜有鼎也後人或擬其形製為之因以為名後漢竇憲傳

南單于遺憲古鼎容五斗其旁銘曰仲山甫鼎其萬年子子孫孫永保用憲北征時駰為主簿

鼎耳革其行塞雉膏不食方雨虧悔終吉

其任公餽乃珍九四云覆公餽其形渥此反而言之於高思危在滿戒溢可以

永年天之大律崧高詩美仲山父既明且哲以保其身故銘寓此意漢書郊祀志載太誓曰正稽古立功

立事可以永年丕天之大理

樽銘

禮記曰廟堂之上罍樽在祚犧樽在西又泰有虞氏之樽也山罍夏后之樽也犧象周樽

惟歲之元朝賀奉樽

後漢禮儀志歲首為大朝受賀二千石以上上殿舉鵬百官受賜宴饗大作樂

金疊犧象嘉禮具存

金合作秦傳寫之誤言漢之朝會備前代禮器易嘉會足以合禮故五禮以朝

禮為嘉禮獻酬交錯萬罔咸歡

罔古國字或云王莽所改

鞮銘

冬至日獻履襪取其履長日之至而迎福祐也曹植冬至表獻履貢襪所以迎福踐長蓋自漢以來

習俗以此為禮

機衡建于萬物含滋

機衡北斗星也十一月冬至斗柄建于萬物潛萌於地下故曰含滋黃鐘

育化以養元基

律中黃鐘之宮元化胚胎于此長履景福至于億年祝君之詞皇

靈既祐祉祿來臻本枝百世子孫孫

詩文王孫子本支百世本嫡也支庶也俱

百世茂盛

孟津銘

李尤

禹貢注孟津地名在洛北都道所湊古今以為津

又周書注孟津河北地名春秋所謂向盟是也故

史記謂之盟津

洋洋河水家語孔子自衛將入晉臨赴宗于海經自中州龍

圖所在龍馬負圖出于河

伏羲因畫八卦

黃函白神黃者河之色屬土

赤

符以信赤者火也

火克

昔在周武集會孟津魚入王舟乃往

克殷泰誓一月戊午師渡孟津史記武王渡河中流白魚躍

入王舟中諸侯不期而會者八百白魚兵象也殷尚白

周尚赤以兵

大漢承緒懷附遐鄰邦事來濟各貢厥珍漢

克殷之兆也

方外遠國濟自孟津

洛銘

光武以漢火德水克火改洛為雒

東漢人不用此洛字蓋後人所書

洛出熊耳東流會集夏禹導疏經于洛邑

禹貢導洛自熊耳東北會于澗澗又

東會于伊孔安國元龜赤字漢符是立孔安國書注天與禹注台於洛陽之南淮南子洛出丹書漢帝都通路建國南鄉光武中興洛陽火德故以赤字為符大雅造舟為梁不顯其光毛氏注天子造舟此濟造舟為梁謂帝都所在萬乘出入必經洛水故造舟聯之又架梁於上三都五州貢篚萬方三都謂周成王初營洛邑所以尊國體城及光武中興洛陽為漢京五州謂五服內所管之州禹定貢賦有貢有篚令會于漢京悉由洛而濟之廣視遠聽審任賢良元首昭明庶類是康治書元首明哉股肱良哉庶事康哉

井銘

盛宏之記神農既有九井自穿孟
子替叟使舜浚井蓋自古有井矣

井之所尚寒泉冽清易井卦九五法律取象不概自平晉天文志
東井八星主水衡多取不損少汲不盈執憲若斯何有邪傾事法令所取平也

小車銘

曲禮注安車者今小車也駕一馬而坐乘漢書車千秋年老上優之朝見得乘小車入宮殿中

圓蓋象天方軫則地軫之方也以象地也蓋之圓也以象天

也輪法陰陽動不相離輪分左右俱軫之謙虛疏達開通後漢

志注飛輪以緹油廣八寸長注兩輜障邪尊卑是從輜障也

地繫軸頭禮記注軫轄頭也輓軌之用信義所同論語人而無信不知其何以行之

蔽前尊輓軌之用信義所同車無輓小車無軌其何以行之

漏刻銘

周官挈壺氏掌壺皆以水火守之分以日夜說文漏以銅壺盛水刻節晝夜百刻

昔在先聖配天垂則仰釐七曜俯順坤德乃建日官左傳天子有日

御諸侯俾立漏刻昏明既序景曜不忒唐命羲和敬授人時有日官

堯典乃命羲和欽若昊天懸象著明易懸象著明序以崇熙

季末不度德衰于茲挈壺失職刺流在詩詩東方未明刺無

職焉聖哲稽古帝則是欽詩不識不知尺璧非寶重此寸陰

淮南子聖人不貴昧且不顯敬聽漏音左傳鼎之銘曰昧思

我王度如玉如金式如玉式如金

警枕銘

蔡邕

此銘當為曹公操作曹公是時猶未甚顯蟠龍哲人皆指操也後公有以小木圓枕警睡即其遺制

應龍蟠螭潛德保靈枕為蟠龍之形應平聲有翼而飛曰螭

以存制器象物示有其形哲人降鑒居安聞傾枕正圓睡稍

故名

樽銘

周禮六樽皆有罍尊尊實以酒罍酌而飲之也有足曰尊無足曰著頸小而腹大曰壺著直略切言措之則著地

酒以成禮弗愆以淫德將無醉過則荒沈成禮謂祭祀賓客也周書酒誥越庶

國飲惟祀德將無醉注以德自將盈而不沖古人所箴也沖虛

無令至醉過量則荒淫而沈酒當知有節尚鑒茲器茂勗

厥心不可使鉞罍竭以為勗恥古人以此為箴戒

無射鍾銘

王粲

粲集二銘一曰蕤賓鍾銘其詞有魏匡國誕成天功底綏六合纂定庶邦承民靡戾休徵惟同皇命孔昭造茲衡鍾紀之以三平之以六度量允嘉氣齊允淑表聲韶和民聽以睦時作蕤賓永享遐福一曰無射鍾銘云蕤賓五月律其音徵無射九賦文昌殿前有鍾虞其銘曰惟魏四年歲在丙申龍次大火五月丙寅作蕤賓鍾又作無射鍾建安

二十三年七月始設鍾虞於文昌殿前歲月并銘各鑄于鍾之甬按魏以建安十八年開國二十一年正魏之四年也

有魏匡國成功允章格于上下光于四方休徵時序尚書洪範兩暘

燠寒風五者各人悅時康造茲衡鍾周禮考工記鳧氏為鍾甬上謂之衡注柄所以

懸之有命自皇皇謂漢帝按漢書曹操以建安十八年自魏公加九錫三日樂器故鑄鍾時雅樂郎中杜

也夔主三以紀之六以平之周語景王將鑄無射問律於伶州鳩對曰度律均鍾百官軌儀紀之

以三平之以六成於十二注厥量孔嘉工記云嘉量既成三天地人平之以六律也

厥齊孔時考工記六分其金而錫居一謂之鍾鼎之齊齊去聲音聲和協人德同熙聽

之無斲斲與射同用以啓期言以此啓魏之期運也粲集人字並作民可見此編唐人手抄避太宗諱

刀銘

侍中關內侯臣粲言奉命作刀銘及示以其敘二報誠必朝

氏之刀而張常為工矣輒思作銘謹奉陋不足覽

建安十八年魏國始

建策為侍中爵關內侯奉命謂承魏公操之命敘報敘述作

刀之始屬朝氏作刀之工為張常蓋敘不明言其人按其文

相時陰陽制茲利兵虞喜志林古人鑄刀以五月丙午取純

火七月庚午易金神於治監之門教以和諸色劑考諸濁清

水火之齊用陰陽之候取剛柔之和也

周禮考工記桃氏為刀參分其金而錫居一謂之大刃之齊

鄭氏注大刃刀劍之屬又凡鑄金之狀金與錫黑濁之氣竭

黃白次之黃白之氣竭青白次之青

白之氣竭青氣次之然後可鑄也

淬鍊之名也歐冶子善鑄劍萬辟千灌魏文帝論魏

太子造百辟寶刀呈猶程式也其質其形皆有法式

附反

載穎舒中錯形

反背穎鋒也錯形謂以金玉錯其上為

犀兕水截鯢鯨

犀兕巨獸其革最堅周禮函人有犀甲兕甲

而戮之刺

截斷裁也

君子服之式章威靈

春秋蕃露刀之在

無曰不虞

右白虎之象也

在

戒不在明

言戒備於未然書怨豈在明不見是圖王
褒聖主得賢臣頌水斷蛟龍陸剗犀革

古文苑卷十三

古文苑卷十四

箴

楊雄百官箴

冀州牧箴

兗州牧箴

青州牧箴

徐州牧箴

揚州牧箴

荊州牧箴

豫州牧箴

益州牧箴

雍州牧箴

幽州牧箴

并州牧箴

交州牧箴

百官箴序

左傳襄四年昔周辛甲之爲太史也命百官箴王闕於虞人之箴曰茫茫禹迹畫爲九州經啓九道

民有寢廟獸有茂草各有攸處德用不擾在帝夷
羿冒于原獸亡其國恤而思其麀牡武不可重用
不恢于夏家獸臣司原敢告僕夫於是晉侯好田
故魏絳及之范曄編次楊雄以下所作命之曰百
官箴蓋取古者
官箴王闕之義

初楊雄依虞箴作十二州二十五官箴漢書楊雄自序云箴莫大於虞箴故作九

州箴按禹平水土別九州後以人物阜繁增置幽并營三州

舜典曰肇十有二州是也孔安國注舜分冀州為幽州并州

分青為營州又曰咨十有二牧食哉惟時則是州置一牧所

以牧養斯民也茲箴無營州有交州蓋據漢事以為規戒

其九箴亡闕後涿郡崔駰及子瑗又臨邑侯劉駒駘增補十

六篇胡廣復繼作四篇文甚典美乃悉撰次首目為之解釋

名曰百官箴凡四十八篇此序范曄辭見後漢胡廣傳今所存四十篇曄注不可復見

冀州牧箴

洋洋冀州鴻原大陸洋洋平曠貌禹貢既修太原注高平曰太原又大陸既作岳陽是都

禹貢至于岳陽注太岳作太原西南山南曰陽此州帝都鳥夷皮服澠浚河流夾以碣石島夷皮服夾右碣石入于河並禹貢三后攸降列爲侯伯三后堯舜禹也五子冀方言自堯至禹皆都冀也由夏而降則分爲侯國如堯之後封於唐殷末有黎侯西伯戡之春秋時晉獻公滅耿以賜趙夙滅魏以賜畢萬降周之末趙魏是宅冀土糜沸炫云如皆古國之在冀者

湯更盛更衰載從載橫威烈王時三卿分晉天子命趙籍魏送爲陪臣擅命天王是替陪臣謂平原信陵輩也趙魏相反勝負

秦拾其弊趙魏相攻秦乘其弊北築長城秦北築長城起臨洮至遼東延袤萬餘里秦北築漢興定制改封藩王張耳比禹貢冀州之疆域則恢拓矣高祖子如意子友皆封王如趙仰覽前世厥力合作孔多初安如山謂虞夏時後崩如崖謂戰故治不忘亂安不遺危周宗自怙云焉有予隳六國奮矯果絕其維牧臣司冀敢告在階在階猶在庭官箴王闕不敢斥至尊故托

以告在
庭之臣

兗州牧箴

悠悠濟河兗州之寓九河既導雷夏攸處禹貢濟河惟兗州

澤注河水分為九道草繇木條漆絲締紵濟潔既通降邱宅

在此州界雷夏澤名土見以上並成湯五徙卒都于亳遷書序自契至于成湯八盤庚

北渡牧野是宅按書序盤庚五遷將治亳陰史記盤庚南渡

孰是丁感雒雒祖已伊忠爰正厥事遂緒高宗書高宗彤日越

惟先格王正厥事丁武丁也言因鼎雒之異厥後陵遲顛覆

湯緒其後祖甲淫亂殷復衰西伯戡黎祖伊奔走致天威命

不恐不震有命在天是知畏恐也震平聲婦言是用牝雞

是晨見牧三仁既知武果戎殷比論語微子去之箕子為之奴

仁焉言殷之喪亡三仁已先知之禮記武王壹夜衣而天下大定牧野之禽豈復能耽甲子

之朝豈能復笑紂好酒淫樂為炮烙之刑妲己笑武王以有甲子日勝紂于商郊牧野斬紂殺妲己

國雖久殷有天下六百餘年必畏天咎有民雖長必懼人殃箕子獻

厥居為墟箕子過故殷虛感宮室毀壞生禾黍作麥秀之歌以悲傷之牧臣司寇敢告執

書猶尚書也

青州牧箴

茫茫青州海岱是極鹽鐵之地鉛松怪石羣水攸歸萊夷作

牧貢篚以時莫怠莫違禹貢海岱惟青州厥貢鹽絺鉛松怪石萊夷作牧厥篚麋絲昔在

文武封呂於齊厥土塗泥在邱之營五侯九伯是討是征文

得呂尚於渭濱號曰太公望武王克殷封之於齊營邱命之曰五侯九伯若實征之以夾輔周室馬殆其銜

御失其度侯國叛命上之統馭又失其道周室荒亂小白以霸諸侯僉服復

尊京師

周室權綱墮壞齊侯小白始以青州之地霸天下尊王室

小白既沒周卒凌遲嗟

茲天王附命下土

億兆生人之命繫于一人

失其法度喪其文武

言文不能爵命

有功武不能征討有罪

牧臣司青敢告執矩

徐州牧箴

海岱伊淮東海是渚徐州之土邑于蕃宇

禹貢海岱及淮惟徐州說文堯遭洪

水民居水中高土故名曰州渚亦高土可居者也蕃宇謂在侯衛之地

大野既瀦有羽有蒙孤

桐蠙珠泗沂攸同

大野澤名蒙羽二山沂泗二水名嶧山之陽特生桐中琴瑟淮夷二水出蠙珠並禹

貢實列蕃蔽侯衛東方

齊地古爽鳩氏少皞時司寇之官

民好農蠶

大野以康帝癸及辛不祗不恪沈湎于酒而忘其東作天命

湯武勦絕其緒祚

言東方之民自古以農桑為務癸桀名辛紂名至于桀紂淫湎失德忘其農桑之本

為天所棄以降周任姜鎮于瑯邪姜姓絕苗田氏攸都周封姜太公呂

尚於齊其後平公時田常專政盡誅公族之強者割齊安平
以東至鄆邪自為封邑三世至田和篡齊姜氏之苗裔遂絕
事由細微不慮不圖禍如邱山本在萌芽言田敬仲來奔其始甚微積微成著
卒至牧臣司徐敢告僕夫伯冏為太僕正僕臣之長

楊州牧箴

矯矯楊州言風俗勇悍江漢之滸州境距江漢之濱彭蠡既瀦陽鳥攸處
橘柚羽貝瑤琨篠簜禹貢注彭蠡澤名陽鳥鴻鴈之屬冬月居於此澤羽鳥羽毛貝水物瑤琨皆玉名篠竹箭閩越北垠今福建交廣地在此沅湘攸往二水瀉大竹獷矣淮夷蠢蠢荆蠻周成王嘗征淮夷商高宗嘗伐荆楚皆在州境翩彼昭王南
征不旋人咸躓於垤莫躓於山咸跌於汚莫跌於川明哲不
云我昭童蒙不云我昏童蒙喻愚昧言聖益聖愚益愚湯武聖而師伊呂桀
紂悖而誅逢干蓋邇不可不察遠不可不親翩輕揚貌周昭王南巡狩至漢

未濟舟解而溺箴言人情慮艱險則安泰忽平易則阽危昭
王當成康太平之後輕忽自肆亡乃祖不泄邇不忘遠之心
遂喪身外服靡有孝而逆父罔有義而忘君太伯遜位基吳
為天下笑

紹類夫差一誤太伯無祚周室不匡勾踐入霸太伯避位而逃順父也式

開吳國夫差恃強連兵上國無君也卒底滅亡越滅吳王室不能正之勾踐遂入中國而稱霸當周之隆越

裳重譯越裳南海國名成王時重九譯來貢春秋之末侯甸叛逆君道盛則遠人至君道衰

則邇臣離元首不可不思股肱不可不孳虞書予思日孜孜君心也主於內故當思臣股

肱也宣力四方故當勤致與孳同堯崇一作勤屢省舜盛欽謀書屢省乃成欽哉牧臣

司楊敢告執籌運籌惟幄之臣

荊州牧箴

杳杳一作幽幽巫山雲夢澤中山其峯十二在荆之陽江漢朝宗其流湯湯

夏君一作幽幽遭鴻荆衡是調雲夢塗泥禹貢荆及衡陽惟荊州江漢朝宗于海注二水

經此州而入海百川以海為宗雲土夢作又厥土惟塗泥包匭菁茅匭匣也菁以為俎茅以縮酒包匭而貢之

金玉砥礪象齒元龜貢篚百物世世以饒貢篚之物戰戰慄

慄至桀荒溢曰我在帝位若天有日不順一作庶國孰敢余

奪尚書大傳桀曰天之有日猶吾之有民日有亡哉日亡亦

有成湯果秉其鉞史記湯自把鉞以放之南巢號之以桀書

南巢南方遠國民謚法賊人多南巢茫茫包一作楚與荆荆

殺曰桀放之遠方加以惡名多風慄以悍氣銳以剛有道後服無道先

荆也楚荆之翹者土多此木因以名州多服楚楚有王者則後服無王者則先叛

強公羊傳師在召陵喜服楚也何言乎喜

豫牧臣司荆敢告執御

郁郁荆河伊維是經榮播一作泉漆論語郁郁乎文哉豫州

貢注西南至荆山北距河水伊出陸渾山洛惟用一作攸成

田田相孥廬廬相距言人物夏殷不都成周攸處豫野所居

爰在鶉墟成王命召公卜洛是為成周至平王東遷徙居洛邑漢地理志周地柳七星張之分野也自柳三度

至張十二度謂四喚咸宅寓內莫如下洛邑居天陪臣執命不

慮不圖王室陵遲喪其爪牙靡哲靡聖捐一作失其正方伯

不維韓卒擅命言周之末其君臣無謀而方伯之職又廢故韓得以擅其命史記東周與西周戰韓救西

周或為東周說韓王曰西周故天子之國多名器重寶文武

王按兵無出可以德東周而西周之寶必可以盡矣

孔純至厲作昏成康孔甯至幽作傾純明也文武成康之業晦至幽王而傾亡犬戎故有天下者毋曰我大莫或余敗毋

之難遂東遷于成周曰我強靡克余亡夏宅九州至於季世放于南巢成康太平

降及周微帶蔽屏營言衰微不能自存僅屏營不起施于孫

子王赧為極寶絕周祀史記周君王赧卒秦取九鼎寶器後七歲東西周皆入于秦周既不祀注
也既盡也牧臣司豫敢告柱史周有柱下史法官也

益州牧箴一作梁州武帝改梁為益

巖巖岷山古曰梁州華陽西極黑水南流禹貢華陽黑水惟梁州注東據華山

之南西距黑水茫茫洪波鮫堙降陸于時八都厥民不隩禹導江沱

岷嶓啓乾鮫堙洪水不知疏導其源故八州之民皆不得宅土安居禹自岷山導江東別為沱自嶓豕導漾東

流為漢皆從其源而疏濬遠近底貢磬錯磬丹厥貢璆鐵銀

之故自此啓乾水患以平遠近底貢磬錯磬丹鏃磬磬錯雜

也磐石鏃華陽國志靈關道江山有怒火燒絲麻條暢有粳

城鐵丹丹砂也出巴郡涪陵又出蜀郡徒縣絲麻條暢有粳

有稻自京祖畛民攸温飽飽地有桑麻粳稻之利民賴以温飽帝

有桀紂湏沈頗僻遏絕苗民滅夏殷績雍州三危既宅三苗

西裔之山也鄭元引地記書云三危山在鳥鼠之西南當岷

山則是三苗之國境接梁州夏殷之未苗民負固不服致使

梁州道路遐絕不通於中
國禹湯之績至是絕滅
矣周受命復古之常
商頌自彼氏

王曰商是常氏羌皆西夷也
皆畔至周興梁州盡歸王化
復殷朝貢之常
幽厲夷業

破絕為荒
此州廢絕為荒服
秦作無道三方潰叛義兵征

暴遂國于漢
亂三方三川也
高祖起義兵以誅暴
拓開疆宇恢

梁之野列為十二光羨虞夏
高帝置廣漢郡武帝通巴蜀開

武都沈黎文山七郡并秦時漢中巴蜀隴西
四郡共列為十二比虞夏封域為光羨矣
牧臣司梁是職

是圖經營盛衰
歷觀前代盛衰不常如此
今漢別敢告士夫

雍州牧箴

黑水西河
禹貢注西距黑水東據
橫截
一作崑崙邪指閭闔

畫為雍垠
崑崙山在西羌中地極高處北極
上帝所居閭闔

言居高據
形勝之要
上侵積石下礙龍門
禹貢注積石山在金城西

西界侵猶際也自彼氏羌莫敢不來庭莫敢不來匡見商頌殷武詩此州不言貢
 時為漢京與禹貢冀州同每在季主常失厥緒侯紀不貢荒侵其寓言商周之
 未陵遲衰微秦據以戾興兵山東六國顛沛當周未造秦據雍州之地行其
 桑戾用兵上帝不寧命漢作京秦為無道故上帝不寧其居命漢都之爰作京邑一本作
 涼漢地理志武帝改隴山徂以列為西荒隴山以徂則為隴雍曰涼於義亦通
 門關至西域南排勁越北啟疆胡并連屬國一護攸都武帝時平皆在荒服
 南越分其地為九郡北伐匈奴得休屠昆邪故地開武威張掖等郡分處降者於河南國因其俗置屬國其官有典屬國統
 有都尉宣帝又置蓋安不忘危盛不諱衰銘言所以置官統都護使并護諸國
 都護使并護諸國蓋安不忘危盛不諱衰護者蓋於盛極之時防其
 衰危牧臣司雍敢告贅衣服皆左右近臣

幽州牧箴

蕩蕩平川惟冀之別地勢平則川陸皆平此州冀之北 阨幽北地境水上既平之後別為幽州

都戎夏交偪

堯典宅朔方曰幽都此州之境距朔方幽陰之地故名幽州戎北狄也撮梳薰鬻皆是北狄中

夏之界其地相偪

伊昔唐虞實為平陸

在都冀此州寔內周末荐臻追于

獯鬻

西周之末幽王敗於犬戎即獯鬻也

晉溺其陪周使不阻

三卿分晉趙侯據有此地諸侯

之卿於天子為陪臣是時周之使命猶通諸國

六國擅權燕趙本都

六國僭號稱王燕都冀趙都邯鄲皆幽

東陌穢貊羨及東胡

穢貉東胡皆東夷國

疆秦北排

此州之東境距之

蒙公城塙

秦北却匈奴命蒙恬築長城以拒之

大漢初定介狄之荒元戎屢征

漢匈奴

如風之騰義兵涉漠偃我邊萌既定且康復古虞唐

傳諸侯

畔秦天下擾亂匈奴復渡河南與中國界於故塞至武帝時命大將軍衛青連年北伐匈奴遠遁幕南無王庭言自此邊

民得以安居而漢之境土遂復唐虞之舊始得休屠王昆邪王故地以為張掖敦煌郡是也

盛不可不圖

衰不可或忘隄潰蟻穴器漏箴芒

言中國雖盛當為永圖夷狄雖衰當防其患禍敗之

形常起細微不可忽易

牧臣司幽敢告侍傍

并州牧箴

雍別朔方河水悠悠

此言雍別朔方孔安國書注以為舜分冀州為幽州并州按雍境東距西河今

并州跨河而有之則兼

北辟獯鬻南界涇流北辟戎狄於州

析雍冀二州境上明矣

畫茲朔土正直幽方

正與幽州相直自昔何為莫敢

不來貢莫敢不來王

言殷以前

周穆遐征犬戎不享

匈奴傳周道衰穆王伐犬

戎得四白狼四白鹿以

前爰貊

一作伊德侵玩上國宣王命將

攘之涇北宗周罔職日用爽蹉

戎狄由是藐視中國以為德

中興僅能驅逐之涇北而已并州境土自此不入周之既不

俎豆又不干戈犬戎作亂斃于驪阿

俎豆文也干戈武也言

足以懷遠武功又不足以定亂至于太上曜德其次曜兵德

兵俱顛靡不悴荒

申述前意牧臣司并敢告執綱

交州牧箴

交州荒裔水與天際

在揚州外境交廣之地堯典所謂宅越南交蓋荒服夷裔之所居南與海接

裳是南荒國之外爰自開闢

一作馬不羈周公攝祚白雉

是獻

越裳氏又在交州之南自古未嘗通中國昭王陵遲周

室是亂越裳絕貢荆楚逆叛

史記昭王瑕康王子也昭王之時王道微缺南巡狩不返卒於

江上不赴告諱之也注昭王南巡遂伐楚涉漢未濟舟解而溺

四國內侵蠶食周宗臻于季

赧遂以滅亡

言遠人不至則蠻夷叛蠻夷既叛則諸侯侵侮卒底陵夷以亡其國大漢受命中

國兼該南海之宇聖武是恢稍稍受羈遂臻黃支航海三萬

來牽其犀盛不可不憂隆不可不懼

漢興中國境土皆為郡縣惟兩越未臣至孝武

時恢拓疆宇始平南越以其地為九郡又遷閩粵之民而虛其地於是海外黃支國航海三萬里來貢生犀可謂中國極

盛之時盛極則必顧瞻陵遲而忘其規摹亡國多逸豫而存衰安可忘其戒懼

國多難逸豫則生驕荒多難則知警懼孟子曰出則無敵國外患入則無法家拂士者國恒亡難去聲泉竭
中虛池竭瀕乾泉水之源中虛則竭池水之涸外乾則竭交州猶池之瀕也以論衰敗之萌各有其證用
詩召旻之詞 牧臣司交敢告執憲

古文苑卷十四

古文苑卷十五

楊雄百官箴

光祿勳箴

衛尉箴

太僕箴

廷尉箴

大鴻臚箴

宗正箴

大司農箴

少府箴

執金吾箴

將作大匠箴

城門校尉箴

上林苑令箴

司空箴

太常箴

尚書箴

博士箴

光祿勳箴

漢書百官表郎中令秦官掌宮殿掖門戶武帝太
初元年更名光祿勳屬官有大夫郎謁者大夫掌
議論郎掌守門戶
謁者掌賓讚受事

經兆宮室畫為中外廊殿門闔限以禁界國有周衛周官有

衛謂衛士之廬舍周匝王宮也民有蕃籬各有攸保守以不岐岐猶貳也昔

在夏殷桀紂淫湎特牛之飲劉向新序桀為酒池糟隄縱靡靡之樂一鼓而牛飲者三千人

三輔黃圖秦酒池在長安城中飲者皆抵牛飲特字當作抵謂以手據地如牛門戶充亂郎雖執戟

謁者參差郎雖備員執戟以衛殿中成市或鼓或鞞忘其廊

廟而聚夫逋逃四方多罪載號載呶書太誓惟四方之多罪逋逃是崇是長是信是

使蕩詩曰式號式呼俾晝作夜內不可不省外不可不清德人立朝議士充

庭論有德進則公祿臣司光敢告執經經綱也

衛尉箴

衛尉秦官掌官門衛屯兵屬
官有司馬衛士旅賁三令丞

茫茫上天崇高其居設置山險畫為防禦易天險不可升也地險山川邱陵也

王公設險以守其國重垠一作限累垓以難不律闕為城衛以待暴卒易重

門擊柝以待暴容國有以固民一作人以有內各保其守永修不敗維

昔庶僚官得其人荷戈而歌中外以堅庶僚謂宿衛庶官如成周宮伯宮正虎賁

太僕司隸之職歌字疑是趨字旅賁氏掌執戈盾夾王車而趨或曰歌謂衛士優閑而和樂中謂王在宮則有居衛外謂

王出則有行衛皆堅密而整備齊桓怵惕宿衛不飭一作勅門非其人戶廢其

職法而周宿衛之制盡廢曹子標劍遂成其詐公羊傳年公會齊侯盟于柯升壇曹子手劍而從之願請汶陽之

田桓公與之盟曹子標劍而去之曹劌也劫桓而要盟軻

挾匕首而衛人不寤史記荆軻持匕首逐秦王羣臣皆二世

妄宿敗於望夷閣樂矯搜戟者不誰史記二世齋於望夷宮趙高與其婿閻樂謀詐

為有賊將吏卒千餘人至望夷宮殿門斬衛令直將吏尉臣
入郎宦者驚走樂麾其兵進二世自殺誰謂誰何也

司衛敢告執維維猶經也

太僕箴

太僕秦官掌輿馬應劭曰周穆王所置也書序穆王命伯冏為周太僕正

肅肅太僕車馬是供鏘鏘和鸞鏘車上鈴也詩和鸞鏘鏘左傳錫鸞和鈴駕彼時

龍易時乘六龍以御天王駕太昔在上帝巡狩四宅謂時巡

嶽之馬故借用周禮馬八尺為龍王用三驅前禽是射易王用三驅失前紂作不令武王

征殷檀車孔夏四駟孔昕大明詩牧野洋洋檀車煌煌駟駟

之兵車駟駟馬赤色黑鬣也檀弓亦言僕夫執幃音條轡也

戎事乘駟因武王所乘遂為征伐常法詩幃革冲

沖馬皆有法昔有一作淫羿馳騁忘歸羿好馳騁田獵即虞景

度如此

公千駟而淫於齊論語齊景公無德而稱焉詩好牡馬牧於駟野

輦車就牧而詩人興魯魯頌駟牡馬在坳之野又曰以車

僖公雖名為頌實猶興也廩焚問人仲尼厚醜醜類也問人而不問孟子

蓋惡夫廩多肥馬而野有餓殍方九反斃也僕臣司駕敢告

執皂皂隸也左傳臺臣皂

廷尉箴

廷尉秦官掌刑辟景帝更名大理復為廷尉

天降五刑惟夏之績刑書天討有罪五刑五用哉言天設此五

刑贖亂茲平民不回不辟治亂曰亂回僻皆昔在蚩尤爰作

淫刑延于苗民夏氏天一作不甯禹征苗殄絕其書穆王耄荒甫

侯伊謀五刑訓天周以阜基呂刑惟呂命王享國百年耄荒

以訓刑也觀其書可見呂侯後為甫侯故厥後凌遲上帝不

或稱甫刑禮記凡制五刑必即天論也或稱甫刑禮記凡制五刑必即天論也

賦論語賦不賦酒器有賦取其形制之賦稜因以為名叔世

周輕其制秦繁其辜五刑紛紛靡遏靡止寇賊滿山刑者半

道漢刑法志秦用商鞅造參夷之誅增加肉刑至於始皇昔

唐虞象刑天民是全垂書方施象刑惟明楊子紂作炮烙墜民

于淵劉向列女傳紂為炮烙之法膏銅柱故有國者無云何

謂是刑是剗無云何害是剗是剖一作惟虐惟殺人莫予柰

殷以刑顛秦以酷敗獄臣司理敢告執謁主賓客

大鴻臚箴 典客秦官掌諸侯歸義

蕩蕩唐虞經通垓極論語蕩蕩乎民無能名焉陶陶百王天

工人力書天工人畫為上下羅一作該羅條百職人有材能察有

級差遷能授官各有攸宜主以不廢官以不隳昔在三代二

季不蠲夏商之季謂桀紂穢德慢道署非其人署謂建人失

其材職反其官案察荒耄國政如漫文不可武武不可文言

武之職各有攸司大小上下不可奪倫鴻臣司爵敢告在鄰君之左

鄰欽四

宗正箴

宗正秦官掌親屬周成王之時伯為宗伯

巍巍帝堯欽親九族論語巍巍乎其有成功堯經哲宗伯禮

有攸訓虞書伯夷為秩宗成王時屬有攸籍各有育又子世

以不錯育與胄同義書注胄長也說文引教胄子作教昔在

夏時太康不恭有仍二女五子家降太康夏啟子也盤于國

五子太康五弟也詳見書五子之歌家降謂太康失邦五子皆降而為家楚詞夏康娛以自縱不顧難以圖後兮五子用

失乎家術有晉獻悖統宋宣亂序晉獻公惑於驪姬太子申仍氏國名

卓子皆遇弑宋宣公齊桓不允而忘其宗緒齊桓公無嫡嗣

舍其子而立弟繆公周譏戒女翟入周王以翟女為后魯

立嫡繼寔忘其宗統系緒

喜子同魯桓公六年子同生高作秦崇而扶蘇被凶宗廟荒

墟魂靈靡附秦始皇死於沙邱趙高矯詔賜太子扶蘇死而立胡亥秦以亡伯臣司宗敢告

執主掌宗廟之大司農箴

治粟內史秦官掌穀貨景帝更名大農令武帝更名大司農屬官有太倉均輸平準都內籍田五令

丞

時惟大農爰司金穀自京徂荒粒民是斛由天子之都至荒

民乃肇自厥初實施惟食厥僚后稷有無遷易唐虞時弃居

粒無實均實贏惟都作程旁求衣食厥民攸生上稽二帝下

化居闕三王什一而征為民作常遠近貢篚百姓一作則不忘

什一也是為經常之法篚什一之外帝王之盛咸在農殖季

周爛漫而東作不勅膏腴不獲庶物並荒自周宣王不籍千

務農重穀時則有府藏單虛靡積靡倉藏去聲公劉陵遲衰

楚茨甫田等刺詩微姬卒以痒痒病秦收太半二世不瘳泣血之有海內無聊

秦廢井田之法收太半之賦二農臣司均敢告執繇與徭同

少府箴

少府秦官掌山海池澤之稅以給供養

實實少府奉養是供紀經九品臣子攸同

言上以奉養一人與下以廩給百官

財用實相通

海內幣帑祗祗如雲家有孝子官有忠臣其僚率舊

聖則越遵

聖立則度所當遵守越與粵同

民以不擾國以不煩昔在帝季癸

辛之世酒池糟隄而象箸以噓

癸桀名辛紂名二君淫酒以酒為池積糟為隄又紂為象

箸而箕子唏

至於耽樂流湏而妲末作崇

妲己末喜桀紂之嬖妾

共察不御

不恢夏殷喪其國康而卒以陵遲嗜不可不察欲不可不圖

未嘗失之於約常失於奢府臣司共敢告執觚

共與供同觚酒器有稜者

執金吾箴

中尉秦官掌徼循京師武帝更名執金吾應邵曰吾禦也執金革以禦非常顏師古曰金吾鳥名也主辟不祥職主先導執此鳥之象因以名官

温温唐虞重襲純孰經表九德張設武官

揚子温温乎其和可知言重熙累洽

之世武臣亦不可廢虞以御寢賊如虎有牙如鷹有爪詩所

書九德威事俊又在官父予王國以自固獸以自保牙爪牙蕙蕙動作宜時用之不理實

反生災蕙蕙銛利貌言秦政始皇名暴戾播其威虐亡其仁義

而思其殘酷猛不可重任威不可獨行堯咨虞舜惟思是尚

思字當作欽吾臣司金據此則應敢告執璜執玉文臣

將作大匠箴

將作少府秦官掌治宮室景帝更名將作大匠

侃侃將作經構宮室牆以禦風宇以蔽日寒暑攸除鳥鼠攸

去詩斯子風雨攸王有宮殿民有宅居上下俱欲昔在帝世

茅茨土階夏卑宮觀在彼溝洫堯舜之世茅茨不翦土階三尺論語禹卑宮室而盡力乎

洫溝築作瑤臺紂為璇一作室人力不堪而帝業不卒王飾其居以奢

喪詩詠宣王由儉改奢詩斯于宣王考室也其詩曰築室百堵西南其戶又曰上莞下簟乃安斯

寢皆儉約觀豐上六大屋小家易豐卦上六豐其屋蔀其家春秋譏刺書

彼泉臺兩觀雉門而魯以不恢春秋文十六年毀泉臺定二年新作雉門及兩觀公羊子

皆曰或作長府而閔子不仁論語魯人為長府閔子曰何必改作蓋譏其廣府庫為富不仁

也秦築驪阿嬴姓以顛秦役作驪山又築阿房宮未成而秦亡史記秦之先是為柏翳舜賜姓嬴

氏故人君無云我貴榱題是遂毋云我富淫作極遊在彼牆

屋而忘其國戮作臣司匠敢告執猷

城門校尉箴

城門校尉掌京師城門屯兵有司馬十二城門候

幽幽山川徑塞九路盤石唐芒襲險重固此天地自然之險國有城

溝家有柝柅各有攸堅民以不虞大小各有所宜德懷其內險難其

外王公設險而承以盤蓋易坎卦王公設險以守其國盤所以藉其下蓋所以護其上言先王

以德覆露斯民而安集之猶器昔在上世有殷有夏先哲王

定有天下之號癸辛不德而設夫險阻湯武爰征而莫遏莫

禦說死吳起對魏武侯曰夏桀之居左河濟右太華伊闕在

其南羊腸在其北修政不仁湯放之殷紂之國左孟門右

太行常山在其北大河經其南修政不作君之危書無安厥

德武王俊之由此觀之在德不在險不可德少而城溝伊保不可德希而城溝是依唐虞長德而

四海永懷秦恢長城而天下畔乖秦逆天地而為尉臣司城

敢告侍階

上林苑令箴

武帝初置水衡都尉掌上林苑屬官有上林令丞

芒芒大田芄芄作穀山有征一作陸野有林麓夷原汚藪禽

獸攸伏魚鱉以時芻蕘成殖國以殷富民以家給

國者與民共之孟子文王之圃昔在帝羿共田徑游民利以

方七十里芻蕘維兔者往焉 弧矢是尚而射夫封豬不顧於

山澤供一人之游田共與供 是以田獲三驅不可過差

通徑謂往來馳逐於其間 是以田獲三驅不可過差

王用三驅言田雖貴於有獲不 麇鹿攸伏不如德至

有靈德也其詞曰王 衡臣司虞敢告執指

融曰司空書伯禹作司空馬

普彼坤靈侔天作則

乾坤之廣配乾之大 分制五服劃為萬國

黃帝分封諸侯得百里之國萬區禹平水土弼 乃立地官空

成五服謂天子之畿外別為甸侯要荒蠻服也 惟是職茫茫九州都鄙盈區

周禮四縣為都注 綱以羣牧綖

以方侯

古者州置牧以統之故曰烈烈雋又翼翼王臣臣當綱又聯以方伯諸侯之職

其官官宜其人九一之政

孟子請野九一而七賦以均法言助即井地之政也

七賦之所養注

昔在季葉班祿遺賢措克充朝

班與頌同孟

祿又培

而象恭滔天

書靖言庸違象恭滔天注貌

匪政斯勅

所任者非人

說苑湯禱旱之詞曰苞苴行邪

王路斯浮執不傾覆空臣司土敢言在側

象恭敬而心傲很若漫天

太常箴

奉常秦官掌宗廟禮儀景帝更名太常師古曰太常王者之旗畫日月焉禮官奉持之故曰奉常後

改太常尊大之義也

翼翼太常寔為宗伯穆穆靈祇寢廟奕奕

魯頌路寢孔碩新

美稱秩元祀班于羣神

各稱其宜而秩序之班

乘孔蠲匪愆一作匪忒公尸又君攸宜宗廟祭祀有尸有祝

弗祈弗求惟德之報不矯不誣庶無罪悔祭祀以祗敬為主

福周詩后稷肇祀庶昔在成湯葛為不弔棄禮慢祖

無罪海以迄于今伯不祀

湯使人遺之牛羊葛伯夔子不祀楚師是虜

食之又祀故湯征之夔子不祀楚師是虜

師滅夔以魯人躋僖臧文不悟文三年有事于太廟躋僖公

夔子歸不仁者三不知文隳太室桓納郟賂

者三躋僖公居其一文隳太室桓納郟賂

鼎于宋納于太廟左氏曰宋以災降二宮用誥不祧春秋哀

部大鼎賂公納于太廟非禮也災降二宮用誥不祧

月辛卯桓宮僖宮災夫子在陳聞火曰其桓僖故聖人在位

愆一作

子又君

宗廟祭祀有尸有祝

來燕來宜

祝

所以報德非為祈

孟子為

葛

昔在成湯

葛為

不弔

棄禮

慢祖

伯不祀

夔子

不祀

楚師

是虜

祝融與鬻熊楚

師滅夔以魯人躋僖臧文不悟

魯人躋僖臧文不悟

文三年有事于太廟躋僖公

夔子歸不仁者三不知

文隳太室桓納郟賂

文十三年太室屋

者三躋僖公居其一

文隳太室桓納郟賂

文三年有事于太廟躋僖公

夔子歸不仁者三不知

文隳太室桓納郟賂

文十三年太室屋

鼎于宋納于太廟左氏曰宋以災降二宮用誥不祧

災降二宮用誥不祧

春秋哀

故聖人在位

秦

秦

秦

無曰我貴慢行繁祭無曰我材輕身恃巫東鄰之犧牛不如

西鄰麥魚易東鄰殺牛不如西鄰之禴祭注東鄰謂紂西

殞望夷見衛射隱斃鍾巫魯隱公祭鍾巫館常臣司宗敢告

殞望夷見衛射隱斃鍾巫魯隱公祭鍾巫館常臣司宗敢告

執書

尚書箴

漢官儀尚書唐虞官也龍作納言詩云仲山甫王之喉舌秦改稱尚書漢亦尊此官典機密也

皇皇聖哲允勅百工命作齋慄龍為納言見舜典是機是密出

入朕命王之喉舌見民詩獻善宣美而讒說是折我視云明我

聽云聰載夙載夜惟允惟恭言臣能開明善道折絕讒邪則人主視聽聰明書朕聖讒說殄

行命汝作納言夙夜出納朕命惟允故君子在室出言如風動於民人易繫辭君子居

其室出其言善則千里之外應之渙其大號而萬國平信易渙卦渙汗其大號春秋譏

漏言春秋文六年晉殺其大夫陽處父穀梁傳曰君漏言也易稱不密則失臣繫辭亂

生也則言語以為階君不密則失臣兌吉其和巽吝其頻易兌初九和兌吉巽

舌巽主申命也書稱其明申申厥鄰見益稷篇昔秦尚權詐官非其人符

璽竊發而扶蘇殞身一姦愆命七廟為墟秦以宦者趙高行符璽事及始皇崩

詐為璽書賜扶蘇死卒以亡秦威福同門牀上維辜易巽在牀下此言牀上謂命令始制未宣布之時於此不謹

實基禍亂 書臣司命敢告侍隅

博士箴

博士秦官掌通古今秩比六百石員多至數十人武帝置五經博士

洋洋三代典禮是脩史記禮書洋洋美德乎觀畫為辟雍國

有學校侯有泮宮王制學天子曰辟雍諸侯曰泮宮各有攸教德用不陵不僭

也昔在文王經啓其軌詩經始靈臺於樂辟雍勗于德音而思皇多士

多士作楨惟周以甯詩大雅猶其德音又思皇多士生此國王國維周之楨濟濟多士文王以寧

人興讓虞芮質成詩虞芮質厥成注虞芮之君相與爭田往質于西伯入周境見國人皆讓遂以所爭

田為開田而退公劉挹行潦洒濁亂斯清篤公劉河酌皆召康公戒成王之詩其辭曰河酌彼

行潦挹彼注茲可以濯漑官操一作執扶也其業士執其經昔聖人之綏

俗莫美於施化故孔子觀夫大學而知為王之易易禮鄉飲

曰吾觀於鄉而知王道之易大舜南面無為而衽席平舜恭

易也禮行於鄉庠故云學一本無級間三苗以懷嵬善班師振

而天下平階七旬有苗格秦作無道斬決天紀漫彼王迹而坑夫術

士詩書是泯家言是守俎豆不陳而顛其社稷始皇絕滅三

儒焚書存而不毀者惟秦之圖籍故仲尼不對問陳而胡籩是遵一作道論

問陳對以俎豆之事左傳哀十一年衛孔文子之將攻太叔

也訪於仲尼曰胡籩之事則嘗學之矣甲兵之事未之聞也

注胡籩禮器名原伯非學而閔子知周之不振左傳昭十八

不說學閔子馬曰周其亂乎大人患失而惑又曰可以原伯魯

司典敢告在賓

古文苑卷十五

古文苑卷十六

崔駟太尉箴

河南尹箴

司徒箴

大理箴

崔瑗東觀箴

關都尉箴

河隄謁者箴

尚書箴一作繁欽

北軍中候箴

司隸校尉箴

郡太守箴一作劉駟騷

胡廣侍中箴一作崔瑗

崔寔諫大夫箴附

晉張華尚書令箴續入

晉傅元吏部尚書箴續入

太尉箴

崔駟

太尉秦官金印紫綬掌武事武帝元狩四年初置大司馬位在丞相上後復為太尉更置不常

天官冢宰庶僚之帥師錫有帝命虞作尉

尚書中候云舜為太尉古史考曰舜

居百揆總領百事周更名冢宰詳見後註

爰叶台極爰平國域制軍詰禁王旅惟

式九州用綏羣公咸治

海統理百官

千戈載戢宿纏其紀

方

白虎七宿主兵

上之云據下之云戴

應劭曰自上曰尉

苟非其人戮我帝

載昔周人思文公而召南詠甘棠

周召分陝而治周公為師兼行冢宰周公既沒諡曰

文召公為太保領冢宰之職甘棠詩見召南

昆吾隆夏

鄭語昆吾為夏伯註祝融之孫名樊已姓封於昆吾

伊摯盛商

伊尹名摯相湯伐桀四臣皆三公主兵者足以繫人心尊國勢

季世頗僻禮用不

匡無曰我強莫余敢喪無曰我大輕戰好殺紂師百萬卒以

不艾宰臣司馬敢告在際

河南尹箴

後漢郡國志河南尹二十一城雒陽縣周時號成周河南縣周公時所城洛邑也世祖都雒陽改曰

河南

茫茫天區

畫冀為京

堯舜禹都皆在冀

商邑翼翼四方是營

商都詩云商

邑翼翼四方之極

唐虞商周河洛是居

言四代所都皆在河洛之間

成王郊廓以

處鶉墟

成王定鼎邠鄘即河南地也屬鶉火之次

諸夏勁強是從是橫徹我牆屋

而師尹不匡

自平王東遷之後王室不競諸侯爭強王畿之地日削尹氏不能正之

霸奪其權

宗器以分圖籍遷齊九鼎入秦

後闕事見戰國策大抵周自東遷以後宗器圖籍散夫及

其亡也史記稱秦取九鼎寶器或曰九鼎淪於泗水非諸國所可得

司徒箴

古官舜命契為司徒敬敷五教孔安國曰主徒眾教以禮義

天鑒在下仁德是興

命官掌教所以興仁

乃立司徒亂茲黎烝

茫庶域率土祁祁人具爾瞻

詩赫赫師尹民具爾瞻四方是維天子是

毗乾乾夕惕靡怠靡違敬敷五教書注布五常之教九德咸事嗇人

用章皇陶謨九德咸事俊又在官洪範俊民用章又黔眈是富無曰余恃忘子爾輔

無曰余聖以忽執政匪用其良乃荒厥命庶績不怡疚于爾

祿豐其折右而鼎覆其餗易豐九三折其右肱終不可用也鼎九四鼎折足覆公餗其形渥凶

書歌股肱虞書股肱情哉萬事隳哉詩刺南山尹氏不堪國度斯憊詩節南山

家父刺幽王也其詩曰尹氏大帥惟周之氏不平謂何徒臣司眾敢告執藩

大理箴

大理掌刑獄見前廷尉注

邈矣臯陶翊唐作士虞書帝曰臯陶汝作士明于五刑注士理官也設為犴狴九刑

允理左傳周如石之平石稱之權所以鈞物者也書關石和鈞如淵之清三槐

九棘以質以聽周官王之治朝面三槐左右九棘聽獄其下質謂以獄成告于王罪人斯殛

凶旅斯并謂去熙文帝載旁施作明書有能奮庸熙帝之載

昔在仲尼哀矜聖人論語如得其情子罕禮刑衛人釋艱借

子罕言利意謂聖人謹重禮刑不容易言之蓋欲保衛斯民

而釋除其艱厄如論語言齊之以刑齊之以禮左傳晉鑄刑

書於鼎仲尼曰人在鼎矣何以尊法釋之其忠勲亮孝文漢

將棄禮而證書也無非意在衛民張釋之文帝時為廷尉奏于公哀寡定國廣門于公辨東海

盜環犯蹕之獄文帝是之于公哀寡定國廣門孝婦冤獄自

謂治獄多陰德子孫必有與者令負哉邈矣舊訓不遵主慢

臣驕虐用其民賞以崇欲刑以肆忿叶平紂作炮烙周人滅

殷西伯獻洛西之地請紂去夏用淫刑湯誓其軍湯誓曰有

命殛衛鞅酷烈卒損于秦衛鞅嘗臨渭緣因渭水為之不疑

加害禍不反身漢昭帝時有一男子詣北關曰稱衛太子詔

兆尹雋不疑叱從吏收縛遂詔嗟茲大理慎于爾官賞不可

不思斷不可不虔

人主任用理官當加謹重如孝公之封商

有斷而

或有忠能被害

比干伍倫

或有孝而見殘

伯奇申

吳沈

伍胥

子胥盡忠吳王賜之屬鏹

殷剖比干

史記比干強諫紂

心有七竅剖

莫遂爾情是截

是刑無遂爾心

以速以殛

也截剖

比干觀其心

賜反殺也

周官司寇有三刺之法有司

刺之屬速當作刺七賜反殺也

齊語天威不遠

顏咫尺

效甚速理臣司律敢告執獄

東觀箴

崔瑗

黃帝命沮誦倉頡為左右史夏商有太史周有大史小史內史外史至漢東京圖書悉在東觀使名

儒碩學直之撰述國史

洋洋東觀古之史官三墳五典靡義不貫左書君行右記其

言禮云動則左史書之右史書之辛尹顧訪文武明宜周語文王訪于辛尹注辛甲尹佚皆

周大倚相見寶荆國以安左傳楚靈王謂子革曰左史倚相

五典八何以季世咆哮不虔蕩之詩曰女善視之是能讀三墳

索九邱言桀紂暴虐日甚殺諫臣衛巫監謗國莫敢言周厲王

逢干龍逢比十不畏史官之筆狐突見斥淖齒見殘說苑狐突

下之口國人不若死戰國策淖齒數齊閔王之罪焚文坑儒

而殺之言人主失道則忠良疎棄賊臣必興嗟嗟後

反為漢羸秦姓巫蠱之毒殘者數萬江充傳巫蠱獄

王曷不斯鑒是以明哲先識擇木而處就所安也左夏終殷

摯周盱晉黍或笑或泣抱籍遁走呂氏春秋夏太史終古見

公果喪厥緒宗廟隨夷遠之荆楚晉自幽公時益衰微反朝

靖公三國盡分其地晉絕不祀
 麥秀之歌借用箕子過殷虛
 億載不腐史臣司藝敢告侍後

關都尉箴

漢百官表關都尉秦官

茫茫九州規為關津規度也度地之形勢而設險
 唐堯積德三代脩仁帝王

以德仁為固
 越季不軌爰失厥人聖賢不用頑嚚是親漢潰武關

項破函谷秦王子嬰縊為禽僕史記漢元年十月沛公破秦軍入武關遂至霸上子嬰係

項羽以組降枳道旁禽僕猶奴虜也十一月
 項羽攻破函谷關言關之設險不足恃也尉臣司關敢告並

輶

河隄謁者箴

漢成帝時河隄大壞以校尉王延世領河隄謁者秩千石洪邁隨筆漢官名有不書於百官表因事

乃見者如河隄謁者因王延世塞決河而見豈非
因事置官事已卽罷乎後漢循吏傳注或名其官

爲護都
水使者

伊昔鴻泉浩浩滔天楚詞鴻泉極深何以窺之有夏作空爰

奠山川書伯禹作司空導河積石鑿于龍門疏爲砥柱率彼

河滸大陸旣礙播于北野濟漯咸順沂泗從流江淮湯湯而

冀宅乃州衆水各由其道帝都始安澹菑濺濺澹然順流菑害不作東歸於海九野

孔安四隩不殆禹並見爰及周衰夏績陵遲導非其導堙非其

堙八野填淤水高民居溢溢滂汨禹導河至鉅鹿之北分爲九河以殺水勢又合爲一

大河入于渤海至齊威公時急於功利填塞其人以屢決金

隄瓠子潺湲宣房作歌史記孝文時河潰金隄武帝元光中

湯湯兮激潺湲宣房塞兮萬福來使臣司水敢告執河掌河渠之

官

尚書箴

事原見前注尚書有三箴則前篇楊雄所作審矣

龍作納言帝命惟允虞書帝曰龍命汝作納言夙夜出內朕命惟允山甫翼周實司

喉吻烝民詩出內朕命王之喉舌赫赫禁臺萬邦所庭也無曰我平而慢

爾衡無曰我審而怠爾明四岳阿鯨績用不成堯典四岳薦鯨治水九載

績用弗成虞登八元五教聿清左傳舜舉八元使布五教于四方

中舉以無私乃忝服榮正直是與伊道之經先民匪懈永世

流聲周詩靖共爾位正直是與先民古昔賢人也商書先民時若言古之賢者躬行此道未嘗懈弛收名譽傳於後

世君子下問敢告侍庭

北軍中候箴

後百官志舊有中壘校尉領北軍營壘之事中興
省但置中候以監五營屯騎越騎步兵長水射擊

五校尉皆屬焉

赫赫將帥典總虎臣

謂虎賁之士

鷹揚旅武

詩時維鷹揚

闕然奮震

叶韻

平聲贅衣近侍常伯之人

周書立政常伯常任準人綴衣

怒如

熊力角焉任均操兵左右百夫衛賓昔在高祖草創伊神鴻

門之會職多末陳

末陳謂騎士輩也

或有劔舞賴有傾身

高祖

會項羽鴻門亞父令項莊拔劔舞欲擊高祖樊噲聞事急持盾直入營譙羽高祖從間道走軍

孔丘歷塔文

武定申以人士拜齊無其臣

魯定公會齊侯于夾谷孔子相曰有文事者必有武備諱具左

右司馬至會所孔子歷塔而進却萊人斬侏儒齊侯懼遂歸侵疆以人士拜謂齊有人士之衆而屈伏於魯由齊之無臣

秦政東遊大盜輩羣

秦始皇名政東遊至陽武博浪沙中為盜所驚求弗得令天下大索十日

期門不設施巧銳騎不在脩員故圖遠秉機事有殷勤殷勤

在親親無常人

期門銳騎皆軍名殷勤謂上所親厚之人也
箴言失其心則武衛之士雖備而無用得其

心則人人皆知
親君而衛上

忽情懈怠禍慢及君憲臣私武敢告執軍

司隸校尉箴

司隸校尉漢官掌徒隸而巡察武帝初置持節從
中都官徒千二百人捕巫蠱督大姦猾後罷其兵

察三輔三
河宏農

煌煌古制分劃五服

五書弼成

翼翼封畿四方之極

詩商邑翼翼四方之

極牧監匡設是謂王國

周禮施典于邦國
而建其牧立其監

大漢通變崇宏簡

易吞舟之網以濟難阨

漢初法禁疎闊所以濟時
之艱危未置督察之官

自時厥後

或慢或遲綉衣四出禍起官闈江充作亂辱于戾園率隸掘

蠱以詰其姦

江充傳拜直指綉衣使者督三輔盜賊充奏言
宮中有蠱氣遂掘蠱於太子宮衛太子諡戾置

園邑故
曰戾園

既定既甯爰遂其官俾督京甸時惟鷹鷂

言巫蠱事
既定司隸

之官遂不廢俾察姦盜左傳見無禮必正必式國之司直乃

於君者誅之如鷹鷂之逐鳥雀也言司隸設官所繫甚

回乃邪寔為讒慝毀於貞賢悔其何及重不可任非其人

昔唐虞晏晏庶績以熙嬴氏慘慘怨毒用滋是故履上位者

無云我貴苟任激訐激訐小人讒賊亂平陽元默以式百辟

畫一之歌豈猶遐逖丞相平陽侯曹參以元默清淨為治民

郡太守箴

郡守秦官掌治其郡秩二千石景帝更名太守

有羸驅除焚典紀舊蕩滅蕃讖罷侯置守此下有闕文羸秦

之驅除焚典籍之舊廢封建之法秦發閭左陳涉奮威二世

分天下為三十六郡郡各置守楚築乾谿靈王不歸楚靈王名圍左傳楚子比

亂王繼于征遐由近可不肅祇言秦欲備胡楚欲圖守臣司
申亥氏境敢告執機

侍中箴

胡廣

侍中中常侍得入
禁中皆漢加官也

皇矣聖上神居天處言其尊顏勤求俊良是弼是輔古者君側皆
選用賢德至

漢猶參匪懈于位庶工以序昔在周文創德西鄰言聞上帝

賴茲四臣文王興于岐周故曰西鄰君爽曰迪見冒闕於帝
惟茲四人正義詩稱文王有疏附先後奔走禦侮

之辛尹是訪八虞是詢周語文王訪于辛尹詢于八虞辛甲
尹佚皆周太史八虞卽論語所稱八

士濟濟多士又用有勲洪範又文公欽若越興周道亦惟先

正克慎左右常伯常任寔為政首周公旦諡曰文敬順文王
之道先正謂周公也作立

政之書以戒成王首以降及厲王不祇不恪暱彼榮考用肆
王左右常伯常任為告

其虐惟敗天命寇賊一作戎並作圯墜宗緒寢廟靡託史記厲王好利

任榮夷公專利暴虐國人畔之出奔於虜無曰我賢不選至親無曰我任妄用嬖

人籍閱飾顏穢我神武史記倭幸傳籍孺閔孺以婉倭貴幸與上臥起孝惠時郎侍中皆傅脂粉

化閱籍之屬也神武指高祖惠帝鄧通擅鑄不終厥後鄧通幸於孝文賜之蜀嚴道銅山得自鑄

錢通後餓死中書竊命石宏作禍漢書倭幸傳石顯宏恭皆少坐腐刑宣帝時任中書官作禍言

之周堪等起後封高安侯無主侍中司中敢告執矩董賢幸於哀帝嘗與上晝寢偏籍上衷賢未覺上斷衷而

主猶不祀衷音袖

諫大夫箴 崔寔

大夫掌議論武帝初置諫大夫秩比六百石

於昭上帝迪茲既哲匪于水鑒惟人是察周書人無於水監當於民監處

有誦訓出有旅賁楚語在與有旅賁之規椅凡有誦訓之諫木鐸之求爰納適人

各有攸訊政以不紛

夏書適人以木鐸徇于路昔在大禹拜

承昌言

虞書禹拜昌言曰兪

癸辛暴戾虐及于天

桀紂暴虐拒諫亡國絕祀虐及祖宗之在

天者逢于周厲

逢當作逮

慢德不蠲

蠲潔也言慢德

煦煦胥護人謗

乃作不顧厥愆是討是格庶類不堪流之斃宅防人之口譬

諸防川豈不速止潰乃潺湲

周語厲王使衛巫監謗者國人莫敢言邵公曰民不堪命矣防

民之口甚於防川壅而潰傷人必多王不聽三年國人叛流王于彘

潺湲尚塞言擁為賊默

默之患用顛厥國

說苑孔子曰武王諤諤而昌紂不聞諫諍也

諫臣司議

敢告執翼

尚書令箴

張華

尚書秦官漢因之漢初用士人為尚書令秩二千石晉公卿禮秩云尚書令拜則冊命

明明先王開國承家

易大君有命開國承家

作制垂憲仰觀列曜府令

百官政用罔僣先王建立百官皆取法天象詳見天官書昔舜納大麓七政以齊

內成外平而風雨不迷書納于大麓烈風雷雨弗迷又在璣璣玉衡以齊七政舉八元布五教內

成外仲山翼周靡剛靡柔補我袞闕玉我王猷王猷允塞而

四海咸休詩維仲山甫剛亦不吐柔亦不茹又袞職有闕維仲山甫補之玉謂使之光明溫潤如玉也左傳昭

我王度式如玉又王猶允塞四方既平雖曰聖明必資良材無曰我智官不任

能發言如絲其出成綸千里之應樞機在身禮記王言如絲其出如綸易君

子居其室出其言善則千里之外應之樞機之發榮辱之主也尚書出納王命故云世季道缺天網縱

替既無老成改舊法制周詩雖無老成人尚有典刑老成人謂舊臣典刑舊法也法制不

修不長厥裔先王之法制盡廢而後國隨之裔世系也尙臣司臺敢言侍衛

吏部尙書箴

傅元

初漢成帝置列曹尙書四人其一曰常侍曹光武改常侍曹爲吏部曹專掌選職右於諸曹自漢及

魏授此職者咸曰吏部尙書諸曹但曰尙書而已

明明王範制為九服周禮九服王畿千里之外分為侯甸男采衛蠻夷鎮蕃是為九畿君執

常道臣有定職各有攸司又用不慝書洪範又用明俊民用章貴無常尊

貴為天子得道則尊貴而無輔失其尊矣賤不指卑公卿大夫下至庶士不明厥

德國用顛危君臣上下不宣明德則其國危昔舜舉咎繇而雋又在官湯舉

阿衡而不仁流屏書俊又在官百僚師師論語舜有天下選于眾舉伊尹不

仁者遠矣且表正而象平日夕而景側表與日君也象與影臣也君正則主吏部者得人吏

部得人則百執各得其職處喉舌者患銓衡之無常不患於不明吏部掌

任代君進退人材處心有常則公生明矣故曰無謂隱微廢公任私中庸曰莫見乎隱莫顯乎

微無好自專違眾取怨是以古之君子無親無疎縱心大倫

修己以道宏道以身中庸脩身以道論語人能宏道易貴好爵書慎官人易

有好爵吾與尔縻之書
能官人惟帝其難之
官不可妄授職不可聞受能者養之
致福不能者弊之招咎衡臣司書敢告左右

古文苑卷十六

古文苑卷十七

雜文

董仲舒集敘

王褒僮約

班固奕旨

蔡邕篆勢

黃香責髻奴辭

聞人牟準魏敬侯碑陰文

董仲舒集敘

漢書本傳仲舒所著皆明經術之意及上疏條教凡百二十三篇此必集中所載也

董仲舒清河廣川人也以治春秋為博士下帷講誦弟子傳

以久次相授業或莫能見其面蓋三年不窺園圃論語請學為圃圃所

以種菜茹王充論衡曰仲舒讀春秋三年不窺園圃進退容止非禮不行學士皆師尊

之漢孝武皇帝即位以賢良對策為江都相事易王景十三王傳江

都易王名非武帝兄也顏師古曰易音改易之易諡法曰好更故善曰易王素驕好勇仲舒以禮

義匡正王敬重焉公孫宏希世用事深疾仲舒是時膠西王

尤縱恣數害吏二千石膠西于王端易王同母弟亦武帝兄也為人賊戾相二千石至者輒求其

罪告之無罪者詐藥殺之宏欲中之乃言於上曰獨仲舒可使相膠西王

素服其德善待之仲舒恐久獲罪以病免凡相兩國輒事驕

王正身率下所居而治及去位歸居終不問產業以脩學著

書為事年老以壽終於家並仲舒本傳中語抑此敘居前班固采以為傳邪

僮約

王寢

蜀郡王子淵地理志蜀郡即成都漢書本傳王褒字子淵蜀人也以事到煎上玉壘山在成都

西北湔水出焉亦名湔山湔水所經行之地故名煎上煎與湔同寡婦楊惠舍有一奴名便

了倩行酤酒便了捍大杖上冢巔曰大夫買便了時指楊惠故夫

只約守冢不約爲他家男子酤酒子淵大怒曰奴甯欲賣邪

惠曰奴父許人人無欲者子卽決賣券之奴復曰欲使皆上

不上券便了不能爲也子淵曰諾券文曰神爵三年正月十

五日宣帝卽位之十六年也按漢書神爵五鳳之間上欲興

協律之事益州刺史王襄令襄作中和樂職宣布詩因

奏褒有軼材上徵褒旣至詔爲聖主得賢臣頌待詔頃之擢

爲諫大夫此文當作於未薦召之前通鑑載求金馬碧雞於

神爵元年資中男子王子淵地理志犍爲郡有從成都安志

與此不合資中縣郡屬益州里女子楊惠買夫時戶下髡奴便了決賣萬五千奴從百役

使不得有一作二言晨起灑一作掃食了洗滌居當穿白縛箒裁

孟方言孟或鑿井浚渠縛落鉏園落籬研陌杜埠音地刻大

柳研治阡陌穴隙則塞之大柳連柳也打穀之具築屈竹作

杷禾稼之場刻畫地段令廣袤可連大柳打穀也把削治鹿盧說文杷收麥器蒲巴出入不得騎馬載一作車

蹠坐大呶下牀振頭垂釣刈芻結葦臘纒編葦以爲簞治麻以作布鄭氏詩箋

竹葦曰簞臘緝治也孟子其妻辟纒注緝績其麻曰辟練麻曰纒音璧盧沃不酪住醖醖舊音徂

也乳汁作漿曰酪醖醖亦美漿醖織履作麓方言屨履黏雀

張鳥一作結網捕魚繳鴈彈鳧弋以絲繫矢繳音灼登山射鹿入水

捕龜浚園縱魚鴈鶩百餘浚治園中池以養魚鴈鶩鶩鴨之屬驅逐鳴鳥持捎

牧猪種薑養芋長育豚駒糞除常潔餒食音似馬牛鼓四起坐

夜半益芻二月春分被隄杜疆落桑皮櫻隄疆田畔之空地可耕鋤種植落謂

去其附枝及朽蠹者割取樓欄之皮可爲繩索種瓜作瓠音昨別茄披蕊菜茄別其種而植瓠壺也

詩疆場有瓜又八月斷壺蕊披散而植之焚槎發等壘集破封地有枯枿就燒之借火氣以發土性

等齊也聚其灰土剖其堅壤皆治圃之法日中早蕕復音曝晒也賈誼雞鳴起春

調治馬驢兼落三重落當作烙謂燒烙蹄令堅而耐踏莊子馬蹄篇伯樂治馬燒之剔之刻之維

之舍中有客提壺行酤汲水作餽音哺滌杯整校杯食器也淮南子滌杯而

食核以設飲食之園中拔蒜斲蘇切脯築肉築與祝同斷也臚芋膾

魚魚斃烹茶茶苦菜也煮以爲茹盡具舖己蓋藏關門塞竇餒猪縱犬

勿與鄰里爭鬪奴但當飯豆飲水不得嗜酒欲飲美酒唯得

染屑漬口不得傾盂覆斗不得辰出夜入交關伴偶舍後有

樹當裁作船上至江州漢中郡有江州縣蜀都衆水至此會合見蜀都賦下到煎主

蜀郡有湔道湔爲府掾求用錢推紡惡敗櫻索府掾郡之吏胥用錢庸直

也櫻索所以串錢紡即綿亭買席綿亭地名其處出席往來都洛地理志廣

漢郡有新都各縣注章山洛水當爲婦女求脂澤販於小市

膏沐之物歸都擔桌轉出旁蹉桌胥里切麻也禹貢岱牽犬

販一作鵝武陽買茶楊氏池中擔荷武陽地名茶茗也楊氏池產荷其莖茄其花芙

蓉其實蓮其根
藕皆可販賣

往來市聚也

慎護姦偷入市不得夷蹲旁

臥惡言醜罵多作刀弓持入益州貨易牛羊奴自交精惠不

得癡愚

惠與
慧通

持斧入山斷槩裁轅

槩長版論衡曰斷
木為槩轅車輓也

若殘當

作俎机木屐及篋

一作
篋

盤焚薪作炭

殘餘也俎机以盛肉屐
渠戟反木履也篋盤餒

猪之牢斷裁之餘木當用作此
又其下則薪而焚之以為炭

石礪

力罪切

薄岸

皆水次為之
以防暴水之

治舍蓋屋書削代贖

削木版也古人以書欲更書則
削去之故謂之削贖編木為之

日暮

以歸當送乾薪兩三束四月當坡五月當獲

謂麥也

十月收豆

多取蒲苧

紵音苧皮
麻屬也

益作繩索雨墮無所為當編蔣織箔

蔣

漿菰蒲
草也

植種桃李梨柿柘桑三丈一樹八赤為行果類相從

縱橫相當果熟收斂不得吮嘗犬吠當起驚告鄰里棖門柱

戶上樓擊鼓

一作
柝

椅盾曳鈔還落三周

盾可蔽身子可刺賊
所以巡警盜竊也

勤心疾作不得遨遊奴老力索種莞織蓆音官小蒲草可以

為事訖欲休當春一石夜半無事浣衣當白若有私斂主給

賓客私斂謂收租索債之類主奴不得有姦私事事當聞白

奴不聽教當笞一百讀券文徧訖詞窮咋索侂侂咋音窄索色窄切侂

音屹恐畏不能言狀扣頭兩手自搏目淚下落鼻涕長一尺當如王大

夫言不如早歸黃土陌蚯蚓鑽額早知當尔王大夫酤酒真

不敢作惡

奕旨

班固

大冠言博蔡邕獨斷曰武官或曰繁冠今謂之大冠武官服之既終或進而問之曰孔

子稱有博奕論語不有博奕者乎今博行於世而奕獨絕博義既宏奕

義不述問之論家師不能說其聲可聞乎曰學不廣博無以

應客北方之人謂棊為奕宏而說之舉其大畧厥義深矣局

必方正象地則也道必正直神明德也棊有白黑一本黃黑陰陽

分也駢羅列布效天文也四象既陳行之在人蓋王政也成

敗臧否為仁由己危之正也危中夫博懸於投投今作骰博具也以骨為

之不專在行優者有不過劣者有僥倖踦挈相凌氣勢力爭

雖有雌雄未足以為平也至於奕則不然高下相推人有等

級若孔氏之門回賜相服論語子貢曰賜也何敢望回循名責實謀以計

策若唐虞之朝考功黜陟虞書三載考績三考黜陟幽明器用有常施設無

析一作所因敵為資應時屈伸續之不復變化日新或虛設豫

置以自護衛蓋象庖犧罔罟之制易庖犧氏作結繩而為罔罟以佃以漁蓋取諸離言

廣布隄防周起障塞漏決有似夏后治水之勢孟子禹之治水水水之數也

一孔有闕壤頽不振有似瓠子汎濫之敗漢武元光中河決瓠子承上文治水

言之謹一碁破塞亡地復還曹子之威曹闕手劔劫盟齊桓歸魯侵地汶陽之田

作伏設詐突圍橫行田單之奇田單守即墨用火牛奇計復齊七十餘城奕解圍似之

要厄相劫割地取償蘇張之姿蘇秦張儀以縱橫之術說六國扼其要害以相劫持失地

於東取償於西固本自廣敵人恐懼三分有二釋而不誅周碁之爭劫似之

文之德知者之慮也文王三分天下有其二以服事殷碁之全勝不爭者也既

能量弱強逡巡需行保角依旁却自補續雖敗不亡繆公之

智中庸之方也秦穆公因崤之敗悔過自誓卒保其國碁之補過自守者也上有天地之

象天文地次有帝王之治庖犧禹中有五霸之權齊桓秦穆下有

戰國之事田單覽其得失古今畧備及其晏也至於發憤忘

食樂以忘憂言其激發志氣怡悅性情如此論語其為人也發憤忘食樂以忘憂推而高之仲

尼概也樂而不淫哀而不傷勝則喜而不至於過負則悲而不至於捐質之詩書

關雎類也關雎之詩樂而不淫哀而不傷紕專知柔陰陽代至施之養性彭

祖氣也守雌不競勝負兩忘此至人襲氣葆真之法莊子伏戲得之以襲氣母彭祖得之上及有虞下及五伯

外若無為默而識淨泊自守以道意隱居放言遠咎悔寸象

虞仲論語子謂虞仲夷逸隱居放言身中清廢中權信可喜感乎大冠論未備故因

問者喻其事

篆勢

蔡邕

徐堅初學記題以蔡邕篆書體古者蒼頡觀鳥跡造文字書契始作至周宣王時史籀作大篆十五篇及秦書有八體一曰大篆二曰小篆王莽居攝使甄豐校定六書五曰繆篆所以摹印也六曰鳥蟲書所以書幡信也自漢而下轉相摹倣名體愈多伯喈妙於書法靈帝命書六經刻石於大學門外

鳥遺跡皇頡循聖作則制斯文皇頡蒼頡也後世推尊之故稱皇頡崔瑗草書體云書體

之興始自皇頡寫體有六篆為真形要妙巧入神或龜文斜

列櫛比龍鱗紆體放尾長短副身頡若黍稷之垂穎蘊若蟲

蛇之棼緼揚波振激鷹跖一本作龍躍鳥震平聲延頸脅翼勢似凌

雲或輕舉內投微本濃末若絕若連似露綠絲垂凝下端篆體

有懸針倒薤垂露偃波名非一從者如懸衡者如編抄者邪趣不方不圓若

行若飛跂跂翾翾跂音企蟲行也翾音僂小飛也遠而望之象鴻鵠羣遊駱

驛遷延迫而察之端澄不可得見指僞不可勝原研桑不能

數其詰屈計研桑宏羊二人精於算班固賁賦研桑心計於無垠離婁不能覩其隙間

離婁古之明目人般倬揖讓而辭巧公輸般魯人倬黃帝時人皆匠之巧者籀誦拱手

而韜翰籀史籀也誦沮誦也黃帝之史與蒼頡始造書法處篇籍之首目粲粲斌斌

其可觀搞華豔於紈素為學藝之範圍

國音旋規也所以為國伯者自謂以此羨

麗之字體寫之紈素可為後人法式

嘉文德之宏懿舉大體而論旃

旃猶之語助也左專

虞公求旃

責髯奴辭

黃香

寓辭髯奴以譏世之飾容貌勝頰舌者

我觀人鬚長而復黑冉弱而調離離若緣坡之竹鬱鬱若春

田之苗因風披靡隨風飄飄爾乃附以豐頤表以蛾眉發以

素顏呈以妍姿約之以繼綾潤之以芳脂莘莘翼翼靡靡綏

綏振之發曜黝若元珪之垂於是搖鬚

一作鬚

奮髭則論說唐

虞鼓髻動鬣則研麩否臧內育瓊形外闡宮商相如以之閑

都美人賦司馬相如美麗閑都

頤孫以之堂堂

論語堂堂乎張也頤孫師字子張

豈若子

髯既亂且赭枯槁秃瘁劬勞辛苦汗垢流離污穢泥土僮囁
穰穰音而與塵爲侶無素顏可依無豐頤可怙動則困於惚滅
靜則窘於囚虜薄命爲髡正著子頤爲身不能庇其四體爲
智不能飾其形骸癩鬚瘳面常如死灰癩癘疾也豫讓漆身爲癩音賴瘳囚病也
律囚以飢寒死曰瘳音瘳曾不如犬羊之毛尾狐狸之毫釐爲子鬚不亦
難乎

魏敬侯碑陰文

聞人牟準

三國魏志衛觀字伯孺河東安邑人少夙成以文學稱魏國既建拜侍中與王粲並典制度勸贊禪代之義中文誥之詔明帝時封閩鄉侯受詔典著作凡所撰述數十篇好古文鳥篆隸草無所不善
諡敬侯

敬侯所葬之先域城惟解梁

後漢郡國志河東解縣有解城注左傳僖十五年晉侯賂秦內

及解地即郟首名山對靈足靈山谷當猗口猗谷之口勢高而趣

幽形坦而背阜垣謂環抱如鑿室而可以蔽藏不墳而所冀

速朽禮記死欲速朽為宋桓珍琦素白而靡尙衣服隨時而

則有故吏述德於隧前門生紀言於碑後也碑後即碑陰牟

準自白季居亭而已治詹嘉在主而可友郡國志解縣有白

謂也公入取曰衰者也博物志曰白季邑又猗氏縣注地道記曰

左傳文十三年詹嘉處瑕在縣東北縣有鄉有亭在左

也二春者春秋時古跡也處高據之厚地將秭億而永久秭億期

多所著述注解故訓及文筆等甚多皆已失墜所注孝經固

而注釋孝經之名恐有誤字漢倉頡冢碑大篆書在左馮翊

利陽亭南道旁郡國志左馮翊縣注皇覽曰及華山下亭

碑增算狀

碑為樊穀作穀又有乞復華山殷叔時碑殷叔時碑殷華字

漢人碑後魏大饗碑羣臣上尊號奏及受禪石表文並在許繁

昌帝見後世紀魏文帝登禪于曲蠡之繁陽亭尊號奏鍾元常

書受禪表顓並金針一作八分書也魏鍾繇字元常工書法

懸針金錯之名王惜文字志懸針小篆體也金錯書入體書

法不圖其形或曰以銘金石故曰金錯太祖文帝等臨詔令雜駁議上封事一

百餘條誠子等散在人間及碑石可見言餘皆樹碑人郡國

縣道姓名具如于後樹立也人姓名闕不載

古文苑卷十八

記

漢樊毅脩西嶽廟記一作碑

碑

衛顓西嶽華山亭碑

張昶西嶽華山堂闕碑銘

一作張旭

王延壽桐柏廟碑

蔡邕九疑山碑

脩西嶽廟記一作碑

山經曰泰華之山削成四方其高五千仞廣十里西山經云郭璞注山

形上大下周禮職方氏華謂之西嶽職方氏河南曰豫州其山鎮曰華山祭視

三公者禮記王制天子祭天下名山大川以其能興雲雨產

萬物通精氣有益於人則祀之

祭法山林川谷邱陵能出雲為風雨見怪物則祭之書大

傳五嶽皆觸石而出雲膚寸而合不崇朝而雨

故帝舜受堯歷數親自巡省設五鼎

之奠柴燎煙

論語堯曰咨爾舜天之歷數在爾躬虞書歲二月東巡狩至于岱宗柴八月西巡狩至于西嶽

如初注西嶽華山

致敬神祇又用昭明百穀繁殖黎民時雍鳥獸率

舞鳳凰來儀暨夏殷周末之有改也

末莫也

其德休明則有禎

祥荒淫臊穢篤災必降秦違其典璧遺鄗池二世以亡

鄭客至華

山下望見山上有素車白馬而至者授之璧曰為我遺高池君今年祖龍死及始皇死於沙邱二世立而秦亡

高祖

應運禮遵陶唐祭則獲福奕世克昌

言如堯舜之世尊祀羣嶽

亡新滔逆

鬼神不享

新莽篡漢有滔天之惡逆故鬼神違之葬必速亡

建武之初彗掃頑凶

新莽平盪僭竊如彗星之掃除

更率舊章敢用元牡牲牲必充天惟醇祐萬

國以康

建武元年即位燔燎告天望于羣神二年初制郊兆於雒陽城南中嶽在未四嶽各依其方

光

二年有漢元舅五侯之胄謝陽之孫曰樊府君諱毅字仲德

後漢書樊宏字靡卿世祖之舅封壽張侯弟丹封射陽侯兄

子等元鄉侯族兄忠更父侯宏少子茂封平望侯是為五侯

毅出於丹之胄復云射陽之孫蓋指承考讓國家于河南至

毅祖襲封射陽者謝與射同神夜切

父遜國究職州郡辟公府除防東長中都令防東縣屬山陽郡中都縣屬東

家居

平國漢制萬戶以上為令減萬戶為長誅強馘撫瘠民二鄙以清命守斯邦宏

農太威隆秋霜恩踰冬日景化既宣由復夕惕惟窺祿之報

順民之則孟冬十月齊祀西嶽以傳一本有舍字窄狹不足處尊

卑廟舍舊久牆屋傾亞一作凸世室不脩春秋作譏春秋文十三年詳見

前特部行事苟班與縣令先黨以漸補治設中外館圖珍奇

畫怪獸嶽瀆之精所出頑秀役不干時而功已著暨勞久逸

神永有憑自古太山邳邑猶存邳一作邳公羊傳邳者何鄭湯沐之邑也泰山之下諸侯

皆有湯沐之邑焉注四井為邑取足止舍共藁穀而已邸舍也言此邑以賜諸侯天子不牧租賦五嶽尊同

哀此勤民獨不賴福乃上復十里內工商嚴賦有乞復華山下十里內民

租田口算克厭帝心嘉瑞仍畲與答同爾雅前畲然也風雨應起一作

狀在前四時八卦之候澱潤品物君舉必書況乃盛德惠及神人可無述焉

於是功曹郭敏主簿魏襲戶曹史許禮等皆宏農郡官屬也遂刊元

石銘勒鴻勛垂曜靈軫存有昭識音志記也其辭曰二儀剖判清

濁始分二儀乾坤也易太極生兩儀乾坤既判輕清者為天重濁者為地陽凝成山陰積為

川泰氣推否洪波況臻二氣交泰常於否推之洪水橫流否也禹濬川奠山所以臻泰堯命

伯禹決江開汶川靈既定恩覆兆民乃刊祀典辨于羣神因

瀆祭地嶽以配天左傳山嶽則配天世主遵循永享歷年赤銳煌煌

漢火德故受茲介福京夏密清密與殊俗賓服令問不違可

謂至德德音孔昭實惟我后指毅也古者諸侯皆稱后出自

中興大漢之舅本枝惟百延慶長久俾守西嶽達奉神祀改

傳飾廟靈則有攸一無攸字按文上多則字齊降瑞畲祚景風凱悌惟風

及雨成我稷黍穡民用章建又室字刊銘記誦一作紀頌克配梁

甫古者封泰山禪梁甫刻石紀功言此銘誦可配梁甫之刻

西嶽華山亭碑

衛顛

惟光和元年歲在戊子名曰咸池季冬己巳宏農太守河南

樊府君諱毅字仲德下車之初毅以是年十一月到任有乞復田租口算狀并修西嶽廟

碑見前恭肅神祀西嶽至尊詔書奉詞躬親自往省從一作徒勞

謙卽事有漸散齊華亭齊與齋通下同齊堂逼窄郡縣官屬清一作

齊無處尊卑錯綜精誠不固畏天之威逢斯瘴怒時雨不興

甘澍不布念存黔首懼聞曠素曠職尸於是與令巴郡胸忍

先讜公謀謹胸忍縣人時為華陽令公謀其字也胸音劬圖議繕故斷度榑廊立室

異處左右趣之莫不競慕二年正月己卯興就既成有元休

嘉啓寤各得竭情一作誠福祿是顧刻茲碑號吏卒俠路其辭

曰

巖巖西嶽五鎮次宗岱山為五嶽之宗則泰華為次宗緒德之尊太華優隆

皇帝永思祀典孔明高神肯宴圭璧贄通赫赫在上以畜萬

邦惟嶽降神寔生羣公卿士百辟績業攸蒙帝命不違歲事

報功羣后命卿散齋外亭前所謂華亭在廟之外敬恭明祀以奉皇靈

處所逼窄屑宰有聲神樂其靜脩翬無形屑宰併居煩雜也宰蘇骨反脩翬飛

騰迅疾之音蕭暉言神人異趨逼近則不敬尊卑有序潔心致誠因繕舊室整頓

端平在其板屋孰不加精天人同道萬祚來迎既受帝祉延

于後生為龍為光詩既見君子為龍為光注龍寵也顯又王庭為公為侯福

祿來成刻石紀號永享利貞

府丞渤海劉固叔長功曹史楊儒曼先主簿湖陽馱伯馮

供曹椽楊基伯載史陝許禮文化縣丞隴西彭和伯怡尤

尉隴西甄璆叔曼監典者門下椽駱瑗伯先主記史柏覽

文進戶曹椽魏嘗威長史田磐文祖將作椽曹鑿孔明任

就幼成史吳武丙昌

西嶽華山堂闕碑銘

張昶

禹貢南至于華陰註河自龍門南流至華山北而東行地理志華陰縣故陰晉秦惠文王五年更名甯秦高帝八年更名華陰太華山在南有祠考之碑文此廟蓋合祀河嶽之神

易曰天地定位山澤通氣易說卦之辭然山莫尊於嶽澤莫盛於

瀆山嶽有五而華處其一瀆有四而河在其數其靈也至矣

聖人廢興謂有聖人之位者必有其應故岱山石立中宗繼統漢志

孝昭帝元鳳三年泰山蕪萊山南有大石自立睦孟以為當

有庶人為天子者其後昭帝亡嗣宣帝自民間入紹大統廟

號中太華授璧秦胡絕緒秦始皇三十六年鄭客至華陰與

宗因言今年祖龍死是歲始皇死白魚入舟姬武建業史記

於沙邱少子胡亥立三年而秦亡寶珪出水子朝喪位左氏傳

于東觀兵渡河中流白魚躍入寶珪出子朝喪位周武

用成周之寶珪于河津人得之河上將賣則為石注珪自出

水時子朝篡天子位後二年奔楚而死子朝周景王子也
布五方則處其西列三條則居其中五嶽各位其方而華居
至于太華注相首尾而東正義舊說以為三條馬若廣表
融王肅皆以為導汎北條西傾中條蟠冢南條作
扶奇蟲山經有紀矣高廣險怪山經是以帝王巡狩親五嶽

而告至觀方后而考禮故經有望秩之禮虞書禋于六宗又禮望秩于山川註名

山大川如其秩夫望祭之國語精意以享禮也典有生殖之祀謂山川能生殖百物則載諸祀典祭法山

林川谷邱陵民所取財用也非此族也不在祀典蓋所以崇山川而報功也四海一

統天子秉其禮諸侯力政疆國攝其祭奉其邑曰華陰也久

矣乃紀於禹貢而分秦晉之境奉鄙晉之西則曰陰晉史記魏文

齊侯晉陰邊秦之東則曰甯秦見題邑既遷徙禮亦如之

二國力爭以奉以祭邑人秦則秦奉祠其城險固基趾猶存

故老之言未殞於民也秦晉互據此邑築城以守之至漢一統城久圯壞遺址尚在故老能言之

逮至大漢受命克亂不愆不忘舊名是復高祖更甯秦縣為華陰復禹貢舊名

率禮不越故祀是尊歷葉增修虔恭又備一禱三祀終歲而

四前郊祀志五嶽四瀆皆有常禮唯泰山與河歲五祠餘皆一禱三祀以迄于今而世宗又經

集靈之宮於其下

地理志華陰縣注太華山集靈宮武帝起世宗武帝廟號也後漢桓君山有集靈宮

賦見藝文類聚

想喬松之疇是遊是憩

冀以招集王喬赤松子神仙之侶

郡國方士

自遠而至者充巖塞崖鄉邑巫覡

胡狄反也

宗祀

一作崇祀乎其中

者盈谷溢谿咸有浮飄之志愉悅之色必雲霄之路可升而

越果繁昌之福可降而致也故殖財之寶黃玉自出

色如蒸栗令

德之珍卿相是毓匪惟嵩高降生申甫此亦有焉

詩維嶽降神生申及

甫言山嶽之靈為國生賢東漢楊震華陰人累葉公輔震孫賜策曰故司空臨晉侯賜華嶽所挺九德咸備

天有

所興必先廢之故殷宗周宣以衰致盛

因小乙之衰而有高宗因厲王之亂而有

宣是時也王業中缺大化陵遲

謂靈獻問

郡縣既毀財匱禮乏庭

廟傾壞壇場蕪穢祭祀之禮有缺焉於是鎮遠將軍領北地

太守闐鄉亭侯段君諱煨字忠明自武威占此土

地理志北地郡秦置

武威郡故匈奴休屠王地武帝太初四年開東漢董卓傳初
 平元年使中郎將段熲屯華陰注武威人也建安三年詔討
 李傕以熲為安南將軍封閩鄉侯按郡國志閩鄉屬華陰
 憑託河華二靈是與故能以昭
 烈之德享上將之尊銜命持重屯斯寄國華陰元非所封故言寄國討叛
 柔服威懷是示羣凶既除郡縣集甯家給人足戶有樂生之
 歡朝釋西顧之慮而懷關中之恃雖昔蕭相輔佐之功功冠
 羣后弗以加也後漢書鄧禹謂光武曰昔高祖任蕭何於關中無復西顧之憂得專精山東終成大業前
 漢贊高祖開基蕭曹為冠遂解甲休士陣而不戰以逸其力修飾享廟壇
 場之位荒而復辟與闕同禮廢而復興又造祠堂表以參闕參
 也闕廟建神路之端首觀壯麗乎孔徹神路所由入廟之路觀示也去聲然
 前門觀后旅祀祈請所謂三祀一禱旅祭名既有常處雖雨雪衣而
 禮不廢禮記會子問篇諸侯旅見于天於是邑之士女咸曰

宜之乃建碑刻石垂示後裔其辭曰於穆堂闕堂闕昭明經之營之不日而成匪奢匪儉惟德是程匪豐匪約惟禮是榮虔恭禋祀黍稷芬馨神具醉止降福穰穰

桐柏廟碑

王延壽

書禹貢導淮自桐柏註桐柏在南陽之東孔穎達疏地理志云桐柏山在南陽平氏縣東南淮水所出水經云出胎簪山東北過桐柏山胎簪蓋桐柏之旁小傳言南陽郡之中

延熹六年

漢桓帝年號

正月八日乙酉南陽太守中山盧奴張君

處正好禮

言不肯諂事鬼神

尊神敬祀以淮出平氏始於大復潛行

地中見於陽口

荆州記曰桐柏淮源浦發其中潛流三十里東出大復山南山南有淮源廟漢書地理志

南陽郡平氏縣注禹貢桐柏大復山在東南淮水所出豈大復山一名胎簪邪

立廟桐柏春秋宗奉

災異告誡

控詞以請也七到反

水旱請求位比諸侯

王制天子祭天下名山大川四瀆視

諸侯聖漢所尊受珪上帝言神執珪上帝所命太常定甲太常禮官著爲令甲郡守

奉祀務潔沈祭潔案牲也沈璧玉也周禮禮之十有二五日埋沈吉從郭君以來二

十餘年不復身到遣行承事簡略不敬明神弗歆災害以生

五嶽四瀆與天合德仲尼慎祭常若神在論語子之所慎齊戰疾又曰祭神如

神君準則大聖謂以仲尼爲法親之桐柏奉見廟祠崎嶇逼狹開拓

神門立闕四達增廣壇場飾治華蓋高大殿宇穹齊傳館石

獸表道靈龜十四衢廷宏敞宮廟嵩峻祇慎慶祀一年再至

躬進牲牲執玉以沈爲民祈福靈祇報祐天地清和異祥昭

格禽獸碩茂草木芬芳黎庶預祉民用作頌其辭曰

泫泫淮源聖禹所導湯湯其逝惟海是造穢濟遠柔順其

道弱而能強仁而能武聖賢立式明哲所定爲四瀆與河

合矩烈烈明府好古之則虔恭禮祀不愆其德惟前廢弛匪
 恭匪力災眚以興陰陽以忒陟彼高岡臻茲廟側肅肅其敬
 靈祇降福雍雍其和民用悅服穰穰其慶年穀豐植望君輿
 駕扶老攜集慕君塵軌奔走忘食懷君惠貺思君罔極于胥
 樂兮傳於萬億

春侍祠官屬五官椽章陵劉訢功曹史安眾劉瑗主簿蔡
 陽樂茂戶曹史宛任異秋五官椽新野梁懿功曹史酈周
 謙主簿安眾鄭疑主記史宛趙旻戶曹史宛謝綜

故春陵世祖更名宛故申伯國安眾蔡陽新野酈六
 邑並屬南陽郡掾屬皆郡人可攷漢世用人之法

按郡國志章陵

九疑山碑

舊註集中有
 目而亡其篇

蔡邕

山海經曰南方蒼梧之邱蒼梧之川其中有九疑
 山焉舜之所葬在長沙零陵界湘中記曰九山相

似行者疑惑
故名九疑

巖巖九疑峻極于天觸石膚合興播建雲公羊曰觸石而起

而徧雨乎天下者時風嘉雨浸潤下民芒芒南土實賴厥勛

其泰山之雲乎逮于虞舜聖德光明克諧頑傲以孝蒸蒸師錫帝世堯而授

徵受終文祖璇璣是承以上見虞書太階以平泰階六符魁下六

玉衡正而太階平璇璣玉衡人以有終遂葬九疑解體而升

察天文之器一云北斗星也登此崔嵬託靈神仙人有生則有死死則有葬聖賢同之後

說以為靈異

古文苑卷十八終

古文苑卷十九

碑

楚相孫叔敖碑

不載述碑人姓名

子遷漢故中常侍騎都尉樊君之碑

酈炎漢金城太守殷君碑

一作衛覬是敬侯碑文可證按史酈炎以熹平六年死此

碑稱殷君光和二年卒乃次年

邯鄲淳後漢鴻臚陳君碑

崔瑗河間相張平子碑

度尚曹娥碑

弟子邯鄲淳撰

楚相孫叔敖碑

楚相孫君諱饒字叔敖本是縣人也

是縣指立碑之所期思縣左傳宣公十一年令

尹蒞艾獵城沂注艾獵孫叔敖十二年蒞敖為宰擇楚國之令典注蒞敖孫叔敖襄公十五年蒞子馬為大司馬注叔敖從子說文蒞楚有蒞氏世為大夫此云孫君諱饒未知何據六國時期思屬楚楚都南郢

南郢卽南郡江陵縣也

六國周未時韓趙魏楚燕齊與秦為敵故不數秦也後漢郡國志汝南郡

期思故蔣國前地理志苗郡江陵故楚郡都楚文王自丹陽徙此

君受純靈之精懷絕世之

才有大賢次聖之質

質少見枝首蛇對其母泣吾將死母問

其故曰吾聞見枝首蛇者死今日見之母曰若柰之何吾煞

殺行數十步念獨吾死可空復令他人見之死為因埋掩其

荆古刑

母曰若無憂焉其陰德元善遂為父母九族所異

枝

歧字枝首兩頭也亦名枳頭蛇賈誼書孫叔敖之為兒出遊還憂而不食其母問其故泣而對曰今日見兩頭蛇恐死母

曰今蛇安在曰聞見兩頭蛇者死恐他人復見之也己殺而理之母曰無憂汝不死矣吾聞之有陰德者天報以福及

其為相

呂氏春秋荆王欲以沈尹筮為令尹辭曰期思之鄙人有孫叔敖者理人也王必用之臣不若也王於是

使人迎叔敖以為令尹十二年而莊王霸布政以道考天象之度敬授民時察日

辰周天之度以正時令

聚藏於山列物於藪

聚古聚字藏去聲言不竭取山澤之利

宣導

川谷波障源源漑灌沃澤堤防湖浦以爲池沼鍾天地之美

岐九畢之利以愍潤國家波古字通作岐漢書水居千石魚波音岐泉字畢古澤字愍音

義與殷同殷富也元和郡國志壽州安豐縣有芍陂灌田萬頃與陽泉陂大業陂並孫叔敖所作叔敖廟在陂塘之上

家富人喜優瞻樂業拭序在朝野無螟蝻豐年蕃庶喜即喜字瞻即

瞻字螟蝻即螟蝻害稼蟲人有曾閔貞孝之行四民美好從容中節高相

改幣一朝而化史記循吏傳孫叔敖爲楚相施教導民上下和洽世俗盛美吏無姦邪莊王以爲幣輕更

以小爲大百姓不便市亂相言之王復之相曰令數下民不知如故楚民俗好卑車王欲下令使高之相曰令數下民不知

所欲不可請教間里使高其相王許之居其憂國忘私乘馬

三季不別牝牡世說諸葛亮教曰昔孫叔敖乘馬三年不知牝牡稱其賢也繼高陽重黎

五舉子文之統史記世家楚之先祖出自帝顓頊高陽重黎火正之後孫叔敖與楚同祖也按左傳闕穀

於菟實爲令尹子文僖公二十七年楚使子玉治兵於蔿國老皆賀子文薦賈後至不賀注薦賈孫叔敖之父也是與子

文為同時人昭公二年楚公子圍聘于鄭伍舉為介伍舉椒舉也後圍立是為靈王椒舉始用事故其世在孫叔敖之後

此云繼統未詳文其忠信廉勇禮樂文章軌儀同制同制謂先王制

意亦不屬恐有誤其富國充民明天時盡地力靈堅禹稷不能踰也靈堅

之國所加其富國充民明天時盡地力靈堅禹稷不能踰也靈堅

傳作庭堅專國權寵而不榮華莊子肩吾問於叔敖曰一旦

可得百金至於歿齒而無分銖之蓄言為相時權勢可以取貨財而叔敖不取破

玉玦不以寶財遺子孫終始若矢去不善如絕絃絃斷不復

續辟患害於無刑古形徹節高義敦良奇介自曹臧孤竹吳

札子罕之倫不能驂也曹公子臧孤竹二子伯夷叔齊吳季札四人皆遜國宋子罕辭玉不受並

廉介之士驂與之齊之駕車之馬生於季末仕於靈王按諡

兩服兩驂比物比力必欲均齊法亂

而不損曰靈猶周書稱甯王召南稱平王非謂靈王圍也圍

後莊王四世叔敖初仕穆王時後相莊王莊王即春秋所書

楚子呂也賢於立溷濁而澄清處幽暗而照明其遺武餘典

恨不與戲皇帝代同世世爲立姪國在朝廷其意常墨墨若

冠章甫而坐塗炭也

姪即姪字周姬姓自黃帝居姬水之陽因以爲姓言叔敖之賢若生中國遇明

聖之朝當分封祚土與姬姓諸國世奉天子今乃生于荆楚不遇明君故可恨也

病甚臨卒將無棺

榔令其子曰優孟曾許千金貸吾孟故楚之樂長與相君相

善雖言千金實不貸也

優伶人也字孟假此辭卒後數幸莊以其子於孟實未嘗貸

王置酒以爲樂優孟乃言孫君相楚之功即忼慨高歌曲曰

貪吏而可爲而不可爲廉吏而可爲而不可爲貪吏而不可

爲者當時有污名而可爲者子孫以家成廉吏而可爲者當

時有清名而不可爲者子孫困窮披褐而賣薪貪吏常苦富

廉吏常苦貧獨不見楚相孫叔敖廉絜不受錢涕泣數行若

投首王

欲言叔敖妻子貧困語未竟故作歸投赴愬之狀史記滑稽傳載優孟貪吏廉吏之辭與此碑小異

心感動覺悟問孟孟具列對是以賣薪事對即來其子而加封焉子

辭父有命如楚不忘亡臣社稷尚即圖字謀也而欲有賞必於潘

國下濕境圻人所不貪國於瘠土免為有力者所奪遂封潘鄉即固始也

三九無嗣國絕祀廢郡國志固始侯國故寢也光武中興更名有寢邱注史記曰楚莊王封孫叔敖

子然則潘即寢邱一鄉耳二十七年國絕不續封見初封出於彊勉以終世為列姬國意固始令段君夢

見孫君則存其後就其故祠為架廟屋立石銘碑春秋烝嘗

明神報祚即歲還長後太守及期思縣宰漢武帝得休屠王故地置張掖郡長

後隸焉或從省耳一歲再遷蓋假太守之名以重縣宰之權張掖未嘗之任段君諱光字世賢魏

郡鄴人庶慕先賢庶幾古賢而景慕之體德允恭篤古遵舊奉履憲章

欽翼天道五典興通攷籍祭祠祇肅神明臨縣一載志在惠

康葬枯粟乏愛育黎蒸討掃醜類鰥寡是矜杜偽養善是忠

表仁感想孫君迺發嘉訓興祀立壇勤勤愛敬念意自然刻
石銘碑千載表績萬古標記福祐期思縣興土熾孫氏蒙恩
固始修葺舊祠期思翔與壇宇二處皆立碑福祐之應隨所寓言之漢延熹三年五月廿八日
立

漢故中常侍騎都尉樊君之碑

子遷

後漢樊宏字靡卿南陽湖陽人也世祖之舅其先周仲山甫封于樊因而氏焉世祖卽位拜宏光祿大夫位特進次三公建武五年封長羅侯十五年定封壽張侯十三年封弟丹爲射陽侯兄子尋元卿侯族兄忠更父侯宏卒子儵嗣復封少子茂爲平望侯樊氏侯者凡五國

君諱安字子佑南陽湖陽人也厥祖曰仲山父翼佐周宣出

納王命爲之喉舌以致中興並見詩食菜于樊周語樊仲山甫諫注食菜于樊

子孫氏焉奕世載德守業不愆宏父重字君雲性温厚有法度三世共財居鄉有折契止

訟之美在漢中業篤生哲媛作合南頓實產世祖南頓令欽景帝六世孫也

醜樊氏樊重之女本紀論曰皇考南頓君初為齊征討逆畔陽令以建平元年十二月甲子夜生光武於縣舍

復漢郊廟而樊氏以帝元舅顯受茅土封寵五國壽張侯以

功德加位特進其次並已高聲處鄉校言地望既高而篤於學問侍中尚

書據州典郡不可勝載為天下學治韓詩論語孝經兼典記

傳古今異義甘貧樂約意不回貳天資淑慎稟性有直秉操

不移不以覬貴世政促峻邑宰寡識慢賢役德被以勞事然

後慷慨官于王室歷中黃門冗從儀史拜小黃門小黃門右

史遷藏府令中常侍黃門常侍皆得入禁中給事左右常侍多為大夫博士以上加官朱穆疏云按

漢故事中常侍參選士人建武以後乃悉用宦者又云自和熹太后以女主稱制乃以閹人為常侍小黃門通命兩宮攷

之此碑可驗顏師古注百官表云中黃門謂奄人居禁中在黃門之內給事者參考未的其事上也貞固

密慎矜矜戰戰作主股肱助國視聽外職不誣內言不泄為

近臣楷模以兄弟並盛雙據二郡宗親賴榮年五十有六以

永壽四年二月甲辰卒按桓帝紀是年六月戊寅改元延熹朝思其忠追拜騎

都尉寵以印綬策書褒歎賻贈有加嗣子遷寔以幼弱夙敘

王爵而喪所天禮備復位謂二十七月喪制畢而復位以延熹三年冬十

有一月自上蒸祭兩雅冬祭曰蒸進也乃尋惟烈考恭修之懿勒

之碑石俾不失墜其辭曰

肅肅我君帝躬是翼虞書子欲左右有民汝翼王事多難我君是力詩仲

威儀是力秉此小心以亮皇職惟帝念功庸以輿服書明試以功車服以庸

大命傾竇魂神遷伏龜艾追贈龜印紐也艾所以染色謂緣綬也百官表諸侯王蓋綬晉

灼曰蓋草名也似艾可用光其德藹藹遺稱作呈作式呈與以染緣為後人法式

言可為後人法式也
勒銘茲石垂示罔極勲名不列未昭千億列音

制詔中常侍樊安宿衛歷年恭恪淑慎嬰被疾病不幸蚤
終今使湖陽邑長劉慘追號安為騎都尉贈印綬魂而有
靈嘉其寵榮嗚呼哀哉延熹元年八月二十四日丁酉
下

漢金城太守殷君碑 衛覲

君諱華字叔時上郡之陽人大匠君之子也其先出自有殷

因國定氏不改其號聖哲元流謂成湯而下哲王而至君而懿幼應瓊

蘭之美詩乃生男子載弄之璋左傳燕姑夢長有冲邈之志

敦詩閱禮左傳晉御穀為中軍韜韜竹賁誕循前業反韜徒

木反弓韜也賁簡策也言文武之具克遵前業

操也耽耽虎視龍變不羈易虎視耽耽言威重也史記文夫龍變言如龍蛇之變化也故

能雄傑於并域聲班於上京地理志上郡屬并州也察何孝廉

貢除郎中左一作馮翊丞協宣文物公事知州舉茂才宛邱

令崇行寬猛示之禮禁宛邱縣屬南陽郡褒延庠校政以惠

和三載陟隕邪臨金城郡郭羌虜隕與勘同古勳字郭與障同障塞也言為令三載朝

以有功於民升為金城太守不直隕臺省盤旋外避難遷移

庸故曰邪臨或謂金城地在西北邪臨猶邪指也

役兼民匱室如懸罄無青草室如懸罄乃敷權略獎厲威

信儉狃率服不敢窺踰儉狃北狄周曰儉狃漢曰匈奴不敢窺伺中國踰越疆界兵戢而

時動因省獵以習義興利弭患順其所樂開通狹道造作傳館吏事咸悅不勞而勸是以搢紳之徒譚講雅誦釋軍旅之

犀革陳俎豆於泮宮

犀鉞和之兵刃革穿皮以為甲泮宮諸侯之學言武備既飾脩講文事

其

艾檐軫

其當作期百年曰期頤艾老人斑白狀檐音旦肩輿也今人亦謂轎為檐軫車也言泮宮養老以車輿延

致旌顯才良咨量三壽賞刑不僭

三壽三老也詩三壽作朋咨訪三老以酌量其政故

賞罰均平不至僭差邦場甯靜歲時豐登耆叟擊壤童亂謳謀功晷垣

列當升寵祚

到任期年功績顯著宜祚之茅上

閱不耆德景命失靈以光和

元年九月乙酉卒官生有嘉休終則鼎銘於是故吏邊竺江

英韓遂

一作緒

等追送遐邱

瑩域之所

刊石勒勛其辭曰

於惟明后懷德握醇昆台之耀秀出不羣

昆台未詳恐是昆吾字昆吾石冶鐵

鑄劍光彩照耀切玉如泥列子穆王征西戎西戎獻昆吾劍

文昭有毅武列能仁含舒憲

墨以育生民乘紀東壤西國著勛身沒名流載世常存古之

遺老非此孰云于爾臣恩續

一作續

其裊芬

後漢鴻臚陳君碑

邯鄲淳

本傳陳寔字仲弓潁州許人也除太邱長修德清
靜百姓以安子紀字元方亦以至德稱兄弟孝養
閨門靡和後進之士皆推慕其風及遭黨錮發憤
著書數萬言號曰陳子鑰禁解四府並命無所屈
就遭父憂每哀至輒嘔血絕氣雖衰服已除而積
毀消瘦殆將滅性豫州刺史嘉其至行表上尚書
圖像百城以厲風俗董卓入洛陽乃使就家拜五
官中郎將不得己到京師遷侍中出為平原相時
議欲以為司徒紀見禍亂方作不復辨嚴即時之
郡璽書追拜太僕又徵為尚書令建安初拜大鴻
臚年七十一卒于官弟謹與紀
齊德父子並著高名時號三君

君諱紀字元方太邱君之元子也始祖有虞受禪陶唐亦以

命禹其後媯滿當周武王時祚一作上于陳史記陳世家武

得媯滿封君其世也君生應乾坤之純質受嵩岳之粹精內

之干陳包九德外兼百行淵深淪於不測膽智應於無方宏裕足以

容衆矜嚴足以正世然後研幾道奧涉覽文學凡前言往行竹帛所載靡不坐該其善也亶亶焉其誘人也是以令聞廣

譽塞于天淵儀形嘉誨範乎人倫存乎本傳故略舉其著於

人事者焉顯考以茂行崇冠先儔世說容有問陳季方曰太邱有何功德而荷天下重

名季方曰家君如桂樹生泰山之阿土為甘露所沾下為淵泉所潤當斯之時桂樹焉知泰山之高淵泉之深不知有功

德與季弟亦以英才知名當世孝靈之初並遭黨錮建寧二年有司

奏虞放杜密李膺等皆為鈞黨下獄錮及五屬俱處于家號曰三君故得奉常供養

以循子道親執饋食朝夕竭歡及太邱君疾病終亡喪過乎

哀崩傷嘔血如此者數焉服禮既除戚容彌甚聞名心矍言

及隕涕雖大舜之終慕孟子大孝終身慕父母五曾參之自

盡孟子親喪固所自盡也曾子居無以踰也豫州刺史嘉懿

親喪水漿不入於口者七日

至德命敕百城圖畫形象

先賢行狀曰豫州百城皆圖畫寔紀謚形像焉

于今遺稱

越在民口既處隱約潛躬味道足不踰闕乃覃思著書三十

餘萬言言不務華事不虛設其所交釋合贊規聖哲而後建

旨明歸焉今所謂陳子者也初平之元禁罔蠲除

木紀初平元年赦天

下黨人還諸徙者

四府並辭弓旌交至

弓旌所以招聘賢者雖崇其禮命莫敢

屈用大將軍何進表選明儒君為舉首公車特徵起家拜五

官中郎將

此疑與本傳小異蓋董卓入洛陽時表選召拜君者何進也觀君對卓遷都之問即時之平原其不

為卓屈明矣

到遷侍中旬有八日出相平原會孝靈晏駕賊臣秉

政董卓為相國

肆其兇虐剝亂宇內州郡幅裂戎輿並戒君冒犯

鋒矢勤恤民隱馴之以禮教示之以知恥視事未朞士女向

方會刺史敗於黃巾

張角反其部師有三十六萬皆著黃巾

幽冀二州爭利其

王二州刺史因世亂竊據土地以為已利君料敵知難不忍其民為己致死乃

辭而去之於是老弱隨慕扳轅持轂輪不得轉遂晨夜間行

寓於邳邳之野漢地理志東海郡有下邳縣邳縣按史記鄒費邳皆小國也袁術恣睢僭

號江淮圖覆社稷按三國志術以興平二年僭號以九江太守為淮南尹置公卿祠南北邳結婚

呂布斯事成重必不測救君諭布不從遂與成婚送女在塗

君為國深憂乃奮策出奇以奪其心卒使絕好追女而還離

逃姦謀使不得成國用又安君之力也呂布傳袁術為子求婚布許之術遣韓允

以僭號事告布因求迎婦布遣女隨之沛相陳珪恐術報布成婚則徐揚合從為難未已於是往說布布素怨術而女已在塗乃追還絕婚史以為陳珪唯帝念功命作尚書令會車

未知孰是抑二人共為此謀

駕幸許獻帝建安元年曹公操奉拜大鴻臚實掌九儀四門

穆穆東觀漢記大鴻臚主賓贊九賓遂登補袞闕以熙帝載

不幸寢疾年七十有一建安四年六月卒惜乎懷道處否登庸日寡實使大業不究元勳靡建茲海內所為嗟悼凡百所以失望也天子愍焉使者弔祭羣卿以下臨喪會有子曰羣追惟蓼我罔極之恩羣位至三公名德不及祖父時人為之報之德吳天罔極欲乃與邦彥碩老咨所以計功稱伐銘贊

之義遂樹斯石用監于後其辭曰

於穆上德時惟我君固天縱之天一作鍾厥純命世作則實

紹斯文遭險龍潛抗志浮雲謂因黨鋼家居易潛龍勿用論語不義而富且貴於我如浮雲

所貴在己樂存事親雖處畎畝天子屢聞乃階郎將陪帝作

鄰謂由五官中郎將而階升為天子左平原寇深遂辭其民

思齊古公邠土是因言君之愛民與民之戀君與古公齊德古公實父避狄去邠事見孟子不

忘諭國惠我無垠復命喉舌秉國之均尚書爰登卿士媚茲

一人鴻臚在漢為九卿詩媚于天子注媚愛也如何穹蒼不授遐年少厥在位每

懷不申股肱或虧朝誰與詢股肱之臣既喪朝熒熒小子號

泣于閔作碑者自謂勒銘表德久而彌新

河間相張平子碑

崔瑗

後漢書張衡字平子南陽西鄂人也少善屬文通五經貫六藝尤致思於天文陰陽歷算安帝徵拜郎中再遷為太史令乃研覈陰陽妙盡璇璣之正作渾天儀著靈憲算罔論言甚詳明永和初出為河間相四年卒註西鄂縣在今鄧州向城縣南有平子墓及碑在焉崔瑗之文也

河南相張君南陽西鄂人諱衡字平子其先出自張老為晉

大夫納規趙武而反其侈書傳美之趙武諡文子晉語文子

老曰天子之室斲其椽而斲之加密石焉諸侯斲之大夫斲之禮也文子令勿斲匠人請皆斲之又子曰止為後世之見

之也其斷者仁者之爲也
其鑿者不仁者之爲也
君天姿叡哲敏而好學如川之逝

不舍晝夜是以道德漫流
文章雲浮數術窮天地制作俾造

化言渾天儀也瓌辭麗說奇技偉藝磊落煥炳與神合契言靈

憲算罔論也然而體性溫良聲氣芬芳仁愛篤密與世無傷可謂

淑人君子者矣初舉孝廉爲尚書侍郎遷太史令實掌重黎

歷紀之度亦能焯燿敦大天明地德光照有漢史記南正重

司地鄭語黎爲高辛氏火正以焯燿敦大天明地德光照四

海言重黎典序天地能使日月增輝山川順理其功光照當

世今平子爲太史令亦能如此光耀於漢室無愧重黎之職焯音淳遷公車司馬令侍中遂相

河間政以禮成民是用息本傳時河間王政驕奢不遵典憲

遭命不永闔忽畧徂本傳年六十二永和四年卒朝失良臣

民隕令君大泯斯道世喪斯文凡百君子靡不傷焉乃銘斯

表以旌闕聞其辭曰

於維張君資質懿豐德茂材羨一作美高明顯融焉所不學亦

何不師論語夫子焉不學而亦何常師之有盈科而逝成章乃達孟子流水之

道也不成君子之志於一物不知實以為耻聞一善言不勝其

喜包羅品類稟授無形酌焉不竭沖而復盈廩廩其庶暨暨

其幾易顏氏之子膺數命世紹聖作師言當世無居其右者

繼前聖以為師苟華必實令德惟恭柔嘉伊則孝友祇容允出在茲

雜帝念功言出為河間相也書允往才女諧古文尚書化洽

民雖愍而不弔降此咎兒詩昊天不弔哲人其萎罔不時恫

禮記者人其萎乎書民紀於銘勒永終譽兮死而不朽芳烈

著兮

歐陽氏集古目錄跋尾漢張平子墓銘世傳崔子玉撰并書按范曄漢書張衡贊云崔子玉謂衡數術窮天地制作侔造化今銘有此語則真子玉作也其刻石爲二本一在南陽一在向城天聖中有右班殿直趙球者知南陽縣事因治縣廨毀馬臺得一石有文驗之迺斯銘也遂龕于廳事之壁其文至凡百君子而止其後半亡矣其在向城者今尙書屯田員外郎謝景初得其半於向城之野自凡百君子已上其前半亡矣今以二本相補續其文遂復完而闕其最後四字然則昔人爲二本者不爲無意矣唐寶應中有徐方回者別得二十一字云是銘最後文疑球所得南陽石之半亡者爾今後不復見則又亡矣惜哉

曹娥碑

邯鄲淳

會稽典錄曰上虞長度尚弟子邯鄲淳字子禮時甫弱冠有異材尚先使魏嗣作曹娥碑文成未出子禮至試使爲之操筆而成無所點定朗嗟嘆不暇遂毀其草

孝女曹娥者上虞曹盱之女也其先與周同祖文王之子振鐸封于曹

末胄荒流一作沈爰茲適居盱能撫節按歌婆娑樂神詩子仲

婆其下毛氏注婆娑舞也後漢書列女傳云沂濤迎婆婆神恐非以漢安二年五月時迎五

君漢安順帝年號二年歲在癸未伍子胥爲濤神逆濤而上爲水所淹不得其尸時

娥年十四號慕思盱哀吟澤畔旬有七日遂自投江死娥投衣於

水祝曰父尸所在衣當沈衣隨流至一處而沈娥遂隨衣沒衣或作爪見項原列女傳經五日抱父屍

出以漢安迄于元嘉元年青龍在辛卯元嘉桓帝年號青龍太歲也漢安二年至

此凡莫之有表度尚設祭誅之列女傳云度尚收葬娥於江南道旁爲立碑焉辭曰

九年

鬱伊孝女睡睡之姿偏其反而令色孔儀窈窕淑女巧笑倩

兮宜其家室謂娥姿容之美宜配君子在洽之陽大禮未施大明詩在洽之陽洽水名

水北為陽言文王親迎大妣于渭也此禮未施謂娥在室未嫁嗟喪慈父彼蒼伊何無父孰

怙訴伸告哀赴江永號視死如歸是以眇然輕絕投入沙泥

翩翩孝女載沈載浮或泊洲渚一作嶼或在中流或趨湍瀨或

逐波濤未遇父尸漂流靡定千夫失聲悼痛萬餘觀者填道雲集路衢

泣淚掩涕驚動國都是以哀姜哭市左傳魯文公夫人姜氏歸于齊將行哭而過市

曰天乎仲為不道殺杞崩城隅齊杞梁之妻哭其夫而哀城

適立庶市人皆哭或有尅面引鏡梁高行者早寡不嫁梁王使聘之婦援

能感矣王高其節鏡操刀以割其鼻曰刑餘之人始可釋號曰高行沛郡劉長卿妻吳孫奇妻皆少坐臺

待水楚昭王出遊留夫人曰妾不敢越義而求生水大至而使迎夫

曰貞姜並列女傳抱樹而燒介之推母與推俱隱緜上山中晉文公求之不能得焚其山終不出而焚死又

操琴曰介子抱木而焚死四者言秉節不踰於戲孝女德茂此儔何者大國防禮

自修豈况庶賤露屋草茅不扶自直不鏤一作自彫後漢徐

此兩語說苑蓬生巢中不扶自直越梁過一作宋比之有殊梁謂梁高行宋

賢之按上文抱樹而燒當用伯姬事抱樹字恐傳寫誤尔哀

此貞厲一作千載不渝嗚呼哀哉辭曰

名勒金石質之乾坤歲數歷祀立廟起墳光于后土顯昭天

人生賤死貴利之義門何悵華落飄零早分葩豔窈窕永世

配神言當配若堯二女為湘夫人時效髣髴以昭後昆楚詞

君湘夫人堯之二女娥皇女英世廟在湘山

漢議郎蔡邕聞之來觀夜聞以手摸其文而讀之邕題文

云黃絹幼婦外孫齋白語林楊修至江南讀曹娥碑背
操不解問修曰卽知否修曰知之操曰且勿言待孤思之
行三十里乃得之令修解修曰黃絹色絲色絲絕字幼婦
少女少女妙字外孫女子女子好字
壺曰受辛受辛辭字操曰一如孤意

古文苑卷十九

古文苑卷二十

誄

楊雄元后誄

傅毅北海王誄

魏文帝曹蒼舒誄

元后誄

楊雄

漢書本傳孝元皇后王莽之姑也莽篡漢國號新更命太皇太后為新室文母年八十四崩莽詔大夫楊雄作誄曰太陰之精沙麓之靈作合於漢配元生成著其協於元城沙麓太陰精者謂夢月也

新室文母太后崩天下哀痛號哭涕泗思慕功德咸上樞誄

之銘曰上樞謂陳薦莫之物一無樞字

惟我有新室文母聖明皇太后姓出黃帝西陵昌意實生高

陽史記黃帝娶於西陵之女生二子其二曰昌意降居若水昌意生高陽有聖德焉是為帝顓頊昌意至舜七世矣

純德虞帝孝聞四方登涉帝位禪受伊唐爰初胙土陳田至

王漢書本傳黃帝八世生虞舜舜起媯汭以媯為姓至周武

王封舜後媯滿於陳十三世生完字敬仲奔齊齊桓公以

為卿姓田氏十一世田和有齊國三世稱王至王建為秦所

滅項羽起封建孫安為濟北王漢興安失國齊人謂之王家

因以營相厥宇度河濟旁沙麓之靈太陰之精

翁孺徒魏元

城建公曰昔春秋沙麓崩晉史卜之曰後六百四十五年宜

有聖女興其齊田乎今王翁孺徒正道其地日月當之元城

郭東有五鹿之虛即沙麓也翁孺生禁禁生政君

即元后也母李氏懷政君在身夢見月入其懷

天生聖姿

豫有祥禎作合于漢配元生成木傳五鳳中后入掖庭宣帝

帝於甲觀畫堂元孝順皇姑承家尚莊一作聖敬齋莊皇姑

帝即位立為皇后內則純被一作禮記有內則篇後烈丕光肇初配先

也天命是將兆徵顯見新都黃龍將大也謂元帝時黃龍見

成既終允嗣匪生成帝無子立定陶恭王哀帝承祚惟離典

經尙是言異

帝入繼大統尊定陶恭王為恭皇因曰春秋母以子貴尊傅太后為帝太太后丁姬為帝太后

皆不合典禮惟是已者

是尙其言寔乖於正理大命俄顛厥年天隕大終不盈

哀帝在位

六年壽二十六

文母覽之千載不傾

太后察此為基作不傾之計

博選大智新都

宰衡明聖作佐與圖國艱以度厄運徵立中山

新都侯莽迎立中山王是

為平帝莽乘改號曰宰衡

庶其可濟博采淑女備其姪娣觀

一作

禮高謀

祈廟嗣繼

太后為平帝聘莽女為后又備廢女祀高禘祈嗣續以衍宗廟之繼

靡格匪天靡動

匪地穆穆明明昭事上帝宏漢祖考夙夜匪懈興滅繼絕博

立侯王親睦庶族昭穆序明帝致友屬靡有遺荒咸被祚慶

平帝紀二年立代孝王元孫之子如意為廣宗王江都易王孫盱台侯官為廣州王廣川惠王曾孫倫為廣德王封霍光

從父昆弟曾孫張敖周冀以金火赤仍有央

金劉姓火漢德赤火之色有央

猶未央也言冀火德之方中

勉進大聖上下兼該

大聖指莽也上文皆諛詞以文莽之姦謀羣

祥眾瑞正我黃來火德將滅莽自以代漢為土德色尚黃惟后于斯天之

所壞人不敢支哀平天折百姓分離祖宗之愆終其不全天

命有託謫在于前屬遭不造榮一作策極而遷皇天眷命黃虞

之孫歷世運移屬在聖新代于漢劉受祚于天漢祖承命赤

傳于黃言漢不敢違天命遂以火德傳于土德攝帝受禪立為真皇允受一作執

厥中以安黎眾漢廟黜廢移定安公莽篡位封孺子嬰為定安公皇皇靈

祖惟若孔臧降茲珪璧命服有常為新帝母鴻德不忘欽德

伊何奉命是行非薄服食神祇是崇尊不虛統惟祇惟庸一作

惟垣隆循一作脩人敬先民是從承天祇家允恭虔恪豐阜庶

卉旅力不射恤民于留不皇詭作以崇本務農為悠久之道弋獵未事弗暇為之爾雅

云留久也別計十邑國之是度還奉于此以處貧薄平帝紀元始二年太后省

所食湯沐邑十縣屬大罷苑置縣築里作宅以處貧窮哀此

農別計其租以贍貧民罷苑置縣築里作宅以處貧窮哀此

解為諸生儲以勸好學倉蓋元始中猶避惠帝諱至此方稱

常志在黎元是勞是勤春巡灞澆秋臻黃山灞澆長安城中

名在夏撫鄆杜扶風二冬卹涇樊涇水之際撫卹謂大射饗

飲飛羽之門飛羽殿在未央宮中綏看耆幼不拘婦人刑女歸家以育

貞信元年天下女徒已論歸家復貞婦鄉一人元冥季冬搜

狩上蘭上蘭觀名寅賓出日東秩暘谷鳴鳩拂羽戴勝降桑

汲冢周書時訓解穀雨又五日鳴鳩拂蠶于蘭館漢宮殿疏

其羽又五日戴勝降于桑皆蠶候也蠶于蘭館漢宮殿疏

有蘭館蓋蠶躬筐執曲帥導羣妾咸循蠶簇具簇竹器以茅

藉之承老蠶作繭分繭理絲女工是勅遐邇蒙祉中外禔福自京逮

海塵不仰德成類存生秉天地經無物不理無人不甯尊號

文母與新有成世奉長壽莽墮壤孝元廟獨置故殿為文靡

墮有傾著德太常注諸旒旌嗚呼哀哉以昭鴻名享國六十

殂落而崩后以初元元年癸酉歲立為皇四海傷懷擗踊拊

心若喪考妣遏密八音嗚呼哀哉萬方不勝德被海表彌流

魂精去此昭昭就彼冥冥忽兮不見超兮西征既作下宮塋

也 不復故庭爰緘伊銘嗚呼哀哉誄中事具本傳并王莽傳

北海王誄

傅毅

後漢書北海靖王興齊武王伯升子也建武二年封魯王後徙為北海王顯宗器重與每有異政輒乘驛問焉立三十九年薨王嘗試守候氏令為人明畧善聽訟甚得名稱遷宏農太守亦有善政

誄曰永平七年北海靖王薨於是境內市不交易塗無征旅

農不修畝室無女工感傷慘怛若喪厥親俯哭后土仰懇皇
旻於惟羣英列俊靜思勒銘惟王勛德是昭是明存隆其實
光曜其聲終始之際於斯爲榮乃作誄曰

覽視昔初若論往代

若順也

有國有家篇籍攸載貴勢不驕滿

罔不溢莫能履道聲色以卒惟王建國作此藩弼撫綏方域
承翼京室對揚休嘉光昭其則溫恭朝夕敦循伊德

曹蒼舒誄

魏文帝

曹冲字蒼舒魏公操子母曰環夫人魏文帝之弟也少聰察岐嶷有成人之智年十三病卒曹公哀甚爲聘甄氏亡女與合葬贈騎都尉印綬

惟建安十有五年五月甲戌童子曹蒼舒卒嗚呼哀哉乃作
誄曰

於惟淑弟懿矣純良誕豐令質荷天之光既哲且仁爰柔克

剛彼德之容茲義肇行猗歟公子終然允臧宜逢介祉以永

無疆如何昊天雕斯俊英嗚呼哀哉惟人之生忽若朝露役

役一作促促百年疊疊行暮矧爾夙天十三而卒何辜于天景命

不遂兼悲增傷侘傺失氣離騷怵鬱邑余侘傺註侘救加救駕二切際丑利救界二切失志貌

永思長懷哀爾罔極貽爾良妃謂甄氏合葬左傳嘉偶曰妃音配襚爾嘉服

謂贈印綬越以乙酉宅彼城隅增邱峩峩寢廟渠渠詩夏屋渠渠言深廣也

姻媾雲會充路盈衢悠悠羣司岌岌其車傾都蕩邑爰迄爾

居魂而有靈庶可以娛嗚呼哀哉禮男子十三成童死則稱下殤言未成人也蒼舒之

葬配以甄氏死女又竊王朝命服以加之為立寢廟悖禮甚矣曹氏父子所謂小人而無忌憚者也

古文苑卷二十

古文苑卷二十一

賦十三首

舊編載此諸篇文多殘缺搜檢它集互加參證或補及數句猶非全文姑存卷末以俟博訪

賈誼虞賦

劉向請雨華山賦

劉歆甘泉宮賦

傅毅琴賦

蔡邕協和昏賦

琴賦

胡栗賦

述行賦

魏文帝浮淮賦

王粲大暑賦

曹植述行賦

劉楨大暑賦

應瑒靈河賦

頌三首

傅毅東巡頌

蔡邕東巡頌

南巡頌

蔡邕九惟文一首

虞賦

賈誼

考工記梓人為筍虞天下之大獸五羸者羽者鱗者以為筍虞註樂器所縣橫曰筍植曰虞此賦蓋指鍾虞前

妙彫文以刻鏤兮象巨獸之屈奇兮

鳥氏為鍾鄭元注今時旋有蹲熊盤龍辟邪

戴高角之峩峩負大鍾而顧飛美哉爛兮亦天地之大式

陽歐

詢蘇文類聚載賈誼虞銘云攷太平以深志象巨獸之屈奇妙彫文以刻鏤舒循尾之采垂舉其鋸牙以左右相指負大鍾而欲飛

請雨華山賦

劉向

字子政前漢書有傳

此文闕訛難讀姑存其舊以俟識者

崆嶲巍峭嶮山清忽幽昧往曲勃林岑茱萸一作竭離安連

迎崦通谷曼服愧奄草均阿阪殷紛聲沸路遼遠調修崦嶮

寒服嶼冥冥蘭蔓散峽峭峭此雀反休休溱溱路黍稷雲崦忽

傳天下爲深壑旅請今深渥水谷密請宜令所出百鎰鎰清

池涌泉淡州鳴一作鴛翔喋喋殊侶診賞懸若神悲哀一作

但往一作不可語人鹿麇麇休他他野牛勝握觸熊蝥蝥

律怒佛持林旅象尾庸遊山陵天陰且雨員日聆棠柘梓桐

摻梢母猴猿木戲手相持睠陽趨芬若風時憚鴛飄陽鸞孔

翠文章明罌一作曠苑倉游山旁悵蠟狐貉臨水凝渾兮不

觸果必方蓋格可爲悵陵鯉難神龜春夏出游冬自根聖人

親之誠虞哉號拖何不可勝亦路臨何爲華山

甘泉宮賦

劉歆

三輔黃圖甘泉宮一日雲陽宮秦始皇作在雲陽縣甘泉山漢武增廣之周十九里乃黃帝以來圓丘祭天處故武帝以後皆於此祀天成帝時楊雄從祠甘泉還奏賦以諷此賦不及祠祝後有闕文也

軼凌陰之地室過陽谷之增城按黃圖甘泉山在九峻山之北虞陽縣之西迴天

門而鳳舉躡黃帝之明庭漢郊祀志黃帝接萬靈明庭明庭者甘泉也冠高山而

為居乘崑崙而為宮按軒轅之舊處居北辰之關中黃圖咸陽宮殿

象天極帝居故此宮在北辰環城之內闕一本作閼背共工之幽都向炎神之祝融言

北向也封巒為之東序緣石闕之天梯封巒石闕皆觀名在甘泉苑垣內桂木

雜而成行芳肸蠶之依斐翡翠孔雀飛而翱翔鳳凰止而集

栖甘泉涌於中庭激清流之瀾瀾黃龍遊而宛蟠音蜿神龜

沈於玉泥離宮特館接比相連雲起波駭星布彌山高巒峻
阻臨洮廣衍深林蒲葦涌水清泉芙蓉菡萏淺荇蘋蘩豫章
雜木榿松柞楸女貞烏勃桃李棗欖

琴賦

傅毅

桓譚新論神農氏削桐為琴繩絲為弦以通神明
之德合天人之和廣雅曰神農氏琴長三尺六寸
六分上有五絃曰宮商角徵
羽文王增二弦曰少宮少商

歷松岑而將降睹鴻梧於幽阻高百仞而不枉對修條而特

處蹈通涯而特遊圖茲梧之所宜信雅琴之麗樸乃弁一作

伐其孫枝孫枝附生枝也嵇康琴賦乃斲孫枝準量所任至
人據思制為雅琴眉山蘇氏曰凡木本實而未虛

惟柯反之試取小枝削皆堅實如蠟而其本皆空
故世所以貴孫枝者貴其實故絲中有木聲也命離婁使

布繩施公輸之剗矚雕琢而成器揆神農之初制盡聲變

之奧妙存心志之鬱滯

協和昏賦

蔡邕

嫁娶合二姓之好正人倫之始用昏時者取幽陰之義也故謂之昏禮

惟情性之至好歡莫偉乎夫婦受精靈之造化固神明之所

使事深微以元妙實人倫之所始考遂初往古之原本覽陰

陽之綱紀乾坤和其剛柔乾剛坤柔有夫婦配合之義艮兌感其胸腓艮

男兌少女感應而為咸聖人列於下篇葛覃恐其失時毛詩

之首以象夫婦咸其脢咸其腓皆交辭葛覃言女功之事恐失標梅求其庶士詩標有梅男女及時也其

時豈齊魯詩耶唯休和之盛代休音煦休和猶醇和也男女德乎年齒古者男二十

五至二十謂之盛婚姻協而莫違播欣欣之繁祉謂室家相

年嫁娶之時也盛三俗淳厚良辰既至下日昏禮已舉二族崇飾威儀有序嘉賓

僚黨和神雲聚車服照路驂駢如舉驂駢車旁兩馬也如舉言均齊既臻門

屏結軌下車親迎儀壻入奠鴈姆奉女出登車至其家俟婦下車揖之導以入軌車轍也阿傅姆傳

也御堅雁行蹉跎麗女盛飾睦如春華後闕

琴賦

琴操曰昔伏羲氏作琴以修身理性反天真也此賦首尾俱有關文

清聲發兮五音舉韻宮商兮動徵羽曲引興兮繁絲撫然後

哀聲既發秘弄乃開琴調有曲有引有弄今所傳如明妃引蔡氏五弄左手抑揚右

手徘徊抵掌反復抑按藏推於是繁絃既抑雅韻乃揚仲尼

思歸夫子將之晉及河聞鳴犢竇擘之見殺也回輿而旋作

鹿鳴三章禮記有雅肄三謂鹿鳴而下三章蔡邕琴操曰鹿鳴周大臣之所作也梁甫悲吟古

府有泰山梁父吟蓋喪葬之詞周公越裳周公輔成王越裳氏重譯來貢青雀西飛青雀西

使青鸞也琴操有離鸞別鶴東翔商陵牧子娶妻五年無子父兄欲為

憤飲馬長城古樂府有飲楚曲明光琴譜有楚王操有楚明

走獸率舞書搏拊琴瑟以飛鳥下翔師曠為晉平公鼓琴感

激絃歌一低一昂

胡栗賦

邕自序云人有折蔡氏祠前栗者故作斯賦

樹遐方之嘉木兮樹種也言此木元非于靈宇之前庭通二

門以征行兮夾堦除而列生彌霜雪之不彫兮當春夏而滋

榮因本心以誕節兮凝育槩之綠英形猗猗以豔茂兮似翠

玉之清明何根莖之豐美兮將蕃熾以悠長適禍賊之災人

兮嗟天折以摧傷

述行賦

余有行于京洛

漢之東都河南尹也

邁淫雨之經時途速邇其蹇連潦

汗滯而為災聊宏慮以存古宣幽情而屬辭行游目以南望

覽太室之威靈

山海經嵩高為太室山

顧大河于北垠觀洛汭之始并

禹貢注洛汭洛入河處河南鞏縣東

率陵阿以登降赴偃師而精勤壯田橫之

奉首義二士之夾墳

西漢田儋傳高帝召田橫構與其客二人乘傳詣洛陽至尸鄉廢置自到令客

奉其頭馳奏高帝以王禮葬橫既葬二客穿其塚旁皆自到從之後漢郡國志河南偃師縣有尸鄉春秋時曰尸氏註田

橫自殺處

浮淮賦

序見王粲浮淮賦前

魏文帝

泝淮水而南邁兮泛洪濤之湟波仰巖岡之崇阻兮經東山

之曲阿浮飛舟之萬艘兮建干將之鈇戈

干將吳之良冶能鑄劍故後人名寶

劍為揚雲旗之續紛兮聆榜人之謹譁榜必猛反船人乃撞也月令命榜人

金鐘爰伐雷鼓白旄冲天黃鉞扈扈左仗黃鉞右秉白旄以

旄以進退軍土色尚白武將奮發驍騎赫怒於是驚風泛涌波駭眾帆

張羣權起爭先逐進莫適相待

大暑賦

王粲

惟林鍾之季月季夏月建未律中林鍾重陽積而上升夏至一陰生大

陰並進故羣陽上升喜潤土之溽暑大暑後五日扇温風而至興六月

風獸狼望以倚喘鳥垂翼而弗翔遠昆吾之中景鄭語注祝融之孫封

於昆吾祝融炎帝之佐天地翕其同光征夫瘼於原野處者困於門堂

患衽席之焚灼譬烘燎之在床起屏營而東西欲避之而無

方仰庭槐而嘯風風既至而如湯氣呼吸以怯短汗雨下而

霓裳於是帝后順時幸九嶷之陰岡託甘泉之清野御華殿

於林光三輔黃圖咸陽在九嶷山南始皇營宮殿北至九嶷甘泉南至鄠杜離官別館相望漢武增廣之有高光

宮林光宮潛廣室之邃宇激寒流於下堂重屋百層垂蔭千廡九

闔洞開周帷高舉堅冰常奠寒饌代敘闕

述行賦

曹植

曹公操次子後封陳王謚思

尋曲路之南隅觀秦政之驪墳始皇名政葬於驪山哀黔首之罹毒酷

始皇之為君濯余身於秦井溫泉也律湯液之若焚

大暑賦

劉楨

字公幹為魏司空軍謀祭酒掾屬

其為暑也羲和稔駕發扶木羲和日御也日出於扶桑一曰若木太陽為輿達

炎燭威靈參乘步朱轂南方赤帝曰靈威仰赫赫炎炎烈烈暉暉若熾

燎之附體又溫泉而沈肌獸喘氣於元景鳥戢翼於高危農

暖捉罇而去疇罇在困反織女釋杼而下機温風至而增熱

張衡思元賦温風翕其增熱歎悒悒而無依披襟領而長嘯冀微風之來

思

靈河賦

河源出崑崙上與天漢通故曰靈河

應瑒

字德璉曹公辟丞相掾後為五官將文學有文名與魯國孔融廣陵陳琳山陽王粲北海

徐幹陳留阮瑀東華劉楨謂之建安七子

咨靈川之遐源兮于崑崙之神邱凌增城之陰隅兮賴后土

之潛流衝積石之重險兮披山麓之溢浮蹶龍黃而南邁兮

紆鴻體而因流河源自崑崙東注蒲昌海潛行地南下出於積石禹貢導河積石至于龍門疏郭璞云發

源高處激湊故水色白潛流地中受渠衆多渾濁故水色黃西北人謂水為龍蹶俱衛反毛氏詩註蹶動也涉津

洛一作之阪一作泉播九道之中州禹貢又北播為九河注北分為九河以殺其溢

在克州界汾鴻涌而騰鷺兮恒疊疊而徂征肇乘高而迅逝兮陽

侯沛而震驚陽侯波神有漢中葉兮金隄墮而瓠子傾興萬乘而

親務兮董羣后而來營下淇園之豐篠兮投璧玉而沈星史記

文帝時河決金隄武帝元光中河決瓠子於是天子臨決河

沈白馬玉璧令羣臣從官自將軍以下皆負薪填決河取淇

園之竹以爲健若夫長杉峻檟茂枯芬樞扶疏灌列灌音貫木叢生也詩黃鳥于飛

集于灌木暎水陰防隆條動而暢清風白日顯而曜殊光言築隄已成水

東巡頌

傳毅一本作崔駰

漢光武興三葉至章帝按本紀建初八年冬十二月東巡狩又元和二年二月幸太山柴告岱宗

伊漢中興三葉於皇維烈允迪厥倫續王命嗣漢興矩坤度

以範物規乾則以陶鈞於是考上帝以質中總列宿於北辰

開太微敞禁庭延儒林以諮詢岱岳之事于時典司耆耇載華抱實徵一本適而造曰盛乎大漢既重雍而襲熙代增其

德唯斯岳禮久而不脩此神人之所慶幸海內之所想思頌

有喬山之征周頌時邁巡守告祭柴望也其詩曰懷柔百神及河喬岳又般之詩曰陟其高山墮山喬岳

典有徂岳之巡舜典歲二月東巡狩至于東岳時邁其邦周頌時邁其邦吳天其子之人

斯攸勤不亦宜哉乃命太僕馴六轡一本作騶閑路馬戒師徒於

是乘輿登天靈之威路駕太一之象車升九龍之華旗建掃

電之旌旄哀胡耆之元老聘東作之上游賞孝行之畷農

東巡頌

蔡邕

一本作班固

竊見巡狩岱宗柴望山虞宗祀明堂上稽帝堯中述世宗遵奉光武禮儀備具動自聖心是以神明屢應休徵乃降不勝

狂簡之情謹上岱宗頌一篇曰若稽古在漢迪哲聿修厥德
憲章丕烈翽六龍較五路齊百僚陶素質命南重以司歷厥
中月之六辰備天官之列衛盛輿服而東巡後闕

南巡頌

惟漢再受命爰葉一十協景和則天經郊高宗光六幽通神
明旣禘祖於西郊又將禘於南庭是時聖上運天官之法駕
建日月之旃旌

九惟文

惟思也此文乃九惟之一後當有闕文否則以貧
爲病不思所以處之徒見殞穰亦非作文之法

八惟困乏憂心殷殷天之生我星宿值貧如祿命書所推六極之厄

洪範六極獨我斯勤居處浮濶無以自任冬日栗栗上下同

雲無衣無褐何以自温六月徂暑炎赫來臻無絺無綌何以
蔽身無飭不飽永離懽欣

古文苑校勘記

齊梁以上之文凡正史所不收選家所未錄者略具古文苑一書宋淳熙間韓元吉次爲九卷後有章樵爲之注釋增多二十餘篇釐爲二十一卷自章本行而韓本幾於亡矣近孫淵如觀察復刊宋九卷本顧千里爲之序力斥章本移易篇第增竄文句之非然九卷本榛蕪叢襍脫誤頗多章氏据唐宋類書所引補遺刊誤其功甚偉又注中所稱王粲王融等集今皆不傳尙賴是而存其一二固與韓本互有優劣不能偏廢也惜屢經翻刻轉輾失真癸巳秋以九卷本校勘一過又徧檢初學記藝文類聚諸書證其所出分篇別注除本文譌舛無他書可證者置不論餘所補正時出章注之外別爲

札記如左熙祚識

韓序

好事者果以古文苑目之果當學者思欲近占占當

卷一

周宣王石鼓文所錄字數與廣川書跋鐘鼎款識金

○會弓按天一閣本空處是孫字趨趨按此三字天一

毆其樸來射其來肉既避其獮蜀此十三字當依天一

樸其來遠遠射其獮蜀凡十六字以樸遺蜀滿滿又鯨按

一閣本滿字並無重文錢詹事黃帛其鱗當作鱗注田車

既安既字誤當依天筌○勒馬按天一閣本筌勒二字連

馬字非全文但偏旁从馬關○衆既簡按潘氏音訓空避

左邊當有重文或作駢駢

戎陣止世阼陣世二字並衍當秀弓時射寺蓋卽持之省

文不當臆其○又旃按天一閣本刪去其○薙適天一閣

改爲時庶趨趨按天一閣本彤矢○天一閣本

字常刪去○馬其寫按天一閣本六轡驚驚轡下本空一格此

成句○徒如章按潘氏音訓射之矧空處是戎字

寘搏搏以重文足之誤迂按天一閣本○漢

漭霑雨○淋按鐘鼎款識霑雨上無漭而有

四格漭漭重文合格其上當空三格不得空藍衡

二格也雨下空格依金薤琳琅當是雋字藍衡

尙不誤合孫按天一閣本而師弓矢孔庶按天一閣

字微字鼻字檄字亞字爲字籃而師字合字之上並當增一空格而師

繼以庶左驂三字
與金薤琳琅合
左驂天閣本左下空三格無驂字
廣川書跋有驂字與古文苑合

具奪後具肝
天一閣本不上空三格後具二字相屬此皆剪貼
書跋奪下空三格後具二字相屬此皆剪貼

之誤致令各本參差今石刻闕
泐又甚於前蓋不可得而定矣
來其寫矢天一閣本來下

鐘鼎款識有其
具來樂天子天一閣本具下空四格無來
字與古文苑合又廣川書跋來嗣王始古我來嗣上一閣本

具下空三格來樂二字相屬
來嗣王始古我來嗣上一閣本
格無來字又始下空一格鐘鼎款識嗣上有來字與

古文苑合又廣川書跋始古我三字相屬下空二格
嗣上一閣本
閣本版上空七微雉立其一按天一閣本微字有重文又

格取下空三格
微雉立其一按天一閣本微字有重文又
天一閣本水下有既字又

避水衡既平
天一閣本水下有既字又
馬既申救天一閣本馬上

敕下並空一格按潘氏音訓馬上
肅肅駕天一閣本駕下
有乘字金薤琳琅作我未詳孰是

現字左驂
此字尚有重文九
駮駮扯女不天一閣本駮上

彼字左驂
卷本尚不誤
駮駮扯女不天一閣本駮上
三格不下
韞霧此下夫一閣本空三
公謂天按潘氏音訓
空三格

余及如

此下天一閣本空二格

○獻○

獻下脫用字九卷本尚不誤

大祝○

此下一天

閣本有

致窳

窳字誤當依天一閣本作寓

孔闕

二字當依天一閣本乙轉

避○

其天

一閣本避下並無空格

麀鹿

天

天一閣本麀字有重文天作大馬氏驢云石刻大字小而少低疑非

全文按廣川書跋作天與古文苑合

求又

○○○○○○○○

天一閣本又下空七格此少一格

秦惠文王詛楚文

此文至宋始出唐時未及見之益信是書為宋人所輯也今石刻已亾其篆文見絳

帖

呂圭玉義牲

呂廣川書跋作祠九卷本亦作祠

日復略我邊城

日當作且九卷本尚

不誤

秦始皇嶧山刻石文

石刻已亾惟摹本尚存

二十有六年

注云二十當合為廿按篆文正作廿

以開事理

事當作爭九臣卷本尚不誤

冒死請

按篆文冒作昧

卷二

宋玉笛賦

初學記十六藝文類聚四十四

使午子

文選洞簫賦注引作叔子李善引毛詩之顏叔子以釋之

所以御暴也

暴當作寒九卷

本尙不誤

成稟受兮

成初學記作咸

大言賦

渚宮舊事三藝文類聚十九

王因唏曰

唏渚宮舊事作稱

跋越九州

跋渚宮舊事作跨

迫不得仰

此下渚宮

舊事有若此之大也何如王曰善十字

小言賦

同上

析飛糠以爲輿剖糝糟以爲舟

按渚宮舊事糠作塵糝糟作糠糝

蠅蚋皆

以顧盼

蠅當作憑九卷本尙不誤

原存亡而不憂

原字誤當依渾宮舊事作渾

諷賦

藝文類聚廿四

乃更於蘭房之室初學記二又十六引此文之並作奧烹露葵之美文選七啓注烹

煮作

釣賦渚宮舊事三藝文類聚廿四

宋玉與登徒子偕受釣於元洲此字誤文選七發注御覽入百三十四並引作淵惟

藝文類聚作泉止而渚宮舊事止作子屬上句讀八絲之線此字誤當

事作綸下亦以釣如細鍼釣當作鉤九卷本尚不誤迅哉說乎迅字

依渚宮舊事作迂王不可察爾可字衍九卷本尚不誤其鉤可謂拘矣拘渚宮舊

事作均尋上下文蓋以精不離乎魚喙初學記廿二精作情視之於

海視字誤當依渚宮舊事作沉

舞賦初學記十五藝文類聚四十三並作傳毅舞賦與文選合編古文苑者以篇首有楚襄宋玉問答遂以此賦為

宋玉作唐人不應有此巨謬其出宋人無疑

而抗音高歌

初學記無而字與文選合

埒簇角妙初學記簇作材與文選合

卷三

賈誼旱雲賦

遂積聚而給沓兮

給字誤文選謝元暉敬亭山詩注引作合

相擊衝而碎破

二字

當依九卷本乙轉

終風解而霏散兮

霏當作霧九卷本尚不誤

僚兮慄兮

九卷本慄

慄作慄

董仲舒士不遇賦

藝文類聚三十

嗟乎嗟乎

當作嗚呼嗟乎九卷本尚不誤

而丁三季之末俗以辨詐而期

通兮

末俗二字當重藝文類聚可證

貞士耿介而自東

貞士下脫以字當依藝文類聚補

將遠遊而終慕

九卷本終下脫一字此章氏以意補也顧千里云終下脫古字終古離騷文

復

不如正心而歸一善

藝文類聚不如上無復字正作復

枚乘梁王兔園賦藝文類聚六十五

相子雜選而往子字誤當依藝文類聚作與摩馳長髮文選謝靈運會吟行注髮作髻

御覽三百七十
三同又馳作馳

忘憂館柳賦西京雜記四按九卷本無此篇章氏增入下二篇同

路喬如鶴賦同上

公孫乘月賦同上

羊勝屏風賦初學記廿五西京雜記四

劉安屏風賦初學記廿五藝文類聚六十九

飄飆殆危二字當依藝文類聚乙轉

中山王文木賦西京雜記六按九卷本無此篇章氏增入

司馬相如美人賦初學記十九藝文類聚十八

雲髮豐豔

初學記雲作元御覽三百八十一同

三年有茲矣

有當作於九卷本尚不誤

有

美人兮來何遲

有美人兮御覽五百七十三引作彼君子兮

金鑪薰香

文選別賦注引

作金爐

香薰

班婕妤擣素賦

藝文類聚八十五

振珠珮之精明

藝文類聚珠作瓊

計修路之遐覓

九卷本計怨芳修作訛法

菲之易泄

藝文類聚怨作恐芳菲作芬芳

曹大家鍼縷賦

藝文類聚六十五

性通遠而漸進

御覽八百三十遠作達

卷四

楊雄太元賦

役青要與承戈兮

與九卷本作以

逐貧賦

初學記十八藝文類聚三十五御覽四百八十五

義薄輕羅

輕藝文類聚作綺

進官凌遲

官御覽作宦

職汝爲之舍汝遠

竄

兩汝字初學記並作爾與下文一例

嚴穴隱藏

嚴當作嚴九卷本尚不誤

誓將去汝

文類聚作逝

蜀都賦

藝文類聚六十一

遠則有銀鉛錫碧

遠上脫於字九卷本尚不誤

洪濤溶洗

洗九卷本作沈

豐隆

潛延延

九卷本潛字重下空五格無延延二字

雷扶電擊

扶字誤當依九卷本作扶

鴻康

溢

九卷本鴻字重

遠遠乎長

九卷本上遠字作速

檣櫨

字書無檣字當依九卷本作檣

涇淫

溶

九卷本溶字重

野篠紛鬯

字書無鬯字當依九卷本作鬯

宗生族

摺摺當作攢九卷本尚

不

紛揚搔合柯無風披

九卷本合作翕下句作與風披拖

填衍迥野

迥當

九卷本尚不誤

秦漢之徒元以山東

元字誤文選魏都賦注引作充此謂秦漢徙山東民以實

蜀地章氏以徒都釋之誤矣史記龜磧藝文類聚龜布則

貨殖傳云秦破趙遷卓氏于蜀龜磧下有龜字布則

細都弱折御覽八百二望芒今無幅芒字當重注中尚不

七引作望之無疆五肉七菜朦厭腥臊可以練神養血睡者睡字

堂書鈔百四十二引此文云五肉七菜百味六珍可以願精神養血脈迎春送臘九卷本送

此章氏以意補也按文選蜀都賦注引作迎春送冬冬與下公江韻期於送春之陰九卷本

早刻將星星當作皇九相與如平陽頰巨沼文選南都賦

灑又蜀都賦注引如乎巨野則此六纖繁出繁當依九卷

字之中誤三字矣野字與上徒字韻

卷五

劉歆遂初賦藝文類聚二十

馳太行之嚴防兮嚴防水經沁水入天井之喬關喬字誤

水注引 **馬龍騰以起攄** 文選藉白馬賦注引作超攄 **越侯田而長驅兮**

田字誤水經汾水注云侯甲水發源祁縣胡甲山有長坂謂之胡甲嶺卽劉歆遂初賦所謂越侯甲而長驅者也按

九卷本亦作甲 **時有羞而不相及** 羞當作差九卷本尚不誤 **竟盜窮乎陳蔡** 二

當依九卷本乙轉古音陳與淵韻 **涉凝露之隆霜** 九卷本隆作降 **野觀鳴而嘈嘈**

觀當作鸛九卷本尚不誤 **回百里之無家兮** 回字誤文選北征賦注引作迴

杜篤首陽山賦 藝文類聚七

吾殷之遺民者也 藝文類聚無者字 **余閉口而不食** 閑當作閉九卷本尚不誤

班固終南山賦 初學記五

竹扇賦

馬融圍碁賦 藝文類聚七十四

收死卒兮 藝文類聚收下有取字

張衡鬻髀賦

初學記十四藝文類聚十七御覽三百七十四

下居淤壤

上有元霜

御覽作下據朽壤上負元霜

來而幽元

二字當依九卷本乙

轉幽與上周修韻

天地為牀蓐

初學記句首有以字下四句同

冢賦

藝文類聚四十

祭祀是居

藝文類聚祀作祝

溫泉賦

初學記七藝文類聚九

蔭高山之北延

九卷本延作廷

處幽并以閒清

初學記并作屏九卷本亦作屏

紛

雜還其如網

初學記網作烟蓋淺人以烟字不合韻而改之不知烟網並从因聲也

觀舞賦

初學記十五藝文類聚四十三

驚雄遊兮孤雌翔

遊字誤當依藝文類聚作逝

光灼爍以發揚

灼爍初學記藝

文類聚並作的樂

盼爛爛以流光

藝文類聚盼作眸

袖如迴雪

文選為願彦先贈婦

詩注潘安仁河陽縣詩注引此下有徘徊相侔警若電滅二句御覽三百八十一引作宰若霆震警若電滅於

是粉黛弛兮玉質粲初學記質作真又別引張衡觀舞賦云且夫九德之歌九韶之舞化如飢

風澤譬時雨移風易俗混一齊楚以祀則神祇來假以饗則賓主樂胥方之於此孰者為優凡四十八字編古文苑

者失于採錄不知連屬何文今附識于此

羽獵賦九卷本有此篇章本脫去今以初學記二十二藝文類聚六十六所引補正脫誤錄于左方

皇上感天威之慘烈慘原作謬依初學記改思太昊之觀虞表林麓

而廓萊藪剪荆梓而夷榛株於是鳳凰獻歷太僕駕具蚩

尤先驅雨師清路山靈護陣方神蹕御初學記方作萬羲和奉轡

弭節西征翠蓋葳蕤鸞駕瓏玲原作玲瓏依藝文類聚乙轉與上下韻並合山

谷為之淡泊藝文類聚作澹淡邱陵為之簸傾於是皇輿綢繆遷

延容與抗天津于伊路初學記藝文類聚路並作洛負遙集乎南圃大

詔獠者

初學記藝文類聚獠並作獵

競逐長驅輕車颯厲羽騎電驚霧

合雲集波流雨注

原脫霧字注字並依藝文類聚補正

馬蹂麋鹿輪鞞狐兔

弓不妄彎矢不虛舉鳥驚絰羅獸與矢遇

絰原作往又脫與字並依藝文

類聚補正

卷六

黃香九宮賦

存斗文之會宮

九卷本斗作乎文下有昌字與藝文類聚七十八引此文合

介嶧冢

藝文

類聚介作分

垂獨壘而服離桂

桂字誤當依九卷本作桂

黨叱巷澹

九卷本無叱字

李尤函谷關賦

初學記七藝文類聚六

涯浦零中

字書無零字當依九卷本作零

壺口石徑

此字誤當依初學記作徑

貫越伐

朔

伐字誤當依初學記作代
舊水遼濫沐落是經

初學記濫作溢沐作連

徠不蠻

之貢琛不當作百九卷本尚不誤

崔寔大赦賦初學記二十藝文類聚五十二

興修法制初學記藝文類聚並作設垂祉羨乎將來藝文類聚羨作美聆鳳

鳳之味鳴味當作和注中尚不誤

王延壽夢賦藝文類聚七十九

乃忽有非常之物夢焉九卷本無物字焉字所猛猪所當作斬九卷本尚不誤搏

睨皖藝文類聚作睥睨譽譽類聚引此句作翰翰譽譽耳啣

嘈而外卽卽當作朗九卷本尚不誤年克百兮藝文類聚作克百慶兮古音慶與競將恙韻

王孫賦初學記二十九

瓜懸而瓠垂初學記上作或上觸手而拏攫初學記拏作拏下值足而

登跣初學記跣作跋負儵聊而奄赴負儵聊初學記作覆縮臂或躡跌以跳迸

跳逆初學競爭飲而踞地地當作馳九

張超誚青衣賦初學記十九藝

文則可佳佳字誤藝文何必洿池古音五支與六脂不相

昏無媒理初學記作接狎觴酒初學記僻邪無主藝文類

蔡邕青衣賦九卷本有此篇章本退入注中今以初學記十

金生砂礫珠出蚌泥歎茲窈窕散在卑微藝文類聚作盼

倩俶麗皓齒蛾眉縱橫接髮葉如低葵元髮光潤領如螭

蟻脩長冉冉碩人其頤已上十六字原缺綺袖丹裳躡蹈

絲扉盤踞躑躅初學記坐起低昂二字當乙和暢善笑動

並作泥藝文類聚斃懷恭子懷字誤初乃雋不疑乃初學記藝文

作富辟無嫡婉歡心初學記

九藝文類聚三十五所引補正脫誤錄于左方

揚朱脣

此韻可疑蓋文殷與脂微同入互轉之理

都冶武媚卓躑多姿精惠小

心趨事如飛中饋裁割莫能雙追關雎之潔不陷邪非察

其所履世之鮮希宜作夫人爲衆女師伊何爾命在此賤

微代無樊姬楚莊晉妃感昔鄭季平陽是私故因錫國歷

爾邦畿雖得嫵婉舒寫情懷寒雪繽紛充庭盈階兼裳累

鎮展轉倒頽昫昕將曙雞鳴相催飾駕趣嚴將舍爾乖矇

冒矇冒思不可排

初學記引止此

停停溝側噉噉青衣我思遠逝

爾思來追明月昭昭當我戶扉條風狎獵吹子牀帷河上

逍遙徒倚庭階南瞻井柳仰察斗機非彼牛女隔于河維

思爾念爾怒焉且飢

已上六十四字原缺並依藝文類聚補

卷七

蔡邕漢津賦

初學記七藝
文類聚八

納陽谷之所吐兮

初學記
陽作湯

遇萬山以左迴兮

初學記遇作
過萬作曼

嘉清源之勢體兮

初學記勢
體二字倒

筆賦

初學記二十一藝
文類聚五十八

此賦首有缺文初學記又別引蔡邕筆賦云昔蒼頡創業
翰墨作用書契興焉夫制作上聖立憲者莫先乎筆詳原
其所由究察其成功鑠乎煥乎弗可尚矣凡四
十三字編古文苑者失於採錄今附識于此

彈碁賦

藝文類聚
七十四

榮華灼爍

此賦首有缺文御覽七百五十五引蔡邕彈碁
賦云夫張局陳碁取法武備因嬉戲以肄業託

權宴以講事設茲文石其夷如砥采若錦續平若停水肌
理光澤滑不可履乘色行巧據險用智凡五十三字編古
文苑者失于採
錄今附識於此
於是列象雕華逞麗
藝文類聚象下
有碁字無逞字
然後

我製

此字誤當依
九卷本作掣

短人賦初學記十九

王粲浮淮賦初學記六藝文類聚八

乃作斯賦云命粲同作九卷本此序在魏文帝浮淮賦前無命粲同作四字迅流興

潭澗濤波動長瀨按九卷本但有迅風興濤四字以初學記考之正合此風作流乃傳寫之誤而

潭澗波動長瀨六字則章氏別以藝文類聚所引割裂顛倒竄入其中滂沛涵溶此四字以初學記考之正合此亦章氏飛驚波以高鶩飛當作凌九

以藝文類聚所引竄入之如當作加九濟元勲於大舉大當作一九

如舟徒之巧極如當作加九濟元勲於大舉大當作一九

羽獵賦初學記二十二藝文類聚六十六

威典竭作威典藝文類聚作威典潰頸破頰藝文類聚頰作頰然並不合韻初學記又作頰

柳賦初學記二十八

豈駕馳而不屢初學記馳作遲

陸機思親賦

初學記十七藝文類聚二十
按九卷本無此篇章氏增入

指南雲以寄欽

欽當依藝文類聚作欵

零雲紛其下積

雲當依初學記作雪

落葉之去枝

藝文類聚枝作枚

感明發之所懷

此下藝文類聚有居辭安而厭苦養

引約而摧豐忘天命之晚慕願鞠子
之速融凡二十四字章氏失於採錄
類聚有天步悠長人道短矣異途同歸
無早晚矣凡十六章章氏失於採錄

左思白髮賦

藝文類聚十七御覽三百七十三

甘羅乘軫

御覽軫作軒

何子之娛

當依御覽作愚

隨時之變

御覽變作宐

庾信枯樹賦

藝文類聚人十八

昔之三河徒殖

藝文類聚作植

木魅暘睽山精妖孽

藝文類聚引此二句在膏

流斷節之下

謝朓遊後園賦

藝文類聚六十五

左蕙峴兮彌望峴當作峴九卷本尙不誤

卷八

漢昭帝黃鵠歌西京雜記一

自願非薄非當作菲九卷本尙不誤

淋池歌拾遺記六

靈帝招商歌同上

千年萬歲嘉難踰嘉當作喜九卷本尙不誤

武帝落葉哀蟬曲拾遺記五

柏梁詩藝文類聚五十六按此聯句之始也九卷本但注官名與藝文類聚合章氏妄以其人實之後人遂疑此

詩爲依託失考甚矣

蠻夷朝賀常舍其二字誤當依藝文類聚作會期

諸葛亮梁父吟藝文類聚十九樂府詩集四十一

李陵錄別詩御覽入百十四藝文類聚二十九又九十文選西都賦注

朝發天北隅御覽北暮聞日南陵聞字誤當依御覽作宿欲寄一言

去御覽去作書

蘇武荅詩

愴愴難久懷愴愴九卷本作愴愴

別李陵藝文類聚二十九又御覽九百十九以為李陵贈蘇武詩其第三第四句作我當留斯館子當歸故鄉

孔融臨終詩

離合作郡姓名字詩藝文類聚五十六

海內有截隼逝鷹揚內當作外九卷本尚不誤顧千里云隸體截作亂見洪釋度尚碑

六言詩

雜詩

飄飄安所依

飄飄九卷
本作飄飄

秦嘉述婚詩

初學記十四按九卷本無
此詩章氏增入下六詩同

王粲思親為潘文則作

初學記十七藝
文類聚二十

曹植元會詩

初學記四藝
文類聚四

閻邱冲三月三日應詔詩

初學記四藝文類
聚四御覽三十

升陽潤土

二字藝文
類聚剗

鼓柷行謳

藝文類
聚作剛

樂只君子今日惟

康

藝文類聚作樂酒
今日君子惟康

裴秀大蜡詩

初學記四藝
文類聚五

立象改次

立字誤初學記藝
文類聚並作立

度眾更新

度字誤初學記藝
文類聚並作庶

介茲景福

初學記藝文類聚
並作介茲萬祐

矜茲蒸黎

此下藝文類聚有
宣力菑畝沾體暴

肌二句章氏
失於採錄
摻袂成冪藝文類聚
摻作反

王粲雜詩藝文類聚
二十八

七哀詩

程曉嘲熱客御覽三十一
又三十四

道里無行車御覽里
作路只今襜襖子御覽只今
作今世安坐正咨嗟

御覽作
止踣跨
啫啫吟何多御覽此下有疲倦向之
苦甫問居極那二句搖扇髀中疾

御覽髀作
臂疾作疼莫謂為小事亦是一大瑕御覽為作此一
大瑕作人一瑕

卷九

王融侍遊方山應詔九卷本方山
上有西字

遊仙詩第三首見樂府詩集
六十四題神仙篇

清鳥驚高羽清當作青注
中尚不誤

奉和南海王詠秋胡妻樂府詩集三十
六題秋胡行

幽閨積思生樂府幽川山屢難越川山二字誤
當依樂府乙轉契濶彌

新故樂府彌
作迷朔風欄上發樂府欄振芳歧路隅樂府歧
作岐迢

車及粉巷樂府及
作反披帷惕有忘樂府忘
作望彼美後來儀樂府
後作

復蘭艾隔芳臭樂府
作猶

棲元寺聽講畢遊邸園

別蕭諮議玉臺新咏四初學記十八
文苑英華二百八十六

臨風長楸浦英華浦作渚九卷本亦作渚
蓋章氏以與末
句重韻而改之不知末句渚字英華本作嶼

也聊訪狎鷗渚英華渚作嶼又
注云一作鷗憫默瞻華池憫默英華
作愍然眷

言終託何二字誤當依
英華作可託衿袖三處隔玉臺新咏初學
記處並作春敬矣

事容光玉臺新咏初學
記事並作慎杜若空為芳玉臺新咏初學
記為並作自

蕭詒議衍荅

蕭記室琛應教

藝文類聚二十九

詠此式微歲

九卷本此上空一格蓋章氏以意補也藝文類聚作侯我式微歲

王融和王友古意

玉臺新咏四

巫山采雲合

玉臺新咏合作沒

寸心鬱紛蘊

玉臺新咏作氣蘊

餞謝文學

謝宣城集四

滄汨背吳湖

九卷本湖作湖

灑淚與行波

謝集行作烟

謝文學荅

同上

王融寒晚敬和何徵君點

別王丞僧孺

范雲學古貽王中書

此詩已見文選

獨翮凌北海

文選獨作逸

翻飛出南皮

文選蘇作搏

王融雜體報范通直

沈右率座賦三物爲詠

玉臺新咏四又五初學記十六又二十五

幸得與君綴

玉臺新咏初學記又御覽六百九十九君並作珠又並以此詩爲王融作與古文苑不合

王融奉和月下

奉和秋夜長

玉臺新咏十樂府詩集七十六

秋夜長

玉臺新咏此下有復長二字

四色詠

藝文類聚五十六

奉和織織

同上

半白半黑鴻翔羣

鴻當作燕注中尙不誤

奉和代徐

玉臺新咏十樂府詩集六十

詠梧桐

詠池上梨花

九卷本無此詩章氏增入

劉中書和

阻雪連句遙贈和

謝宣城集五尚有三八詩句此缺

木蘭詩

文苑英華三百三十三樂府詩集二十五閻百詩云此詩有謂必出晉人者或曰自是齊梁本色惟文苑

英華作唐韋元甫余謂唐是也唐書百官志司勳掌官吏勳發凡十有二轉為上柱國十有一轉為柱國以至一轉為武

唐人而何要木蘭之人與事則或出代魏間

促織何唧唧

英華作唧唧何力力注云一作歷歷又樂府作唧唧復唧唧

可汗問所欲

木蘭不用尙書郎

英華作可汗欲與木蘭官不用尙書郎

願馳千里足

英華願下

有得鳴

開我東閣門

閣字誤當依九卷本作閣

卷十

漢高祖手敕太子

晉明帝啟元帝

鄒長倩遺公孫賢良書

九卷本無此篇章氏增入

董仲舒詣丞相公孫宏記室書

推須賢佐

推當作惟九卷本尚不誤

謂之人心

人當作仁九卷本尚不誤

楊雄荅劉歆書

附方言後按華陽國志於林閭翁孺楊莊並云見楊子方言又文選注引張伯松曰是懸

諸日月不刊之書也亦直稱楊雄方言可見此書之附入方言由來久矣

及成都城四堦銘

方言堦作隅

且休脫直事之繇

且字誤當依方言作且

張伯松不好雄賦誦之文

方言誦作頌按二字古通

誠雄散之會也

之字

當重九卷本尚不誤

長而不以功顯於縣官者訓此於帝籍

方言著又

無此字

但言詞情覽翰墨為士

情字誤當依方言作博又方言士作事二字古通

不

可以忘

方言忘作怠

則縊死以從命也

此下九卷本有而可二字與方言合章氏刪之

誤以也字絕句故也

長監所規繡之就死以為小

所字誤當依方言作於此十一字作

一句讀章注殊謬

酈炎遺令書

必使其言不愧

按此下不當有空格

王粲為劉表與袁尙書

後漢書注七十四三國志注六按九卷本無此篇章氏增入

若存若忘

忘字誤當依後漢書注作亡又三國志注作雖存若亡

周公有商奄之軍

後漢書三國志兩注軍並作師

皆所以翦除災害

後漢書三國志兩注災並作穢

退有先

公遺恨之真

真字誤後漢書三國志兩注並作負

當惟曹氏是務

後漢書注無氏字三

國志注曹作義亦無氏字

今青州天情峭急

後漢書三國志兩注情並作性

優容劣

書三國志兩注優上並有以字

以卒先公恨

後漢書三國志兩注先公下並有之字

曹公與楊太尉書

八節角桃枝一枝

御覽七百十引作銀角桃枝杖一枚此脫杖字而枚又誤為枝

官績五

百匹

絹字誤當依九卷本作絹

四望通憶七香車一乘

初學記廿五引此文四望上有

畫輪

羅縠裘一領

御覽六百九十三引作羅縠錦袍一領又七百八引魏武帝與楊彪書云今贈

足下青氈牀褥三具今無此文

楊太尉荅曹公書

近聞慰之曰

慰字誤當依九卷本作問

曹公卞夫人與楊太尉夫人袁氏書

賢郎輔佐

九卷本佐作位

房子官錦百斤

錦字誤當作綿說見困學紀聞末卷

楊太尉夫人袁氏荅書

莫不感載

載當作戴九卷本尚不誤

魏文帝與鍾繇九日送菊書初學記四御覽三十二按九卷本無此篇章氏增入

惟芳菊紛然獨菲初學記作至於芳菊紛然獨榮御覽同惟榮作秀

卷十一

董仲舒郊祀對春秋繁露十五

駒犢未能芻秣之食繁露未能下有勝字秩作參成王幼繁露幼作立成王

令魯郊也繁露成王上有故字陛下乃奉使九卿奉字誤當依繁露作幸臣仲

舒冒死以聞繁露冒作昧

雨雹對西京雜記五

元光元年二月二當作七九故謂正陰之月謂下脫之字當依西京雜記

補陽陰之時雖異西京雜記陽陰二字倒純陽則無陰氣無氣字與

下句其尤者西京雜記尤作著故人得其暖而蒸成雪矣而下脫上字當

依西京
雜記補

酈炎對事

而桓譚以吳之篡弒滅亡

此六字九卷本
作夫差喪國

豐由季札

九卷本

作君可以死易生

桓生二字當依公羊
十一年傳互易之

猶可善乎

九卷本
可作何

樊毅乞復華下民租田口算狀

隸釋

掾臣條屬臣準

隸釋

書佐臣謀宏農太守上祠西岳乞差

一

隸釋無

縣賦發

此下隸釋
有差字

復華下十里以內民租田口

算狀

以上三十六字
隸釋在狀文後

冬十二月

九卷本無冬
字與隸釋合

狀書

狀字誤
隸釋作

上尚二字九
卷本脫上字

春秋示譏

隸釋示

神親民喜

隸釋親
正作歡讜書言

九卷本諱下
又字與隸釋合

常常充肥

下常字誤九卷本
作當與隸釋合

用穀藁三十

餘斛

十字誤九卷本
作千與隸釋合

乞差諸賦役

隸釋無

復華下十里以

內民租田口業隸釋業作算

卷十二

董仲舒山川頌春秋繁露十六

混混泫泫繁露泫泫作沁沁循微赴下繁露微作嶽鄣防止之能淨淨

繁露止之作山而

班固車騎將軍竇北征頌

武旗弩蜺衝鷄鹿超黃磧九卷本弩作胛又藝文類聚五十九引作武旗冒日雲黠長霓

鹿走黃磧揀嶰阨九卷本揀作採四行分仕九卷本仕作任

黃香天子冠頌初學記十四御覽五百四十

皇帝將加元冠初學記御覽並作元冕撞太簇之蕤鍾蕤字誤初學記御覽並作

庭鐘作蕃屏而鼎轉既夷裔之君王轉既二字並誤初學記轉作輔既作暨御覽並

同

傅咸皇太子釋奠頌

初學記十四按九卷本無此篇章氏增入

企茲良辰卜近于中

此二句初學記在希心闕里之下蓋章氏以不合韻而移置于此然安知

無缺文觀藝文類聚所引可見也

乃修嘉薦

藝文類聚三十八修作備又此上有生而知之上于皇儲

以能而問處實若虛爰離聖章玉采是數凡二十四字章氏失于採錄

以疇聖功

疇字誤當依初學記

酬作

王粲太廟頌

初學記十三

邯鄲淳魏受命述

藝文類聚十

旅力戮心

藝文類聚作飭躬戮力

煌煌厥耀

藝文類聚耀作輝九卷本亦作輝

信帝

位之壯業

藝文類聚位作者

氣稜不作

藝文類聚氣作氛

卷十三

王粲正考父贊初學記十七

張超尼父贊初學記十七 藝文類聚二十 文選七 啓注並引作尼父頌

此賦未有缺文 藝文類聚所引又有德被八荒名充遐外 終於獲麟遺歌魯衛凡十六字編古文苑者失於採錄今

附識 于此

蔡邕焦君贊藝文類聚三十六

班固沛泗水亭碑銘藝文類聚十二

皇皇聖漢藝文類聚 寸天尺土天字誤九卷本作 建號軍

基軍字誤九卷本作 烈士封功士當作土九卷本作

十八侯銘

天賦庭直九卷本 行不匿邪九卷本

馮衍車銘初學記二十五 藝文類聚七十一

傅毅車左銘

藝文類聚七十一御覽七百七十
三又文選東京賦注以為崔駰作

虞氏作車

御覽氏作夏

車不內顧

文選注作車中不顧

車右銘

初學記二十五藝文類聚
七十一御覽七百七十三

越戒敦約

御覽約作儉

車後銘

藝文類聚七十一
御覽七百七十三

張衡綬笥銘

初學記二十六按九卷本無
此銘章氏增入下二銘同

南陽太守鮑得一引作德

更理笥

御覽理作治此
唐人避諱改

胡廣笥銘

同上

承此印紱

初學記紱作綬然並不合韻

帝命所吝

初學記吝作賚北堂
書鈔百三十一亦作

賚

印衣銘

同上

克厭帝心

初學記作克常厭心北堂書鈔百三十一同

崔駰仲山父鼎銘

樽銘

藝文類聚七十三

鞞銘

藝文類聚七十

李尤孟津銘

藝文類聚九又八引作河銘

洛銘

初學記六按九卷本無此銘章氏增入

井銘

藝文類聚九

小車銘

初學記二十五藝文類聚七十一御覽七百七十三

漏刻銘

初學記二十五

序以崇熙

初學記序作帝

蔡邕警枕銘

藝文類聚七十御覽七百七

居安問傾

問字誤當依御覽作慮

樽銘

藝文類聚七十三

弗愆以淫

藝文類聚愆作繼

王粲無射鍾銘

初學記十六引作裴賓鍾銘按九卷本作延賓鍾銘延卽裴之誤與初學記正合此章氏

依粲集改也又北堂書鈔百八引王粲鍾銘云裴賓鍾建安中作重三千五百

十鈞有八斤蓋卽二銘之序今附識于此

刀銘

藝文類聚六十按九卷本無此銘章氏增入

質象有呈

文選七命注有作以

卷十四

楊雄冀州牧箴

初學記入藝文類聚六

夾以碣石

夾字誤當依藝文類聚作表

炫沄如湯

文選思元賦注炫作沄

兗州牧箴同上

青州牧箴同上

徐州牧箴同上

楊州牧箴同上

陽鳥攸處御覽九百七十三引作居

荊州牧箴同上

曰我在帝位初學記無我字

豫州牧箴同上

田田相拏拏字誤初學記作拏九卷本亦作拏

益州牧箴同上

雍州牧箴同上

橫截崑崙

注云截一作厲按厲字誤初學記引作屬

莫敢不來匡

匡當作臣九卷本尚不誤

隴山徂以

二字當依初學記乙轉九卷本尚不誤

幽州牧箴

同上

追于獯鬻

追當作迫九卷本尚不誤

東陌穢貊

陌當作限九卷本尚不誤

偃我邊萌

初學記作擾我邊毗

并州牧箴

同上

宗周罔職

初學記作宗幽罔識

交州牧箴

同上

池竭瀕乾

九卷本瀕作瀕與召閔詩正合

卷十五

楊雄光祿勳箴

初學記十二

議士充庭

初學記議作義

衛尉箴

初學記十二藝文類聚四十九

國有以固

有以二字當乙轉九卷本尚不誤

閭樂矯搜戟者不誰

初學記搜作詔

謹作推

太僕箴

同上

而野有餓殍

初學記殍作殍

廷尉箴

同上

刑者半道

道字不合韻當依初學記作市

是剝是剖

剖字不合韻當依初學記作剖

人莫

予柰

初學記作人其莫泰

大鴻臚箴

同上

宗正箴

初學記十二

周譏戒女

戒當作戎九卷本尚不誤

大司農箴

初學記十二藝文類聚四十九

姬卒以痒

初學記作周卒以凶

泣血之有

有字誤初學記作求九卷本又作末

少府箴

其僚率舊

其當作共九卷本尚不誤

執金吾箴

將作大匠箴

藝文類聚四十九

城門校尉箴

上林苑令箴

御覽二百三十二

芒芒大田

文選東京賦注引作天田御覽同

山有征陸

征字誤九卷本作徑御覽又作陵

共田徑游

顧千里云共當作失徑當作淫即離騷之羿淫游以佚田也

司空箴

藝文類聚四十七又初學記十一以此箴為崔駰作按後漢書云楊雄作十二州二十五官箴其九箴亡

闕文心雕龍稱卿尹州牧二十五篇則此范氏所見又少三篇矣不應古文苑所錄尚有二十八篇自此以下當為崔駰

崔爰之作無疑也

王路斯浮

初學記浮作蕪空臣司土九卷本空作官

太常箴

藝文類聚四十九又初學記十二以此箴為崔駰作

不如西鄰麥魚

西鄰下脫之字當依九卷本補

尚書箴

藝文類聚四十八

博士箴

藝文類聚四十六

故孔子觀夫大學而知為王之易

藝文類聚大字作人之二字又易字不重

而祗席平還師

平當作乎此用大戴記王言篇語也師與懷韻章注於平字絕句誤甚

卷十六

崔駟太尉箴初學記十一藝文類聚四十六

河南尹箴藝文類聚六

四方是營御覽二百五十二引作四方之經又此箴有缺文御覽所引多爰作卿士以尹王州風化攸興

萬國承流四句但誤以此箴為揚雄作北堂書鈔七十六引萬國承流句仍作崔駟不誤

司徒箴初學記十一藝文類聚四十七

仁德是興藝文類聚亂茲黎烝二字藝文類聚倒靡怠靡違此下

類聚有恪恭爾職以勤王機二句編古文苑者失于採錄無日余恃初學記余恃作爾恃豐其折

右初學記作徒臣司衆初學記衆作農

大理箴初學記十二

九刑允理刑字誤九卷本作州初學記亦作州章誤為刑乃以左傳解之周有亂政而作九刑豈皋陶作

士時凶旅斯并初學記卒損于秦損當作殞九無遂爾心事耶

心當作志九
卷本尚不誤
以速以亟
初學記亟作亟亟讀去聲正與志

五寘古音不
與志為韻也
天鑒在顏
初學記顏作顯
福善災惡
初學記災作禍

崔瑗東觀箴
同上

關都尉箴
初學記七

河隄謁者箴

尚書箴
初學記十一

虞登八元
九卷本元作凱
舉以無私
此句誤初學記作舉涉其私

北軍中候箴

司隸校尉箴

郡太守箴
藝文類聚六

此箴有缺文
文選赭白馬賦注
引大漢遵周化洽九區二句

胡廣侍中箴初學記十二

侍中司中侍下中字九卷本作臣

崔寔諫大夫箴初學記十二諫下有議字

逢于周厲注云逢當作逮按初學記正作逮 敢告執翼執當作有九卷本尚不誤

張華尚書令箴初學記十一又藝文類聚四十八文選顏延年北使洛詩注並以此箴為摯虞作按九卷

本無此篇章氏增入下篇同

玉我王猷初學記藝文類聚文選注玉並作闡

傅元吏部尚書箴初學記十一

明明王範藝文類聚四十八範作軌 賤不指卑指字誤當依初學記作恆

卷十七

董仲舒集敘

使相膠西王素服其德膠西王三字當重九卷本尚不誤

王褒僮約初學記十九藝文類聚三十五御覽五百九十八

奴父許人御覽作奴大忤人子卽決賣券之子下脫淵字之當買作云御覽並不誤

夫時戶下髻奴便了御覽買下有亾字裁孟鑿井井字誤當依藝文類聚作斗

與箒刻大枷御覽入百廿四引作刻木為架垂釣刈芻釣字誤當依藝文類聚作鉤垂卽垂

字沃不酪此句誤甚當依初學記作汲水酪住醜醜住字誤當依初學記作佐黏雀張

鳥注云一作鳥按浚園縱魚此句誤藝文類聚糞除常潔

二字誤當依藝文類聚作堂庶焚槎發等此字誤甚章氏乃強解之當依

收芋皆窖藏之至春乃調治馬驢此字誤御覽引作戶又發可見其為芋字無疑

舖已蓋藏初學記舖已作已而上至江州下到煎主為府掾求用錢

七字句煎錢與上船韻章讀主字絕句誤推紡惡御覽紡惡作訪聖並未詳敗搜索敗字誤當依御

覽作 武陽買茶 陽字誤當依 楊氏池中擔荷 御覽有注云

荷然則正文池 多作刀弓持入益州貨易牛羊 御覽弓作

中二字當行 字倒並當依御覽改此 奴自交精惠 交字誤當依 斷槩裁

以牙州牛三字為韻 轅 字誤御覽引作輶 若殘 若下脫有餘二 石疊薄岸 石

二字當依御覽乙轉御覽又有 日暮以歸 御覽作欲 四

注云疊石竹籠盛石以薄岸也 月當坡 坡當作披九 十月收豆 此下有缺文當依御覽補

持車載轆十四字南 安當編蔣織箔 此字誤當依藝 八赤

句又見初學記二十八 為行 赤字誤當依藝 椅盾曳鈔 椅字誤當依初學 若有私

文類聚作樹 歛 此字誤當依 事事當聞白 聞御覽 詞窮咋索 昨字誤當

詐 當如王大夫言 當藝文類 早知當爾 此下初學記藝

字

班固奕旨藝文類聚七十四

神明德也御覽七百五十三神作體危之正也危字誤當依御覽作道

蔡邕篆勢初學記二十一藝文類聚七十四

或龜文斜列櫛比龍鱗藝文類聚作或象龜文或比龍鱗與御覽七百四十九引此文合

長短副身藝文類聚作長趨短身為學藝之範圍此字誤當依初學記作開嘉文

德之宏懿此下有缺文當依初學記補蘊作者之莫刊思字指之類仰十二字

黃香責髡奴辭初學記十九

隨風飄飄下飄字當作飄九卷本尚不誤則論說唐虞二字當依初學記乙轉唐與下臧商

堂韻相如以之閑都初學記作都雅為子鬚此下初學記有者字

魏敬侯碑陰文

形坦而背阜九卷本坦作垣誤然章注亦作垣字解

卷十八

漢樊毅脩西嶽廟記隸釋

以其能興雲雨隸釋無柴燎煙隸釋此下有埋字惟窺祿之報窺

誤當依隸與縣令先黨黨當作謹九乃上復十里內工商釋作寵

嚴賦嚴當作豐九風雨應起此字誤當依垂曜靈軫二字

釋作畜輪洪氏以存有昭識隸釋作永泰氣推否推隸

釋作雍蓋洪波况臻九卷本川靈既定隸釋川作此本枝即壅字

惟百隸釋惟百達奉神祀祀字誤當依建父室宇隸釋建

脂之靈則有攸齊隸釋無攸字齊作濟建父室宇隸釋建

衛顛西嶽華山亭碑上同

歲在戊子子字誤當依宏農太守河南樊府君隸釋河南

府詔書奉詞隸釋詞齊堂逼窄隸釋堂清齊無處注云清

麤字誤當依九卷本斷度榭廊隸釋廊既成有元此字誤

釋作亢羣后命卿隸釋羣后萬祚來迎隸釋來尤尉隴西

甄璆尤當作左九

張昶西嶽華山堂闕碑銘初學記五藝

聖人廢興聖人藝文類若廣袤奇蟲初學記有缺焉九卷

上有

王延壽桐柏廟碑隸釋

災異告誥隸釋務潔沈祭隸釋務作禱遣行承事此句

依隸釋作飾治華蓋卷本亦作躬進牲牲

異祥昭格隸釋異黎庶預祉隸釋預聖賢立式隸釋所錄

字泐下二字作畫夜洪氏云此碑又有一正書者華蓋誤
作萃豐畫夜誤作立式凡十數字編古文苑者蓋以二碑
參定故與定為四瀆隸釋定匪恭匪力隸釋恭扶老攜集
隸釋不同
集當作息九懷君惠貺隸釋賜
卷本尚不誤
蔡邕九疑山碑藝文類聚七

卷十九

楚相孫叔敖碑隸釋三按九卷本無此篇章氏增入

列物於藪隸釋列字誤當依優瞻樂業隸釋為游字野無螟

儼隸釋儼世為立姬隸釋立字誤當依孟故楚之樂長隸釋無

卒後數幸此字誤當依即來其子而加封焉隸釋來遂封

潘鄉隸釋鄉下即歲還長徒太守還當作遷注中尚不誤

掖也注誤攷籍祭祠隸釋攷

漢故中常侍騎都尉樊君之碑六 隸釋

字子佑隸釋佑作仲以集古錄作佑者為誤並已高聲處

鄉校隸釋已作以鄉作卿為天下此下當依隸釋補著姓

本尚不誤兼典記傳隸釋作通然後慷慨官於王室隸釋慷慨

激憤二字官作宦隸釋作通穴從儀史隸釋儀以兄弟並盛以上當

補是字按九魂神遷佚二字誤隸釋作僊伏龜艾追贈隸釋

贈作未昭千億卷本尚不誤湖陽邑長劉慘慘當作操九

漢金城太守殷君碑

上郡乏陽人乏當作定九

後漢鴻臚陳君碑

然後研幾道奧九卷本道下空一格此奧字蓋章氏以靡

不坐該坐字誤當依文類聚作悉聞名心矍九卷本矍作瞿與禮記合四府並辭

此字誤當依九卷本作辟

河間相張平子碑

大泯斯道九卷本大作天以旌闕閭九卷本作厥問

曹娥碑會稽掇英總集十六

訴伸告哀伸字誤當依九卷本作神外孫壻曰此下九卷本又有二百年後碑冢當墮江中

墮不墮逢王叵注云墮一作墜叵一作匹

卷二十

楊雄元后誄

登涉帝位涉字誤當依九卷本作陟肇初配先先字誤當依九卷本作元帝致友屬

友當作支九卷本尚不誤戴勝降桑桑字不合韻藝文類聚十五作勝降桑木躬筐執曲藝文

類聚筐欵
二字劄

傅毅北海王誄

藝文類聚四十五〇此文不全文心雕龍誄碑篇引白日幽光霧霧杳冥二句

永平七年

藝文類聚七作六

於惟羣英列俊

惟字誤藝文類聚作是

魏文帝曹倉舒誄

同上

雕斯俊英

藝文類聚雕作凋

卷二十一

賈誼虞賦

初學記十六又御覽五百八十二引賈誼符箴賦曰櫻攀拳以繆虬負六鍾而欲飛

劉向請雨華山賦

鹿麇

九卷本作鹿

佛持

九卷本持作特

劉歆甘泉宮賦

藝文類聚六十二

芳胼蠻之依斐

藝文類聚作依依

傅毅琴賦

初學記十六藝文類聚四十四

歷松岑而將降

藝文類聚松作嵩按文選琴賦注引傅毅雅琴賦云時促均而增徽接角徵而控商

又云明仁義以厲已故永御而密親四句不知連屬何文附識于此

蔡邕協和昏賦

初學記十四

男女德乎年齒

初學記德作得驂駢如舉

此字誤當依初學記作舞阿傅御堅

此字誤初學記作監九卷本亦作監

琴賦

初學記十六藝文類聚四十四北堂書鈔百九按此賦原刻僅存二十三句諸書所引又皆割裂不全今按其

文義臆爲補正錄于左方以質知者

爾乃言求茂木周流四垂觀彼椅桐層山之陂丹華煒燁

綠葉參差甘露潤其末涼風扇其枝鸞鳳翔其巔元鶴巢

其岐考之詩人琴瑟是宐

已上十二句原缺依藝文類聚補

爰制雅器協

之鐘律通理治性恬淡清溢

此四句原缺依北堂書鈔補

丹絃既張八

音既平

此二句原缺依文選江文通雜體詩注補按此下當有缺文

爾乃清聲發兮五

音舉

爾乃二字原缺依藝文類聚補

韻宮商兮動徵羽曲引興兮繁絃撫

絃原作絲依藝文類聚改

間關九絃出入律呂屈伸低昂十指如雨

此四

句原缺依北堂書鈔補

然後哀聲既發秘弄乃開左手抑揚右手徘徊

徊抵掌反復

藝文類聚抵作指

抑按藏摧一彈三殺淒有餘哀

句原缺依北堂書鈔補

於是繁絃既抑雅韻乃揚仲尼思歸鹿鳴三

章梁甫悲吟周公越裳青雀西飛別鶴東翔飲馬長城楚

曲明光楚姬遺歎雞鳴高桑

此二句原缺依藝文類聚補

走獸率舞飛

鳥下翔感激絃歌一低一昂於是歌人恍惚以失曲舞者

亂節而忘形哀人塞耳以惆悵駭馬蹀足以悲鳴苟斯樂

之可貴宣簫琴之足聽

此句疑有誤字按已上六句原缺依北堂書鈔補

胡栗賦

初學記二十八藝文類聚八十七並引作傷故栗賦

凝育檠之綠英

初學記育作青

似翠玉之清明

初學記清作精

適禍賊之

災人兮

藝文類聚適作遇

述行賦

藝文類聚二十七按此賦見蔡中郎集全篇并序千有餘言章氏不能補足而退置末卷何其疎也今以

蔡集現存故不具錄

魏文帝浮淮賦

初學記六藝文類聚八

王粲大暑賦

藝文類聚五御覽三十四

獸狼望以倚喘

此上御覽有或赫熾以瘴炎或鬱衍而燠蒸二句

鳥垂翼而弗翔

此下御覽有根生苑而生炙豈含血而能當二句

汗雨下而霑裳

此下御覽有就清泉以自沃猶

洩忽而不涼體煩茹以於邑心憤悶而窘惶四句

曹植述行賦初學記七

律湯液之若焚初學記作偉
溫濤之若焚

劉楨大暑賦藝文類聚五

威靈參乘步朱轂威靈二字當依九卷
本乙轉注中尚不誤

應瑒靈河賦初學記六藝文類聚八

涉津洛之阪泉此下初學記有兮
字與上下文一例播九道之中州之當作
乎九卷

本尚不誤又北堂書鈔百三十七引應瑒靈河賦云龍艘
白鯉越胎蜀艇泝沿蔽水帆柁如林四句不知連屬何文

附識
于此

傅毅東巡頌藝文類聚三十九又初學記十三北
堂書鈔百二十並以此頌為崔駰作

嗣漢興興字不合韻當
依初學記作勳徵邇而造日徵邇二字誤當依藝
文類聚作道爾九卷

本亦建掃霓之旌旄初學記掃作翠此下又有三軍霆激
羽騎火列天動雷震隱隱鞞鞞四句

章氏失
于採錄
聘東作之上游
御覽五百三十七聘作躬游作務

蔡邕東巡頌
初學記十三藝文類聚三十九御覽

遵奉光武
藝文類聚
休徵乃降
此下御覽有事大而瑞盛

句按在
陶素質
初學記作練質素又二十二引班固東巡

字誤
珥響凡十六字
章氏失於採錄

南巡頌
同上

爰葉一十
初學記藝文類聚此下有帝典二字
建日月之旃旌

藝文類聚作憑列
宿而贊元御覽同

九惟文
藝文類聚

無以自任
九卷本自下空一格此任字蓋
章氏以意補費解并不合韻

古文苑校勘記

